



serafin

973

Ex Bibliotheca
majori Coll. Rom.
Societ. Jesu

20.3.33.

20

20

D

~~E~~

34

44

13-7 6.76





Ordonnances du Roy

HENRY TROISIEME
de ce nom, Roy de Frâce & de Pologne,
sur les plainctes & dolcances faictes par
les deputez des Estats de son Royaume,
conuoquez & assemblez en la ville de
Bloys.

*Publiees en la Court de Parlement,
le 25. iour de Januier, 1580.*



A PARIS.

Par Federic Morel, Imprimeur ordinaire
du Roy, en la rue S. Iaques, à l'en-
seigne de la Fontaine.

M. D. LXXX.

Avec Priuilege dudit Seigneur.





TABLE DES PRINCIPALES MATIERES CONTENUES EN CES PRESENTES
Ordonnances.

A



- Age de ceux qui seront pourueuz des
Eueschez & Archeueschez. Art. 2
Age requis en ceux qui seront profes-
sion monachale. art. 28
Age requis en officiers de Iudicature.
art. 105. 106. 107
Abbayes & la forme d'y nommer par le Roy, & pouruoir
par le Pape. art. 1. 3. 4. 6. 7. 9
Abbayes subiectes à Election. art. 3
Actes Iudiciaires. art. 171
Actes faicts par force, reuocquez. art. 284.
Aduocats du Roy. art. 118.
Almanachs contenant diuination defenduz. art. 36
Apothiquaires & Chirurgiens. art. 88.
Appellations comme d'abus seront receues des prouisions
de benefices obtenues contre la forme des ordonnances.
art. 2
Appellations comme d'abus. art. 59 & 60
Appellations verbales. art. 124 & 125
Archeueschez, & la forme d'y nōmer par le Roy, & pour-
uoir par le Pape art. 1. 2. 4. 7. 8.
Arrests ne se retracteront que par les voyes ordinaires.
article 92
Assassinatz. art. 125

T A B L E D E S

Assemblees d'hommes en armes defendues. art. 278
Audience publique sera baillee par Monseigneur le Garde
des seaux. art. 90

B

B Aillifs des Prouinces. art. 265. 266
Ban & arriereban. art. 316. & es articles subsequens.
Banquiers estrangiers art. 357
Banqueroutiers. art. 205
Baulx à ferme des biens des Colleges. art. 79
Benefices estans en la nomination du Roy, & la forme d'y
nommer & pourvoir. art. 1. 2. 3. 4. 5. 6. 7 & 8.
Biens Ecclesiastiques ne seront vsurpez. art. 47. 48
Blasphemateurs du nom de Dieu. art. 35
Bulles seront obtenues des benefices estans en la nomina-
tion du Roy. art. 5

C

C Abaretiers. art. 360. 361
Capitaine d'Arriereban supprimé. art. 317
Capitaines de Galeres. art. 200
Capitaineries. art. 276
Causes petites. art. 153
Chasses, & comme elles sont permises. art. 285
Chancellerie, & le reiglement des officiers d'icelle. art. 95
& 96
Chefs d'ordre. art. 3
Chemins & ponts. art. 355. 356
Cheuaux d'artillerie. art. 348
Chirurgiens & Apothiquaires. art. 87
Collateurs ordinaires de benefices. art. 64
Colleges & Seminaires. art. 24
Colleges destinez aux escholiers. art. 71
Commissaires quels seront establis. art. 176
Commissions extraordinaires reuocquees. art. 98
Commissions des Courts souueraines. art. 151
Committimus. art. 152. 177. 178

Compaignies

M A T I E R E S.

Compaignies d'hōmes d'armes. art. 286. 287. 288. &c.
 Comtez. art. 279
 Confrairies defendues art. 37
 Conseil priué & d'estat. art. 91
 Conseillers, & quand ils sabstiendront d'entrer. art. 122
 Contracts. art. 165
 Coruees indeuës. art. 283

D

D Eclaration de despens. art. 141
 Defaulx & congez. art. 142
 Degrez seront donnez en publicq. art. 84 & 85
 Delaiz peremptoires. art. 155. 156
 Delinquans seront apprehendez. art. 197
 Deniers d'octroy. art. 351
 Deniers reuenans bons. art. 350
 Despens, dommaiges & interests, & comme ils seront liquidez. art. 145
 Deuins seront punis. art. 36
 Deuolutaires. art. 46
 Deux benefices ayans charge d'ames incompatibles. art. 2
 Discipline reguliere. art. 27 & 30. 31
 Dixmes deuës aux Ecclesiastiques. art. 45. 50
 Docteurs en medecine. art. 87
 Domaine. art. 329. & autres articles subsequens.
 Dons faiçts deuant la vacation ou iugement. art. 204
 Dons excédans mil escus. art. 354
 Douaires des Roynes. art. 330
 Duchez. art. 279

E

E cclesiastiques exempts de gens de guerre. art. 55
 Ecclesiastiques exempts de toutes charges. art. 56
 Ecclesiastiques constituez és ordres sacrez ne pourront estre emprisonnez ny executez en leurs meubles. art. 57
 Eglises, & de ne sy proumener pendant le seruice. art. 39
 Election gardee en certaines Abbayes. art. 3

TABLE DES

| |
|--|
| Election d'offices de Iudicature. ar. 102 |
| Election de personnes dignes d'office de Iudicature. art. 104 |
| Elections d'officiers de ville. ar. 363 |
| Espices. ar. 127. 128. 129. 131 |
| Estat des viures necessaires en vne armee. ar. 349 |
| Estats de la maison du Roy, & à qui ils sont deuz. art. 259. 260. 261 |
| Estats incompatibles. ar. 267. 268. & 269 |
| Estrangers ne pourront tenir les plus grands benefices en France, ny estre vicaires, ny fermiers desdicts benefices. ar. 4 |
| Estrangers traffiquans en France ar. 358 |
| Eueschez & la forme d'y nommer par le Roy, & pour- uoir par le Pape. art. 1. 2. 4. 7. 8 |
| Euocations. ar. 97 |
| Euocations defendues. art. 179 |
| Euocations du procez principal defendues. ar. 149 |
| Exactions defendues. ar. 180 |
| Examen des beneficez ar. 12. 13 |
| Examen d'officiers de Iudicature. ar. 108 |
| Exemption à diuers officiers ar. 342. 343. 344 |
| Exercice restably és Colleges. ar. 81 |
| Exploicts de iustice. art. 173 |

F

| |
|---|
| Festes seront solennisees sainctement. ar. 38 |
| Filles de ioye. art. 311 |
| Fins de non proceder. ar. 147 |
| Fins de non proceder & de non receuoir. ar. 154. |
| Forests du Roy. ar. 336. 337. 338. avec les articles sub- sequents. |

G

| |
|--|
| Gardes Gardiennes. ar. 152 |
| Garnisons defendues. ar. 164 |
| Gens de court & leur reiglement. ar. 321. 322. 323. 324 & 325. 326. 327. 328 |

Gentilshommes

M A T I E R E S.

Gentilshommes seront tenus se rendre és armées. art. 277
 Gouverneurs des Prouinces. art. 271. 272 & 273. & quel
 pouuoir ils ont. art. 274
 Grands iours. art. 206
 Grand Preuost de France. art. 321
 Greffiers escriront les Enquestes. art. 169
 Greffiers garderont les Registres. art. 170

H

Hospitaux. art. 65 & 66

I

Ieux de farces & autres de mauuaise instruction. art. 80
 Informations sur les vie & meurs des officiers. art. 109
 Informations seront distribuees. art. 143
 Informations de tous crimes. art. 184
 Inuentaires des biens des decedez. art. 164
 Iuges ne postuleront & consulteront en leurs sieges. art.
115
 Iuges ne recommanderont les procez les vns aux autres.
 art. 120
 Iuges Presidiaux. art. 201
 Iurez de mestier. art. 359

L

Leçons ne se feront qu'en lieu publicq. art. 70
 Lecture publique des reiglemens & fondations des
 Colleges. art. 82
 Lettres patentes se scelleront par trois iours de la sepmai-
 ne. art. 93
 Leuees de deniers defendues. art. 275
 Leuees de deniers reuocquees. art. 352
 Leuees de gens de guerre defendues. art. 183
 Leuees de viures. art. 346
 Lignes defendues. art. 183
 Loix militaires. art. 289. 290. 291. 292. 293. 294. 295.

T A B L E D E S

296. 297. 298. 299. 300. 301. & en tout le surplus
du chapitre.

M

Maitres des Requestes. art. 99. 209
Maistre d'hostel. art. 322
Mareschaux de France reduicts à l'ancien nōbre. art. 270
Marguilliers & fabriqueurs. art. 53
Mariages clandestins defendus. art. 40. 41. 42. 43. 44
Mariages indignes de femmes veufnes. art. 182
Mariages ne seront contraincts. art 281
Marquisats. art. 279
Masques defendus. art. 198.
Mercurialles. art. 144
Meurtres de guet à pens. art. 194
Monstres de gens de guerre. art. 308
Munitions. ar. 347

N

Noblesse & les reiglemens d'icelle. ar, 256. & en tout
le surplus du mesme chapitre.
Notaires. ar. 165. 166. 167. 180

O

Oblations & offrandes. ar. 51
Oeconomats restraincts. ar. 6
Offices ne se donneront par autre que par le Roy. ar. 331
Offices de Iudicature. ar. 100
Offices de Iudicature, & cōme il y sera pourueu. ar. 102
Offices de nouuelle creation ausquels n'a esté pourueu,
exceptez de la suppression generale. ar. 255
Officiaux & vicaires generaux seront graduez & presbtres
ar. 45
Officiers pourueuz gratuitement ne pourront resigner
ar. 110
Officiers ne prendront rien. ar. 114

Officiers

MATIERES.

- Officiers ne seront receuz en vn meſme ſiege ſils ſont
proches parens. ar. 116
- Officiers de Chancellerie ne prendront rien pour faire
ſceller les lettres. ar. 94
- Officiers du Roy ne ſentremertront que des affaires du
Roy. ar. 112
- Officiers du Roy ne pourront eſtre officiers d'autres Sei-
gneurs. ar. 113
- Officiers du Roy eſcriront leurs ſalaires. ar. 159
- Officiers Royaux & autres qui ne pourront eſtre Fer-
miers des amendes. ar. 132.
- Officiers d'vniuerſité. ar. 76 & 77 & 78
- Ordonnances ſeront recueillies. ar. 207. 208
- Ordres ſe donneront gratuitement. ar. 20
- Ordres ſacrez, en quel aage ſe prendront. ar. 29

P

- P**areatis quand ſeront demandez. ar. 172
- Partis du Roy eſquels ſa Maieſté eſt circonuenue.
ar. 353
- Payment de gens de pied. ar. 307
- Peages nouueaux prohibez. ar. 282
- Peines contre ceux qui n'auront eſté prouuenz aux ſacrez
ordres, dedans le temps requis par l'ordonnance.
art. 8. 9
- Penſions reuocquees. art. 336
- Perte de finances. art. 362
- Prebendes Theologales & Preceptoriales. art. 33. & 34
- Precepteur pour les Moynes. art. 25
- Presbtres retourneront à leurs paroiffes. ar. 17
- Presbtrife, & en quels benefices elle eſt neceſſaire. ar. 8. 9
- Preſidents & Conſeillers des Requeſtes. art. 103
- Preuoſt des Mareſchaulx. art. 185. 186. 187. 188. 189.
201
- Preuues de la valeur des choſes. art. 162
- Pricurez eſtans en la nomination du Roy, & la forme d'y
nommer & pouruoir. art. 1. 6. 7. 9
- Principaux & Regens. art. 73 & 74

T A B L E D E S

Priuilege des Vniuersitez. art. 88
 Priuileges des Ecclesiastiques. art. 58
 Procez de la grand Chambre renuoyez aux Enquestes.
 art. 114
 Procez de commissaires. art. 133. 135
 Procez par escript se iugeront à tour de rolle. art. 124
 Procez partis. art. 126
 Procez Criminels. art. 130
 Procez Criminels seront remis au greffe. art. 140
 Procureurs & Aduocats du Roy art. 158
 Productions seront mises au greffe. art. 123
 Profession de foy des benefciez. art. 10
 Prouisions in forma dignum art. 12
 Publications d'Enquestes. art. 150

Q

Qualitez requises és oficiers de Iudicature. art. 105.
 106 & 107

R

Rappel de ban. art. 200
 Rebellions à Iustice. art. 190. 191. 192
 Recellement des coupables prohibé. art. 193
 Recteur. art. 73
 Recusations legitimes contre les Parlemens. art. 117. 118.
 119. 121
 Regences vacantes. art. 86.
 Regens & Principaux. art. 73 & 74
 Registres des baptismes, mariages & sepultures. art. 181
 Religieux nourris aux estudes. art. 26
 Remissions, & adresses d'icelles. art. 199
 Requestes du palais. art. 103
 Requestes ciuiles. art. 146
 Reserues de benefices defendues. art. 7
 Residence des Euesques & Archeuesques. art. 14
 Residence des Iuges. ar. 136. 137. 138. 139
 Residence des Principaux & Regens des colleges. ar. 72
 Retentions

M A T I E R E S.

Retentions de cause defendues. ar. 179
 Retentions du proces principal defendues. ar. 148
 Reünion du domaine. ar. 332
 le Roy promet audience publicque. ar. 89
 Roturiers ne seront annobliz pour auoir acquis fiefs nobles. ar. 258

S

Saisies par faulte de non residence des beneficiez ar. 15 & 16
 Salaires d'officiers. ar. 159. 160 & 161. 163
 Sauuegarde aux beneficiez. ar. 18
 Senelchaulx de Prouince. ar. 265. 266
 Sentence de prouision. ar. 62
 Sergens. ar. 173. 174. 175
 Seruice diuin restably. ar. 52
 Simonie avec inunction d'en informer. ar. 8
 Simonie, & punition d'icelle. ar. 21
 Substituts des gens du Roy. ar. 157
 Suppressions de plusieurs offices. ar. 210. & en tout le surplus plus du chapitre desdictes suppressions.
 Suruiuances reuocquees ar. 111
 Syndic du Clergé de chacun diocese. ar. 10

T

Tailles & Aydes. ar. 341. & autres subsequents
 Tauerniers. ar. 360. 361
 Terres vagues. ar. 340
 Terrier des Ecclesiastiques. ar. 54
 Tesmoins signeront. ar. 165
 Tesmoins, & comme ils seront examinez. ar. 168. 203
 Testamens & forme d'iceux. ar. 63
 Testamens. ar. 165
 Testimoniales des priuileges. ar. 83
 Titulaires incogneuz re prouuez en benefices. ar. 6

TABLE DES MATIERES.

V

Valeur des choses. art. 162

Vente d'offices de Iudicature defendue. ar. 100
& 101

Vibailiffs. ar. 186. 187 188 & 189. & 201

Vicaires generaux des Prelats. ar. 45

Vicariats. ar. 61

Visitacion des Euesques & Archeuesques. ar. 32

Vnion de benefices pour augmenter les Cures & preben-
des. ar. 22 & 23

Vniuersité de Paris. ar. 69

Vniuersitez. ar. 67 & 68

Voleries, & de la poursuite d'icelles. ar. 196

Vsures. ar. 202

Fin de la Table des matieres.

Sommaire du Priuilege.

LE Roy & sa Court de Parlemēt ont permis & permettent à Federic Morel Imprimeur dudit Seigneur, d'imprimer ou faire imprimer, vendre & debiter, Les Ordonnances dudit Seigneur Roy sur les plainctes & doleances faictes par les deputez des Estats de son Royaume cōuoqueZ & assembleZ en la ville de Bloys: & tout ce qui concerne les Estats generaux tenuz en ladicte ville de Bloys: Ensemble tous autres Edicts, Ordonnances, Declarations, Mandemens, & Lettres qui doiuent estre imprimees & publiees: suiuant les Lettres oētroyees audit Morel par le feu Roy Charles I^x. du 4. Mars, 1571. Verifiees en la Court de Parlement, Chābre des Comptes, Court des Aydes & Chastellet de Paris: Confirmation d'icelles par le Roy à present regnā, du 25. d'Apuril, 1575. & autres Lettres dudit Seigneur encore depuis obtenues par ledict Morel. Auec inhibitions & defenses à tous Imprimeurs, Libraires & autres personnes quelsconques, d'imprimer, faire imprimer, vendre ou exposer en vente les choses susdictes, sans le consentement dudit Morel: sur peine de faulx, de tous despens, dommages & interests, & de confiscation de tout ce qui se trouuera imprimé au cōtraire: ainsi que plus à plein est contenu en ses Lettres de Priuilege, donnees à Paris le premier iour d'Apuril, 1579.



T A B L E D E S
C H A P I T R E S.

| | |
|---------------------------------|--------------|
| D E l'Estat Ecclesiastique. | page 4 |
| Des Hospitaux. | pag. 44 |
| Des Vniuersitez. | p. 46 |
| De la Iustice. | p. 57 |
| Des Suppressions. | p. 123 |
| De la Noblesse, & Gendarmerie. | p. 143 |
| Du Domaine. | p. 176 |
| Des Tailles, Aydes, & Subsides. | p. 185, |
| 186. &c. | |
| De la Police & marchandise. | p. 187, 188. |
| & autres pages suiuanes. | |







ORDONNANCES

*Du Roy Henry Troisième de ce nom,
Roy de France & de Pologne, sur
les plainctes & doléances faictes par
les deputez des Estats de son Royau-
me, conuoquez & assemblez en la
ville de Bloys.*



ENRY par la grace
de DIEV Roy de
France & de Polo-
gne, à tous presens
& à venir, salut.

Comme au mois
de Nouembre, mil
cinq cens soixante
seize, nous eussions fait assembler en no-
stre ville de Bloys les trois Estats de nostre
Royaume, & benignement ouy & receu
leurs plaintes, doléances, & remonstran-

ces, redigees & presentees par escript. Auf-
 quelles toutefois nous ne peusmes faire
 lors responce, & pourvoir de remede con-
 uenable au soulagement de nos subiects,
 pour auoir esté nostre bonne & droicte in-
 tention retardee par nouveaux troubles,
 qui recommencerent, comme chacun sçait,
 en diuers endroits de nostredit Royaume.
 Lesquels aussi tost qu'ils furent par la gra-
 ce & bonté de Dieu aucunement appaizez
 au moys de Mars, mil cinq cens septante
 huit, asistez de la Royne nostre tres-
 honoree Dame & mere, feismes assembler
 en nostre bonne ville de Paris, plusieurs
 Princes, Seigneurs, principaux officiers de
 nostre Couronne, & autres grands person-
 nages de nostre Conseil priué. En la pre-
 sence desquels aurions veu & fait veoir les
 cahiers qui nous furent presentez par les
 deputez desdicts Estats : Neantmoins nous
 aurions esté contraincts de differer la pu-
 blication de l'Edict, que nous entendions
 faire dresser sur les Articles y contenuz :
 estant impossible que l'exécution & obser-
 uation d'iceluy fust telle que nous dési-
 rions, & l'auctorité de nos ordonnances le
 requiert, pour ce qu'il restoit beaucoup de
 reli-

reliques des troubles passez en plusieurs
prouinces de nostredict Royaume, esquel-
les il estoit besoin au parauant reestabli-
re le repos. Et pour cest effect nostredicte Dame
& mere auroit voulu prendre la peine de sy
transporter, & sy employer, comme elle
fait encores de present, avec le mesme soin,
zele & affection, qu'elle a tousiours porté
au bien general de nostredict Royaume.
Et voyant que par la grande & accoustu-
mee prudence toutes choses estoient dis-
posees à vne bonne pacification, n'auons
voulu plus longuement differer la publica-
tion de nostre Edict, pour le singulier desir
que nous auons de pouruoir aux plainctes
de nos subiets : & sur toutes choses, entant
que à nous est, faire que l'ordre des gens
d'Eglise soit remis en bon estat, par le resta-
blissement de la discipline Ecclesiastique,
selon les saincts Decrets, dont la garde &
protection nous appartient. Et apres auoir
veu & fait veoir de rechef lesdits cahiers
en nostredict Conseil priué, auquel assi-
stoient aucuns Princes, Seigneurs, officiers
de nostre Couronne, & autres grands per-
sonnages : Auons par l'aduis d'iceux fait,
statué, & ordonné, faisons, statuons, &

ordonnons les choses qui ensuyuent. Et
premierement :

De l'Estat Ecclesia- STIQUE.

ARTICLE PREMIER.

DECLARONS que aduenant vacation des Archeueschez, Eueschez, Abbayes, Prieurez, & autres benefices estās à nostre nomination, Nous n'entendons nommer sinon personnes d'aage, preudhommie, suffisance, & autres qualitez requises par les saincts Decrets & constitutions canoniques & Concordat. Et à fin qu'il soit plus meuremēt par nous pourueu au faict desdictes nominations, ne sera à l'aduenir par nous nommé à aucuns desdicts benefices, sinon vn mois apres la vacation d'iceux. Et encores au parauant la deliurance de nos Lettres de nomination, que nous auons accoustumé faire à nostre Sainct Pere le Pape, seront les noms des personnes par nous nommees, enuoyez à
l'Eues-

l'Euesque, diocesain du lieu, où ils auront fait leur demeure & residance les cinq dernieres annees precedentes: ensemble aux Chapitres des Eglises & Monasteres vacas. Lesquels informeront respectiuelement de la vie, mœurs, bonne renommee, & conuersation Catholique desdicts nommez: & de tout feront bons procez verbaux, qu'ils nous enuoyeront cloz & scellez le plus tost que faire se pourra.

II.

CEUX que nous voudrös nommer ausdicts Archeueschez & Eueschez, seröt aagez de vingt sept ans pour le moins. Et encores auant l'expedition de nos lettres de nomination, examinez sur leur doctrine aux saintes Lettres, par vn Archeuesque ou Euesque que nous commettrons, appelez deux Docteurs en Theologie: lesquels nous enuoyeront leur certificat de la capacite ou insuffisance desdicts nommez. Et où tant par lesdictes informations, que examen, ils ne se trouueroient estre de vie, mœurs, aage, doctrine, & suffisance requise, sera par nous procedé à nouuelle nomination d'autres personnes: de la vie, mœurs & doctrine desquels sera informé & enquis cöme dessus.

Defendons à tous nos Iuges d'auoir aucun esgard aux prouisions qui auroient esté obtenues autrement que selon la forme prescrite cy dessus. Voulons que nos Procureurs generaulx se puissent porter pour appellans, comme d'abus, des executions desdictes prouisions, lesquelles nous voulons estre declarees nulles & abusiuës : & desdictes appellations nous attribuõs la cognoissance à nos Courts de Parlemēt, pour icelles iugees estre par nous nômé autres personnes, selon la forme susdicte.

I I I.

P O U R reſtabliſſer, conſeruer & entretenir l'eſtat regulier & diſcipline Monaſtique, Voulons, que aduenant vacation des Abbayes & Monaſteres, qui ſont chefs d'ordre, comme Clugny, Cîteaux, Premonſtré, Grâmont, Le val des Eſcoliers, S. Anthoine de Viënois, la Trinité d'ice des Marthurins, Le val des choulx, & ceux auſquels le droit & priuilege d'election a eſté conſerué : Et ſemblablement és Abbayes & Monaſteres de S. Edme, Pontigny, La Ferté, Cleruault, & Mormôt, appelez les quatre premieres filles de Cîteaux, y ſoit pourueu par election des Religieux profez desdicts

dicts Monasteres , suyuant la forme des
saincts decrets & constitutiōs canoniques.

IIII.

N'ENTENDONS que cy apres aucun
puisse estre pourueu d'Archeueschez, Eues-
chez , ny d'Abbayes du chef d'ordre, soit
par mort, resignation, ou autrement, qu'il
ne soit originaire François : nonobstant
quelque dispense , ou clause derogatoire
qu'ils puissent obtenir de nous , à laquelle
ne voulōs qu'on ait aucun esgard. Et quant
à ceux de nation estrangere, qui ont esté cy
deuāt pourueuz de benefices en ce Royau-
me, ne pourront auoir vicaires ny fermiers
en leursdicts benefices , autres que naturels
François : à peine de saisie de leur tempo-
rel, & de perte des fruiets , qui seront distri-
buez aux pauvres des lieux.

V.

POVR obuier aux scandales & desor-
dres, qui prouiennent de la trop longue va-
cation des benefices estans en nostre nomi-
nation : Ordonnons que ceux que nous y
nommerons cy apres , seront tenus dedans
neuf mois apres la deliurance de nos Let-
tres de nomination (de laquelle sera fait
Registre) obtenir les bulles & prouisions :

ou faire apparoir à l'Euesque diocesain de diligences valables & suffisantes. Et à faulte de ce faire, demeureront deceuz de leur droit de nomination, sans qu'il en soit besoing obtenir autre declaration, que la nomination que nous ferons d'autres personnes des qualitez & suffisances que dessus. Et pour le regard de ceux que nous auons cy deuant nommez, Nous leur enioignons sous mesmes peines, d'obtenir leurs bulles & prouisions dedans six mois apres la publication de la presente ordonnance, pour toutes prefixions & delaiz.

VI.

ET d'autant que plusieurs Abbayes & Prieurez sont tenus par Economat, ou par personnes incognues: Enioignons à tous Archeuesques, Euesques, ensemble à nos Baillifs, Seneschaux, ou leurs Lieutenans, & nos Procureurs, enuoyer à nostre trescher & seel Châcellier, ou garde des sceaux, dedans trois mois apres la publication du present Ediât, le nombre des Abbayes & Prieurez qui sont en leurs dioceses, Seneschauces, & Bailliages, ensemble le nom & qualité tant des Titulaires, que de ceux qui les possèdent par Economat. Et outre

tre leur enioignons d'informer diligemment, si pour obtenir les nominations & prouisions y a esté commise aucune simonie, & nous enuoyer les informations closes & sceelées, pour apres y pouruoir à l'honneur de Dieu, & descharge de nostre consciëce. Enioignons aussi à nosdicts Bailifs & Seneschaux de faire le semblable pour le regard des Archeueschez & Eueschez estās au dedās de leur ressort & iurisdiction.

VII.

Nous reuoquons toutes reserues d'Archeueschez, Eueschez, Abbayes, Prieurez, & autres benefices estans à nostre nomination. Declarons que nous n'entendons cy apres en donner ou octroyer aucunes. Et où par importunité ou autrement il s'en trouueroit à l'aduenir aucunes accordees, les auons declarees nulles : Et seront ceux, qui les auront poursuyues & obtenues, declarez incapables de tenir à iamais benefices, suyuant les saincts decrets & constitutions canoniques. Voulons que tous breuets de reserue cy deuant depeschez, soient rapportez par ceux qui les ont obtenus, pour estre rompus & cācellez, comme nuls & de nulle valeur.

VIII.

LES Archeuesques & Euesques seront tenus se faire promouuoir aux sainctes ordres, & consacrer, dedans trois mois apres leur prouision: Autrement, à faulte de ce faire, sans autre declaration, seront contraincts de rendre les fruiçts qu'ils auront pris & perceuz, pour estre employez à œures pitoyables. Et si dedans autres trois mois ensuyuans ils ne se sont mis en deuoir de ce faire, ils seront entierement priuables du droict desdictes Eglises, sans autre declaration, suyuant les saincts decretz.

IX.

LES Abbez & Prieurs conuentuels, ayans attainct l'aage requis par les Conciles, seront suyuant iceux tenuz se faire promouuoir à l'ordre de Prestrise, dedans vn an apres leur prouision, ~~sinon~~ qu'ils eussent sur ce obtenu dispense legitime. Et ~~neantmoins~~ où dedans deux ans ensuiuans ils ne se feroient promouuoir audict ordre, seront les benefices par eux tenus, declarez vacans & impectrables: & encores contraincts de rendre & restituer les fruiçts qu'ils auront perceus, pour estre employez & distribuez à œures pitoyables.

X.

CEUX qui seront dorenavant pourueuz d'aucuns benefices Ecclesiastiques, de quelque qualité qu'ils soient, seront tenus avant que pouuoir prendre possession, s'ils sont presens, sinon deux mois apres ladicte prise de possession, faire profession de foy entre les mains de l'Euesque, ou son Vicaire general, ou en son absence, de son Official : dont sera fait Registre. Et oultre, si c'est dignité, personnat, office, ou prebende d'Eglise Cathedrale & Collegiale, sera tenu le pourueu faire semblable profession au Chapitre de ladicte Eglise, au parauant que d'estre receu : & ce à peine de perte des fruiets desdicts benefices apres ledict temps passé. Laquelle profession de foy se fera aussi, & continuera aux Cōciles synodaux & prouinciaux, par tous ceux qui de droit ou coustume y ont entree où assistance. Autrement en seront les refusans exclus : & sera procedé contre eux par les peines portees par les saincts decrets. Et semblable profession de foy seront tenus faire ceux qui se voudront faire promouoir aux saintes ordres.

XI.

NVL ne pourra doreſenauant tenir deux Archeueſchez, Eueſchez, ou Cures és Eglieſes parochiales, quelques diſpenſes qu'on pourroit cy apres obtenir : nonobſtant leſquelles ſuyuant les ſaincts decretſ & conſtitutions canoniques, ſeront les benefices de ceulx qui les obtiendront, declarez vacans & impetrables.

XII.

CEVX qui auront impetré en Court de Rome prouiſions de benefices en la forme qu'on appelle Dignum, ne pourront prendre poſſeſſion deſdicts benefices, ne ſimmiſcer en la iouyſſance d'iceux, ſans ſ'eſtre preallablement preſentez à l'Archeueſque ou Eueſque diocelain & ordinaire : & en leur abſence, à leurs Vicaires generaux : à fin de ſubir l'exameñ, & obtenir leur Viſa: lequel ne pourra eſtre baillé, ſans auoir veu & examiné ceux qui ſeront pourueus, & dont ils ſeront tenus faire métiõ expreſſe. Pour l'expedition deſquels Viſa ne pourront leſdicts Prelats, ou leurs Vicaires & Secretaires prendre que vn eſcu pour le plus, tant pour la lettre, que ſeel d'icelle.

XIII.

ET

ET où leſdicts impetrans ſeroient trouuez inſuffiſans & incapables, le Superieur auquel ils auront recours, ne leur pourra pouruoir ſans precedente inquiſition des cauſes du refus : leſquelles à ceſte fin les ordinaires ſeront tenus d'exprimer & inferer aux actes de leurs refus.

XIIII.

SERONT tenuz les Archeueſques & Eueſques faire reſidance en leurs Eglises & Dioceſes, & ſatisfaire au deuoir de leurs charges en perſonne. De laquelle reſidance ils ne pourront eſtre excuſez que pour cauſes iuſtes & raisonnables, approuuees de droit, qui ſeront certifiees par le Metropolitan, ou plus ancien Eueſque de la prouince. Autrement, & à faulte de ce faire, outre les peines portees par les Conciles, ſeront priuez des fruiſts qui eſcherront pendant leur abſence : leſquels ſeront ſaiſis & mis en noſtre main, pour eſtre employez aux reparations des Eglises ruinees, & aumosnes des pauures des lieux, & autres œuures pitoyables. Et ſur tout admonestons, & neantmoins enioignons auſdicts Prelats, de ſe trouuer en leurs Eglises au temps de l'Aduent, Careſme, Feſtes

de Noël, Pasques, Pentecoste, & iour de la Feste-Dieu. A semblable residâce, & sous pareilles peines seront tenus les Curez, & tous autres ayans charges d'ames, sans se pouuoir absenter que pour cause legitime, & dont la cognoissance en appartiendra à l'Euesque diocesain: duquel ils obtiendront par escrit licence ou congé, qui leur sera gratuitement accordé & expédié. Et ne pourra ladiète licence sans grâde occasion excéder le temps & espace de deux mois.

XV.

ET neantmoins sur la frequente plainte desdicts Ecclesiastiques de nos Officiers, qui abusent des saisies par faulte de non residance des beneficiers: Defendons à nosdicts officiers de faire proceder par saisie du temporel des benefices: sinon apres auoir aduerty le diocesain, ou le vicaire du beneficier titulaire, auquel ils bailleront delay competent, pour le luy faire entendre, ou faire apparoir de la dispense de non residance.

XVI.

PAREILLEMENT defendons tresexpressément à tous Sieurs haults iusticiers, & leurs officiers, de saisir, ou faire saisir les biens

biens & reuenuz desdicts Ecclesiastiques, sous pretexte de la non residence desdicts beneficiers, ou reparations non faictes: Ains seront icelles saisies faictes esdicts cas & autres par nos officiers seulement, à la requeste de nos Procureurs generaux, ou leurs substituts. Ausquels neâtmoins nous defendons de proceder à telles saisies, & de vexer & trauailler les beneficiers sans raison & apparence,

XVII.

ET pource que pour la crainte & malheur des troubles, plusieurs Prestres se sont retirez de leurs dioceses, ou bien sont allez demeurer dans les villes, en sorte que en la plus part des villages il n'y a qu'un seul Vicaire, ou Curé, dont il aduiet bien souuent, que pour leur maladie, ou autre empeschement, le seruice diuin est discontinué: Enioignons à tous Prestres de se retirer en leurs dioceses, & paroisses, excepté ceux qui ont benefices, ou biens suffisans pour les entretenir selõ leur estat, ou qui sont habituez, & seruent actuellement es Eglises Cathedrales, Collegiales & parochiales.

XVIII.

ET à fin que les Ecclesiastiques puissent

resider en plus grande seureté en leurs benefices: les auons mis, & mettons en nostre protection & sauuegarde speciale: & les baillons en garde aux Gentilshommes & Sieurs des villes, bourgs & villages, où ils resideront. Leur enioignant tres-expressement de les preseruer bien & soigneusement de toute oppression, sur peine de respondre en leurs propres & priuez noms des torts, outrages, ou iniures qui leur seroient faictes en leurs terres & seigneuries, au cas qu'ils n'en aurent fait faire iustice.

XIX.

ET sur la requeste faicte par lesdicts Ecclesiastiques, leur auons permis & accordé pour vn an seulement, qu'ils puissent en l'Assemblée generale du Clergé de chacun diocèse eslire vn Syndic ou solliciteur, pour faire poursuite en iustice des torts qui leur aurent esté faictes. Sauf apres ledict temps passé à leur prolonger le terme, ou leur pouruoir autrement sur leurdictes requestes, ainsi que nous verrons estre à faire par raison.

XX.

LES Euesques, & autres Collateurs ordinaires, ou leurs Vicaires & Officiers, ne pourront

pourront rien prendre, sous quelque couleur & pretexte que ce soit, pour la collation d'aucuns ordres, tonsure des Clercs, Lettres dimissoires & testimoniales, soit pour le seel, ou autre cause quelconque, encores qu'il leur fust présenté: Sauf neantmoins à faire taxe pour les Lettres dimissoires & testimoniales aux Greffiers pour leur salaire, qui ne pourra excéder la dixième partie d'un escu: Et ce seulement pour le regard de ceux qui n'ont autres gages & emoluments pour exercer leur office. Et sans que aux Euesques, & autres Collateurs, puisse venir aucun profit directement ou indirectement: Nonobstant tous statuts, vsances, & coustumes contraires. Et seront ceux qui se trouueront auoir pris, ou donné, punis des peines ordonnées de droit contre les Simoniaques.

X X I.

LES DICTS Archeuesques & Euesques procederont soigneusement & seuerement, sans dissimulation ne exception de personne, contre les personnes Ecclesiastiques, qui auront commis le crime de Simonie, par les peines indiètes & portees par les saints Decrets & constitutions canoniques.

ques: Enioignant à nos Baillifs & Seneschaux proceder au semblable contre les personnes laiz, coupables & participans du mesme crime. Pour duquel auoir reuelation, pourront lesdicts Euesques, & nos Officiers, faire publier monitions, au temps qu'ils verront propre & opportun, par toutes les paroisses.

XXII.

Es lieux, où des Cures & Eglises parochiales le reuenu est si petit, qu'il n'est suffisant pour entretenir le Curé, les Euesques avec deuë cognoissance de cause, & selon la forme prescrite par les Conciles, y pourront vnir autres benefices, Cures, ou non Cures, & proceder à la distribution des dixmes, & autre reuenu Ecclesiastique.

XXIII.

SEMBLABLEMENT aux Eglises Cathedralles ou Collegiales, lesquelles il se trouuera y auoir tel nombre de Prebēdes, que le reuenu avec la distribution quotidienne ne soit suffisant pour soustenir honnestement le degré & estat de Chanoine, selon la qualité des lieux & des personnes: lesdicts Archeuesques & Euesques pourront proceder à l'augmentation dudit reuenu,

uenü, soit par vnion de benefices simples, pourueu qu'ils ne soient reguliers, ou par reduction desdictes Prebendes à moindre nombre, pourueu qu'il soit suffisant pour la celebration du seruice diuin, & entretenement de la dignité de l'Eglise. le tout neantmoins avec le consentement du Chapitre, & des Patrons, ausquels la presentation en appartient, si lesdictes Prebendes & benefices sont en patronnage lay.

XXIII.

ET d'autant que l'institution des Seminaires & Colleges, qui ont esté establis en aucuns Eueschez de cestuy nostre Royaume pour l'instruction de la ieunesse, tant aux bonnes & saintes lettres, que au seruice diuin, a apporté beaucoup de bien à l'Eglise, & mesmes en plusieurs prouinces de cestuy nostre Royaume, grandement desolées pour l'iniure du temps, & despourueuës de ministres Ecclesiastiques: Admonestons, & neantmoins enioignons aux Archeuesques & Euesques, d'en dresser & instituer en leurs dioceses, & aduiser de la forme qui semblera estre la plus propre selon la necessité & condition des lieux, & pourueoir à la fondation & dotation d'i-

ceux, par vnion de benefices, assignations de pensions, ou autrement, ainsi qu'ils verront estre à faire: Enioignât à tous nos officiers tant de nos Courts souueraines, que autres, de tenir la main à l'exécution de ce qui aura esté ordonné pour l'institution, dotation, & reiglement desdicts Seminaires.

XXV.

EN chacune Abbaye, & Prieuré conuen-
tuel, sera entretenu vn precepteur pour in-
struire les Moines & Religieux.

XXVI.

LES Abbez, Conuents, & Prieurs con-
uentuels seront tenus d'entretenir aux es-
coles & Vniuersitez tel nōbre de Religieux
que le reuenu de l'Abbaye, Prieuré, ou
Conuent pourra porter. Et pour cest effect
y sera employé la portion Monachale des
estudians. Et si elle n'est suffisante, sera par-
fournie par lesdits Abbez, Prieurs, & Con-
uents.

XXVII.

Tous Monasteres qui ne sont sous
Chapitres generaux, & qui se pretendent
subiects immediatement au S. Siege Apo-
stolique, seront tenus dans vn an se reduire
à quelque congregation de leur ordre en ce
Royaume.

Royaume, En laquelle serôt dressez statuts, & commis visitateurs pour faire executer, garder & obseruer ce qui aura esté arresté pour la discipline reguliere. Et en cas de refus ou delay, y sera pourueu par l'Euesque.

XXVIII.

LA profession tant des Religieux que Religieuses, ne se fera au parauant l'aage de seize ans accomplis, ny deuant l'an de probation apres l'habit pris. Et où elle seroit faicte au parauant, nous auons declaré, & declérons, les contracts, obligations & dispositions de biens faictes à cause d'icelles, nulles & de nul effect. Et pourront ceux qui auront fait profession auât ledict aage, disposer de leurs biens & successiôs, escheuës & à escheoir, en ligne directe ou collateralle, au profit de celuy de leurs parens, ou autre que bon leur semblera: non toutefois d'aucun Monastere directement, ou indirectement: & ce trois mois apres qu'ils aurôt atteint ledict aage de seize ans. Et s'ils n'en ont disposé dedans ledict temps, viendront lesdicts biens à leurs prochains heritiers ab intestat. Outre ce voulons, que les Abbesses ou Prieures, au parauant que faire bailler aux filles les habits de professes, pour

les receuoir à la profession, seront tenues vn mois deuant aduertir l'Euesque, son Vicairre, ou Superieur de l'ordre, pour s'enquerir par eux, & informer de la volonté desdictes filles, & si y a eu contraincte ou induction, & leur faire entendre la qualité du vœu auquel elles s'obligent.

XXIX.

Les Ordres sacrez se pourront prendre en l'aage prescript par les constitutions canoniques : Sçauoir est, l'ordre de Soufdiacre, à vingtdeux ans : de Diacre, à vingt-trois : & de Prestre, à vingt-cinq. Nonobstant l'ordonnance d'Orleans, à laquelle auons derogé, & derogeõs pour ce regard.

XXX.

EN tous Monasteres reguliers, tât d'hommes que de femmes, les Religieux & Religieuses viuront en commun, & selon la reigle en laquelle ils ont fait profession. Et à cest effect seront tenus les Archeuesques, Euesques, ou chefs d'ordre, en faisant la uisitation des Monasteres depẽdants de leurs charges, y reestabli la discipline Monastique, & obseruance, suyuant la premiere institution desdicts Monasteres : Et de mettre le nombre des Religieux requis pour la celebra-

celebration du seruice diuin. Et ce qui sera par eux ordonné, sera executé, nonobstant oppositions ou appellations quelsconques, & sans preiudice d'icelles : & pour lesquelles ne sera differé, ains passé outre.

XXXI.

ADMONESTONS les Archeuesques, Euesques, & autres Superieurs des Monasteres des Religieuses, de vacquer soigneusement à remettre & entretenir la closture des Religieuses. A quoy faire ils contraindront les desobeissantes par césures Ecclesiastiques, & autres peines de droict : nonobstant oppositions ou appellations quelsconques. Enioignons à nos Officiers leur prester toute ayde & confort. Et ne pourra aucune Religieuse, apres auoir faict profession, sortir de son Monastere, pour quelque temps, & sous quelque couleur que ce soit : si ce n'est pour cause legitime, qui soit approuuee de l'Euesque ou Superieur : & ce nonobstant toutes dispenses & priuileges au contraire. Comme aussi ne sera loisible à personne, de quelque qualité, sexe, ou aage qu'il soit, d'entrer dans la closture desdicts Monasteres, sans la licence par escrit de l'Euesque, ou Superieur, és cas

necessaires seulement, sur les peines de droit.

XXXII.

Les Archeuesques & Euesques seront tenus de visiter en personne, ou fils sont empeschez legitimemēt, leurs Vicaires generaux, les lieux de leurs dioceses tous les ans. Et si pour la grande estendue d'iceux ladicte visitation dedans ledict temps ne peult estre accomplie, seront tenus icelle paracheuer dedans deux ans.

XXXIII.

Nous voulons, que l'ordonnance faicte à la requisition des États tenus à Orleans, tant pour les Prebendes Theologales, que Preceptoriales, soit exactement gardee: fors & excepté toutefois pour le regard des Eglises, où le nombre des Prebendes ne feroiēt que de dix, outre la principale dignité.

XXXIII.

Es Eglises Cathedrales & Collegiales, où par les saincts Decrets doit auoir vne Prebende Theologale, esquelles iusques à present n'en a esté estably aucune, la premiere Prebende Canoniale, qui viendra à vacquer cy apres en quelque sorte que ce soit, si ce n'est par resignation, sera, suyuant
les

les saincts Conciles, perpetuellement affectee à vn Theologien, sans pouuoir estre conferee à autre qui ne soit de ladicte qualité: Defendant à nos Courts souueraines, & tous nos autres Iuges, d'auoir aucun esgard aux prouisions, qui autrement en auroient esté faictes.

XXXV.

ENIOIGNONS tres-estroitement à tous nos Iuges, sur peine de priuation de leurs estats, de proceder par exemplaire punition contre les blasphemateurs du Nom de Dieu, & de ses Saincts: Et faire garder & entretenir les Ordonnances faictes tant par nous, que par les Roys nos predecesseurs, sans dispense des peines contenues en icelles, pour quelque occasion qui puisse estre prise ou alleguee: Enioignant à nos Procureurs generaux, & à leurs substitués, de nous aduertir du deuoir & diligence qui en sera faict pour ce regard,

XXXVI.

Tous deuins & faiseurs de Prognostications & Almanacs, excédans les termes de l'Astrologie licite, seront punis extraordinairement & corporellement. Et defen-

dons à tous Imprimeurs & Libraires, sur les mêmes peines, d'imprimer ou exposer en vente aucuns Almanacs ou Prognostications, que premierement ils n'ayent esté veus & visitez par l'Archeuesque, Euesque, ou ceux qu'ils auront deputez expressement à cest effect, & approuuez par leurs certificats, signez de leurs mains: & qu'il n'y ait aussi permission de nous, ou de nos Iuges ordinaires.

XXXVII.

SVIVANT les anciennes Ordonnances des Roys nos predecesseurs, Nous auons defendu, & defendons toutes Confrairies de gens de mestier & artisans, assemblees & banquets. Et sera le reuenue desdictes Confrairies employé tant à la celebration du seruice diuin, selon l'ordonnance qui en sera faicte par l'Euesque diocesain, que à la nourriture des pauvres de mestier, & autres œuures pitoyables,

XXXVIII.

ENIOIGNONS à tous nos Iuges, de faire garder & obseruer estroictement les defenses portees par les Ordonnances faictes à Orleans, tant pour le regard des foires, marchez, & danſes publiques és iours
de

de Festes, que contre les ioueurs de farces, basseurs, cabaretiers, maistres de ieu de paulme & d'escrime, sur les peines conteneues esdictes Ordonnances.

XXXIX.

DEFENDONS à toutes personnes, de quelque qualité & cōdition qu'elles soient, de se promener dedans les Eglises durant la celebration du seruice diuin: Enioignant aux Huissiers & sergents, sur peine de priuation de leurs estats, de mettre & constituer prisonniers ceux qui se trouueront contreuenir à la presente Ordonnance.

XL.

POVR obuier aux abus & inconueniēces qui aduiennent des mariages clandestins, Auons ordonné, & ordonnons, que nos subiets, de quelque estat, qualité & cōdition qu'ils soient, ne pourront vallablement contracter mariages, sans proclamations procedantes de bans faicts par trois diuers iours de festes, avec interualle competant: dont on ne pourra obtenir dispense, sinon après la premiere proclamation faicte: & ce seulement pour quelque vrgente ou legitime cause, & à la requisition des principaux & plus proches parens communs des

parties contractantes. Apres lesquels bans seront espousez publiquement. Et pour pouuoir tesmoigner de la forme qui aura esté obseruee esdicts mariages, y assisteront quatre personnes dignes de foy, pour le moins: dont sera fait registre: le tout sur les peines portees & indictes par les Conciles. Enioignons aux Curez, Vicaires, & autres, de s'enquerir soigneusement de la qualité de ceux qui se voudront marier. Et fils sont enfans de famille, ou estans en la puissance d'autrui, Nous leur defendons trefestroitement de passer outre à la celebration desdicts mariages, fil ne leur apparroist du consentement des peres, meres, tuteurs, ou curateurs: sur peine d'estre punis comme fauteurs du crime de rapt.

XLI.

Nous voulons que les Ordonnances cy deuant faictes contre les enfans contractans mariages sans le consentement de leurs peres, meres, tuteurs, & curateurs, soient gardees: mesmement celle qui permet en ce cas les exheredations.

XLII.

ET neantmoins voulons, que ceux qui se trouueront auoir suborné fils ou fille mineur

neur de vingt cinq ans, fous pretexte de mariage, ou autre couleur, sans le gré, sceu, vouloir, & consentement expres des peres, meres, & des tuteurs, soient punis de mort, sans esperance de grace & pardon: Nonobstant tous consentemens que lesdicts mineurs pourroient alleguer par apres auoir donné audict rapt lors d'iceluy, ou au parauant. Et pareillement seront punis extraordinairement tous ceux qui auront participé au rapt, & qui y auront presté conseil, confort, & ayde, en aucune maniere que ce soit.

XLIII.

DEFENDONS à tous tuteurs accorder ou consentir le mariage de leurs mineurs, sinon avec l'aduis & consentement des plus proches parens d'iceux: sur peine de punition exemplaire.

XLIIII.

PAR EILLEMENT defendons à tous Notaires, sur peine de punition corporelle de passer ou receuoir aucunes promesses de mariage par paroles de present.

XLV.

NUL ne pourra estre Vicairé general, ou Official d'aucun Archeuesque ou Euesque, fil n'est gradué & constitué en ordre

de Prestriſe. Et ne pourra le Vicaire ou Official tenir aucune ferme de ſon Prelat; ſoit du ſeau, ou autre.

XLVI.

Tous deuolutaires ayans obtenu provisions fondees ſur vacations de droit, ſeront admis & recens à en faire pourſuite, encores qu'il n'y ait aucune declaration precedente, nonobſtant le contenu en l'Ordonnance d'Orleans: A la charge toutefois de bailler bonne & ſuffiſante caution, & d'eſlire domicile, & de conteſter en cauſe dedans trois mois, à compter du iour de leur prinſe de poſſeſſion, & de mettre les procez en eſtat de iuger dedàs deux ans au plus tard. Autrement, & à faulte de ce, defendons à nos Iuges d'auoir aucun eſgard auſdicts deuolut. Voulans ſilence eſtre impoſee auſdicts deuolutaires: Auſquels auſſi nous defendons de ſummiſcer en la iouiſſance des fruiſts deſdicts benefices, au parauant qu'ils ayent obtenu ſentence de prouiſion, ou diffinitive, à leur profit, donnee avec legitime cōtradiſteur, qui eſt celuy qui iouiſt & poſſede, & ſur lequel le deuolut eſt impetré. Et là où il le feroit, nous le declarons decheu du droit poſſeſſoir

foir par luy pretendu, tant par ledit deuoluit, que autrement.

XLVII.

ET à fin de donner ordre, & pouruoir à la diminution notable qu'on voit croistre de iour à autre des biens & reuenus Ecclesiastiques, laquelle prouient en partie de la violente & indeuë occupation faicte par aucuns de nos subiects: en partie aussi du refus & denegation, que plusieurs font de payer les dixmes, primices, & autres droits: Auons, suiuant l'Ordonnance faicte par feu nostre trescher seigneur & frere à Amboise, faict, & faisons tresexpresses inhibitions & defenses à toutes personnes, de quelque qualité & condition qu'ils soient, sur peine de confiscation de corps & biens, d'vsurper, ou faire vsurper, par force, violence, ou autrement indeuëmēt, les benefices, maisons, iustices, cēsiues, terres, dixmes, champarts, dependans d'iceux. Enioignons à ceux, qui présentement vsurpēt & detiennent lesdicts lieux & benefices, en laisser la possession vuyde & vacue, & la iouissance paisible desdicts droicts ausdicts Ecclesiastiques, dans vn mois apres la publication de la presente Ordonnance en chacun de nos Bail-

liages & Senefchaucées, que nous voulons estre faicte à son de trompe & cry public, à fin que aucun n'en pretēde cause d'ignorance. Autrement, & à faulte de ce faire dans ledict temps, & iceluy passé, Nous auons désapresent comme deslors, déclaré tous les fiefs desdicts vsurpateurs vnīs à nostre Domaine, & les autres biens à nous cōfisque:z : nonobstant que par la coustume des lieux la confiscation n'auroit lieu. Et voulons en outre, lesdicts detenteurs estre punis extraordinairement, comme infracteurs de nos ordonnances. Ce que semblablement nous voulons estre gardé & obserué contre ceux, qui sous couleur d'un tiltre de deuolu, ou d'un supposé patronnage, directement ou indirectement, se seront mis & intrus en la possession desdicts benefices, sans sentence precedente donnée avec legitimes contradicteurs. Enioignons tresexpressément à tous nos Officiers, & Substituts de nos Procureurs generaux en chacun desdicts Bailliages & Senefchaucées sur peine de suspension de leurs estats, que sans attendre la plainte desdicts Ecclesiastiques ils informent diligemment desdictes vsurations, & procedent contre lesdicts vsurpateurs selon

lon la peine cōtenue en nostredicte Ordonnance, sans que par eux elle puisse estre moderee en quelque façon que ce soit. Et outre aduertir nosdicts Procureurs generaux dedås fix mois du deuoir qu'ils y aurõt fait, pour le nous faire entendre, à fin d'y estre par nous pourueu. Permettans neantmoins ausdicts Ecclesiastiques, s'adresser pour les cas susdicts en premiere instance à nos Courts de Parlement, ou Iuges Presidiaux : ausquels nous enioignons de leur administrer sur ce prompt & briefue iustice.

XLVIII.

ET d'autant que nonobstāt l'Ordonnance faicte à Amboise, plusieurs Gētilshommes, derogeans au nom & tiltre de Noblesse, & semblablemēt aucuns de nos officiers, contre nos Edicts & ordonnances, ne delaissent à prendre à ferme le reuenu desdicts Ecclesiastiques, intimidans & menassans ceux de nos subiets, qui les veulent prendre & encherir par dessus eux : Nous suyuant lesdictes ordonnances, auons defendu, & defendons à tous Gentilshommes & officiers, tant de nous, que desdicts Seigneurs & Gentilshommes, de prendre à l'aduenir,

E

& s'entremettre directement, ou indirectement, des baulx à ferme desdicts beneficiers, dixmes, champarts, & autres reuenus Ecclesiastiques, sous quelque couleur que ce soit, par eux, ou par personnes interposees pour y participer: Ny d'empescher lesdicts Ecclesiastiques aux baulx à ferme faicts ou à faire: Ny intimider ceux qui les voudront prendre, ou encherir: sur peine, quant aux Gentilshommes, d'estre declarez roturiers, & comme tels mis & imposez aux tailles, ensemble leurs successeurs, combien qu'il n'y eust eu de leur viuant iugement donné à l'encontre d'eux au procez qui en auroit esté intenté: Et ausdicts officiers, de priuation de leurs estats, & d'estre declarez incapables d'en tenir iamais d'autres. Defendons semblablement ausdicts beneficiers de bailler leursdictes fermes ausdicts Nobles & officiers, ~~sur peine de nullité~~ desdicts baulx: Declarant en outre les baulx, qui auront esté cy deuant, & seront à l'aduenir, faicts aux personnes de la qualité susdicte, nuls & de nul effect, sans qu'on s'en puisse ayder, soit en iugement, ou dehors. Et pourront lesdicts Ecclesiastiques impetrer censures, & les faire publier où il appartiendra,

contre

contre ceux & celles qui presteront, ou accommoderont leurs noms ausdicts Gentilshommes & officiers, soit pour prendre à ferme les dixmes, ou autres reuenuz desdicts benefices, ou cautionner & pleger ceux qui les prendront au profit desdicts Gentilshommes ou officiers: sans que les appellations comme d'abus puissent empêcher ou retarder la publication ou fulmination d'icelles. Enioignons à nos amez & feaux les Maistres des Requestes ordinaires de nostre hostel, que en faisant leurs cheuachees ils ayent à s'enquerir, informer, & faire leurs procez verbaux, des contrauentions qui se feront en ceste nostre presente ordonnance.

XLIX.

TOUTES personnes, de quelque estat, qualité & condition qu'ils soient, tant propriétaires que possesseurs, fermiers, & autres tenanciers de terres, vignes, & autres heritages subiets au droit de dixme, seront tenus de faire signifier & publier aux profnes des Eglises parochiales, où sont situez & assis lesdicts heritages, le iour qui aura esté prins & designé pour despouiller & enleuer les fruiets & grains venus & creus sur iceux,

& ce le Dimanche, ou feste prochaine precedente iceluy iour: à fin que lesdicts Ecclesiastiques, leurs receueurs, fermiers, ou commis sy puissent trouuer. Faisans expresses inhibitions & defenses à tous detenteurs & possesseurs desdicts heritages subiects à dixme, de mettre en gerbe, enleuer, ou emporter les fruiets d'iceux, sans auoir preallablement payé; ou laissé ledict droit de dixme, à la raison, nombre, & quantité, qu'il a accoustumé d'estre payé. Le tout sur peine de confiscation au profit desdicts Ecclesiastiques, de tous les fruits & grains ainsi despouillez, & des cheuaux & harnois de ceux, qui auront retenu & recelé ladicte dixme, & de trente escus d'amende pour la premiere fois: laquelle doublera ou tiercera selon le refus & contumace desdicts refusans & delayans. Lesquels encores nous voulons estre punis extraordinairement, comme infracteurs de nos ordonnances. Enioignons tresexpressément à tous nos Iuges, Officiers & Procureurs sur les lieux, d'informer diligemment, & faire punir ceux qui auront contreueni à la presente ordonnance: sur peine de suspension & priuation de leurs estats.

L.

NE pourront les propriétaires & possesseurs des heritages subiets à dixme, dire, proposer, & alleguer en iugement, ledict droict de dixme n'estre deu que à volonté, ny alleguer prescription ou possession autre que celle de droict. En laquelle ne sera compris le temps qui aura couru pendant les troubles, & hostilité de guerre. Faisant tresexpresses inhibitions & defenses à tous les redeuables subiets à champarts, dixmes, & autres droicts, d'exiger aucuns banquetts, beuuettes, frais, & despense de bouche desdicts Ecclesiastiques: & ausdicts Ecclesiastiques, de les faire. Declarons aussi, que lesdictes dixmes se leueront selon les coustumes des lieux, & la quote accoustumee en iceux.

L I.

NOUS voulons & ordonnons, que les Curez, tant des villes que autres, soient cōseruez és droicts d'oblations, & autres droicts parochiaux, qu'ils ont accoustumé de perceuoir selon les anciennes & louables coustumes: nonobstant l'ordonnance d'Orleans, à laquelle nous auons derogé & derogons pour ce regard.

LII.

LES Archeuesques, Euesques, & autres Superieurs, en faisant leur visitatiõ, pouruoiron, appelez les officiers des lieux, à ce que les Eglises soient fournies de Liures Croix, Calices, Cloches, & ornemens necessaires pour la celebration du seruice diuin: & pareillement à la restauration & entretenement des Eglises parochiales, & edifices d'icelles, en sorte que le seruice diuin sy puisse commodément & decemment faire, & à couuert, & que les Curez soient conuenablement logez. Ausquels officiers enioignons tenir la main à l'execution de ce qui sera ordonné pour ce regard: & à ce faire, ensemble à la contribution des frais requis & necessaires, contraindre les marguilliers & paroissiens par toutes voyes & manieres deuës & raisonnables: mesmes les Curez par saisie de leur temporel, à porter telle part & portion desdictes reparations & frais qui sera arbitree par lesdicts Prelats, selon qu'ils auront trouué le reuenu des Cures le pouuoir commodément porter.

LIII.

NE pourront les Marguilliers & fabricqueurs des Eglises accepter aucunes fondations,

dations, sans appeller les Curez, & auoir sur ce leur aduis.

LIIII.

ET sur la remonstrance à nous faicte par lesdicts Ecclesiastiques de la perte de leurs tiltres aduenuz par l'iniure du temps: au moyen de laquelle ils ne peuuent contraindre les redeuables à la recognoissance & payemēt de leurs droicts fonciers. Voulons que par nos Seneschaulx, Baillifs, leurs Lieutenās, & autres nos officiers, soit procedé à la confection de nouueaux Terriers des fiefs & censiuēs desdicts Ecclesiastiques: sans pour ce qu'ils soient contraincts obtenir autre Commission de nous que ces presentes.

LV.

Nous faisons tresprescroittes & exprefes inhibitions & defenses à tous Capitaines, soldats, gens de guerre de nos Ordonnances, & à tous ceux de nostre suite, de quelque qualité qu'ils soient, de loger és maisons de l'habitation & residance des personnes Ecclesiastiques, tant és villes que és champs: & à tous Mareschaux & Fourriers des logis, de bailler ethiquette pour ce faire, sur peine de punition corporelle.

Enioignant à tous nos officiers, que incontinent qu'ils en seront aduertis, sans attendre la plainte desdicts Ecclesiastiques, ils donnent ordre de les faire desloger. Et neantmoins informent diligemment du nom & qualité de ceux qui auront logé esdictes maisons, ensemble du nom des Capitaines, Mareschaux, Fourriers, & autres qui les conduisent, pour estre procedé contre les coupables suyuant la rigueur des Edicts & Ordonnances. Permettant à ceste fin ausdicts Ecclesiastiques de faire mettre & attacher nos armoiries & pannonceaux aux principales portes & entrees de leurs maisons, tant és villes, que és champs, pour leur seruir de sauuegarde.

LVI.

ET pour le regard des autres exemptions desdicts Ecclesiastiques touchant les contributions de deniers, garnisons, munitions, fortifications, subsides, aydes de villes, emprunts generaux & particuliers: Nous voulons que les Edicts & Lettres patentes octroyees ausdicts Ecclesiastiques, verifiees en nos Courts de Parlements, soient inuiolemment gardees & obseruees.

LES

LVII.

LES personnes constituees és ordres sacrez, ne pourront en vertu de l'ordonnance faicte à Moulins, estre contraincts par emprisonnement de leurs personnes: Ny pareillement pour le payement de leurs debtes estre executez en leurs meubles destinez au seruice diuin, ou pour leur vsage necessaire & domestique, ny en leurs liures.

LVIII.

Av surplus, Nous entendons que tous les priuileges, franchises, libertez, & immunitiez ottroyees ausdicts Ecclesiastiques, tant en general qu'en particulier par les feuz Roys nos predecesseurs, & verifiees en nosdictes Courts de Parlements, leur soient entierement gardees, sans qu'il soit besoin obtenir aucunes lettres particulieres, ou de confirmation, que les presentes.

LIX.

NOUS defendons à nos Courts de Parlements de receuoir aucunes appellations comme d'abus, sinon és cas de nos ordonnances: & à nos amez & feaux les Maistres des Requestes ordinaires de nostre hostel, & Gardes des seaux de nos Chancelleries, de bailler Lettres de relief desdictes appel-

lations comme d'abus, ne icelles Lettres sceller, qu'elles n'ayent esté rapportees, & qui seront à ceste fin paraphées du Rapporteur ou Referendaire. Et neantmoins lesdictes appellations comme d'abus n'auront aucun effect suspensif en cas de correction & discipline Ecclesiastique, mais deuolutif seulement. Sur lesquelles appellations nosdictes Courts ne pourront moderer les amēdes pour quelque occasion que ce soit. ce que nous leur defendons tresexpressément.

L X.

LES appellans comme d'abus ne pourront estre eslargis pendant l'appel, iusques à ce que les informations veuës, en ait esté par nos Courts ordonné.

L X I.

LES Ordinaires ne pourront estre contraincts bailler Vicariats, si ce n'est que nos Courts de Parlement, pour certaines bonnes causes & raisonnables, dont nous chargeons l'honneur & consciēce des Iuges d'icelles, ayent ordonné que en aucunes causes ciuiles ou criminelles pendantes en nosdictes Courts, lesdicts Ordinaires baillerōt lesdicts Vicariats à deux des Conseillers d'icelles

celles Courts, lesquels leſdicts Ordinaires audict cas pourront choiſir tels que bon leur ſemblera.

LXII.

Les ſentences de prouiſion, & garniſon de main, donnees par les Iuges Eccleſiaſtiques ſur contracts, obligations & cedules recogneuës, non excedans la ſomme de huit eſcus & vn tiers d'eſcu, ſeront executoires: nonobſtant oppoſitions ou appellations quelsconques, & ſans preiudice d'icelles, en baillant bõne & ſuffiſante caution. Et ſi pourront eſtre miſes à execution par les appariteurs deſdicts Iuges d'Egliſe ſur ce requis, par toutes voyes & manieres deuës & raiſonnables.

LXIII.

POURRONT les Curez & Vicaires recevoir les Teſtamẽs & diſpoſitions de derniere volonte, encore que par iceux y ait legs à œuvres pies, ſainctes & religieuſes, pourueu que les legs ne ſoient faiçts en faueur d'eux, ou de leurs parents: à la charge de faire ſigner le teſtateur & les teſmoins, ou de faire mẽtion de l'interpellation qu'ils auront faiçt auſdicts teſtateur & teſmoins pour ſigner, & de la cauſe pour laquelle ils

ne l'aurent sçeu faire, suyuant nos ordonnances: sans deroger neantmoins aux coustumes & commune obseruance des lieux, requerant autre, ou plus grande solennité, soit en pays de droict escript, ou coustumier.

LXIIII.

Nous defendons à nos Courts de Parlements, & tous autres nos Iuges, de contraindre les Prelats, & autres collateurs ordinaires, de bailler prouisions de benefices depédans de leurs collations: ains renuoyer les parties pardeuant les Superieurs desdicts Prelats & collateurs, pour se pourueoir pardeuant eux par les voyes de droict. Et en cas d'empeschemēt pourront auoir recours au Superieur Ecclesiastique.

Hospitaux.

LXV.



Et sur les plainctes que nous auons receuës de la mauuaise administration qui se fait ordinairement és Hospitaux & Maladeries de nostre Royaume: Nous enioignons à tous nos officiers sur

sur peine de suspension & de priuation de leurs estats, faire proceder, obseruer & executer les Edicts faicts pour ce regard par les Roys nos predecesseurs, mesmes celuy de l'an mil cinq cens soixante vn. Et ce nonobstant toutes prouisions, ou lettres de declaration, que nous aurions deliurees au contraire, lesquelles, entant que besoin seroit, nous auons reuoquees & reuouons: ensemble les euocations donnees au contraire: Et que les Arrests donnez suyuant nos Ordonnances soient executez, nonobstant lesdictes Euocations & interdictions. Voulans le reuenue & deniers prouenans desdicts Hospitaux & Maladeries, estre employé suiuant nosdicts Edicts. Et ne pourront desormais estre establis Commissaires au regime & gouuernement des fruits & reuenuz desdictes Maladeries & Hospitaux, autres que simples bourgeois, marchands, ou laboureurs, & non personnes Ecclesiastiques, Gentilshommes, Archers, officiers publiques, leurs seruiteurs, ou personnes par eux interposees.

LXVI.

ET d'autant que la plus part du reuenue desdicts hospitaux & maladeries a esté v-

surpé & appliqué au profit de ceux, qui en ont eu le maniement par le moyen de l'interuersion & subtraction des tiltres & enseignemens: Enioignons à nos officiers des lieux, sans pour ce prendre aucun salaire, faire bon & loyal inuētaire de tous lesdicts tiltres & enseignemens, cōtenant sommairement, & par abbrege, la teneur & substance desdicts tiltres: ensemble vne description du reuenu desdicts Hospitaux & Maisons-Dieu. Lequel inuētaire sera mis & deposeés Greffes de nosdictes iurisdicctions plus prochaines, pour y auoir recours quād besoin sera. Sur lequel inuētaire sera dressé l'estat du reuenu qui sera trāscript au cōmencement des Cōptes des administrateurs.

Des Vniuersitez.

LXVII.



Nous entendons, que suiuant ce qui a esté arresté sur les remonstrances des trois Estats cy deuant tenus en la ville d'Orleans, Lettres de commissiō soiēt expedices & adressees à certain
nom-

nōbre de notables personnages, que nous deputerons, pour dedans six mois veoir & visiter tous les priuileges ottroyez aux Vniuersitez par les Roys nos predecesseurs: ensemble les fondations des Colleges, & la reformatiō du feu Cardinal de Tournelle: Et ce faict, proceder à l'entiere reformation & reestablissement de l'exercice & discipline esdictes Vniuersitez & Colleges: Nonobstant oppositiōs ou appellations quelsconques. Et ce pendant, pour y donner quelque reiglement, auons ordonné ce qui s'ensuit.

LXVIII.

EN chacune Vniuersité tous les ans seront faicts principes & lectures ordinaires en chacune des facultez dont elle est fondee. Autrement sera interdite la promotion des degrez en la faculté de laquelle les principes n'auront esté faicts, ny les lectures ordinaires *continues*.

LXIX.

DEFENDONS à ceux de l'Vniuersité de Paris, de lire ou graduer en droit ciuil.

LXX.

Tous professeurs & lecteurs de lettres & sciences, tant diuines que prophanes, ne

pourront lire en assemblée & multitude d'auditeurs, sinon en lieu public : & seront subiects au Recteur, loix, statuts, & coustumes des Vniuersitez où ils liront.

LXXI.

Tous les Principaux mesmes des petits Colleges auxquels n'y a exercice, ny logeront ne receuront en leurs Colleges autres personnes que estudians & escholiers ayans maistres ou pedagogues. Ausquels defenses sont faictes de receuoir gens mariez, solliciteurs de procez, & autres semblables : sur peine de cent liures parisis d'amende, & de priuation de leur Principauté.

LXXII.

SERONT tenus les Principaux & superieurs de quelque College que ce soit, de resider en personne, & faire les charges, auxquelles les statuts les obligent, faire lectures, disputes, & autres charges cōtenuës esdicts statuts. Ausquels Principaux ~~defendons~~ de souffrir aucuns Boursiers demeurer plus de temps qu'il est porté par les statuts : sur peine de priuation de leur Principauté, & de s'en prendre à eux en leurs propres & priez noms, pour la restitution des deniers qui en auroient esté perceus par ceux qui
auroient

auroient esté demeurans esdicts Colleges, outre le temps porté par leursdicts statuts.

LXXIII.

NE pourront lesdicts Principaux bailler à ferme leurs Principautez, ne prendre argent des Regens pour leur donner classes : ains leur enioignons pourueoir gratuitement lesdicts Regens desdictes classes selon leur sçauoir & suffisance : sur peine de priuation de leurs charges de Principaux, & des priuileges des Vniuersitez.

LXXIIII.

DEFENDONS à tous Principaux des Vniuersitez, Regents, & Pedagogues, de s'entremettre de solliciter procez, soit en nos Courts de Parlements, ou autres iurisdic-tions, à peine d'estre priuez de leurs charges, & de la iouissance des priuileges desdictes Vniuersitez.

LXXV.

LES Recteurs qui seront cy apres esleus, visiteront chacun College vne fois pëdant leur Rectorerie, pour veoir l'estat d'iceux Colleges, ouyr les plainctes, si aucunes se presentent, tant des disciples, que Regës & Pedagogues : & tenir la main à l'entretene-mët des statuts des Vniuersitez & Colleges.

LXXVI.

V O U L O N S que toutes elections, tanẽ de Recteurs, Procureurs, Intrants, que autres dignitez, offices, ou charges desdictes Vniuersitez, soient faictes à l'aduenir, sans brigues, banquets, ou autres choses tendans à corruption de voix, & suffrage, ou sedition: sur peine d'estre declarez incapables de telles dignitez, charges, & offices, où aucuns seroient entrez par telles brigues & moyens sinistres, & de quarante escus d'amende applicables aux pauvres.

LXXVII.

A V S D I C T E S charges de Superieurs, Senieurs, Maistrises, Principautez, & Souf-maistrises, ne pourront estre esleus ne instituez gens pourueus de benefices qui aurõt charge d'ames, & requierent residence. Et si apres qu'ils auront esté esleus & pourueus desdictes charges, ils estoient pourueus de benefice de la qualité que dessus: Declaron lesdictes charges vacantes & impetrables, sans qu'ils les puissent resigner: si ce n'est qu'ils soient pourueuz de benefices estans dedans les villes où sont lesdictes Vniuersitez, ou hors d'icelles, en telle distance que lon y puisse aller & venir en vn iour.

L E S-

L X X V I I I.

LES DICTS Superieurs, Senieurs, Principaux, & Bourriers ne pourront resigner leursdicts estats & charges, soit au dedans du temps introduit pour icelles tenir par les statuts & fondations, ne apres iceluy temps expiré: mais y pouruoiront les patrons & collateurs de personnes capables, & de qualité requise par lesdicts statuts & fondations: & sans que lesdits Principaux, Senieurs, Bourriers, & autres puissent demeurer, ne prendre & perceuoir les droicts appartenans ausdictes bourses, apres le temps introduit par les statuts & fondations. Lequel expiré, auons declaré, & declarons lesdictes bourses vacantes & impetrables, sans qu'ils les puissent resigner, & de rendre ce qu'ils auront receu depuis ledict temps expiré.

L X X I X.

LES DICTS Superieurs, Senieurs, Maistres & Principaux ne pourront faire baux à ferme ou loyer des maisons, fermes, censés, terres, seigneuries, & autre reuenu desdicts Colleges, qu'en public, au plus offrant & dernier encherisseur. Et à ceste fin seront mises affiches aux portes des Eglises parrochiales, & publiques aux Presnes des Mes-

ses parochiales des lieux, où sont les choses à bailler, situées & assises : Auec defences de prendre pots de vin, ne auances desdictes fermes, sur peine du quadruple. Et ne pourront faire lesdicts baux à plus long temps que neuf anneés, sur peine de nullité desdicts baux, qui auroient autrement esté faictz, & d'amende arbitraire. Aussi leur defendons toutes venditions, eschanges, permutations, engagements, hypotheques, & toutes autres alienations desdictes choses. Et si aucunes ont esté vendues, eschangees, compermutees, engagees, hypothequées, ou autrement aliénées, sans autorité de iustice, & les solennitez en tel cas requises & accoustumées en alienation de biens Ecclesiastiques & Communautéz, non obseruees ne gardées, seront telles venditions & alienations reuocquées, cassées, & adnullees.

LXXX.

DEFENDONS aux Superieurs, Senieurs, Principaux, & Regens, de faire, & permettre aux Escholiers, ne autres quelsconques, iouer farces, tragedies, comedies, fables, satyres, scenes, ne autres ieux en Latin ou François, contenans lasciuetez, iniures, inuectiues, cōuices, ne aucun scandale contre

tre aucun estat public, ou personne priuee: sur peine de prison, & punition corporelle, & de respondre aux reparations, tant honorables que profitables, à nos Procureurs generaux, ou leurs Substituts, & parties priuees, qui se sentiront iniuriees & scandalisees.

L X X X I.

A v s s I enioignons aux Senieurs, Superieurs, & Principaux des Colleges de nostre ville de Paris, où il n'y a à present exercice, & neantmoins y en doit auoir par la fondation, y en establir, tant en Philosophie que Grammaire, avec le nombre des Boursiers de la qualite requise par les statuts & fondations d'iceux, & mettre au Greffe de ladicte Court tous les statuts, fondations, comptes, lettres, tiltres, & enseignemens concernans lesdicts Colleges, pour estre communiquez à nostre Procureur general, pour prendre telles cōclusions qu'il verra estre à faire par raison, à peine de cent liures parisis d'amende, priuation de leurs Superioritez, Principautez, & des priuileges de ladicte Vniuersité. Et iusques à ce qu'ils ayent ce fait, seront les fruiets, profits, reuenus & emolumens desdicts Colleges saisis & regis soubz

nostre main par Commissaires qui y seront establis.

LXXXII.

ENIOIGNONS aux Recteurs, Principaux, & Superieurs desdicts Colleges, de faire lire publiquement deuant les Escholiers & supposts d'iceux, les fondations & statuts de leurs Colleges deux fois l'an: ensemble le reiglemēt desdicts Colleges portez par les Arrests de nos Courts de Parlemens: Sçauoir est le premier samedy d'apres Pasques, & d'apres la Feste S. Remy: à fin que personne n'en pretende cause d'ignorance, & que le tout soit gardé & obserué par maniere de prouision: & iusques à ce que sous nostre auctorité & mandemēt ait esté pourueu de plus ample & generale reformatiō sur tout le corps des Vniuersitez.

LXXXIII.

NE seront deliurez aucuns mandemens par les Conseruateurs des priuileges Apostoliques ou Royaux, ne par leurs Grefriers, pour Escholiers, Docteurs, Regens, Principaux, Lecteurs, Bedeaux, Messagers, Supposts, ou officiers des Vniuersitez, que premierement ne leur apparaisse des lettres testimoniales, de l'estude, regence, lecture,

cture, & seruice. Ne vauldront telles lettres testimoniales d'Escholiers, si elles ne sont signees de leurs Principaux, ou Docteurs actuellement Regens, & lisans ordinairement. Et ne seront deliurees & expediees sinon avec Escholiers presens en personnes, & lesquels pour cest effect se souscriront au papier du Recteur.

L X X X I I I I.

T O U T examen sera fait, & chacun de gré passé en public, où se trouueront tous les Maistres & Docteurs Regens de la faculté, assistez des Bedeaux, selon les anciennes solennitez & cerimonies: Lesquelles nous entendons estre inuiolablement gardees, & ce sans faire aucuns banquets: Declarans toutes collations de degré faictes en chambre & en priué, nulles, & de nul effect & valeur.

L X X X V.

L E s degrez ne seront conferez sinon à personnes qui auront estudié par temps & interualles opportuns, selon les ordonnances des Roys nos predecesseurs: dont ils seront tenus faire apparoir par certificat & rapport de leurs Regens & Recteurs.

Q V A N D

QVAND y aura Regence vacante en droit Canon ou Ciuil, les Docteurs Regens en la faculté mettront dans le mois affiches de ladiète vacance, & en enuoyeront autant aux plus prochaines & fameuses Vniuersitez du Parlement, esquelles y aura exercice de ladiète faculté : assignant iour certain & competant pour ouurir la dispute. Et sera preferé celuy, qui par leçons continuera vn mois durant, & par repetition publique aura esté trouué le plus digne par le iugement des Docteurs Regens de ladiète faculté.

NVL ne pourra pratiquer en Medecine, qu'il ne soit Docteur en ladiète faculté. Et ne sera passé aucun maistre Chirurgien ou Apothiquaire, és villes où il y aura Vniuersité, que les Docteurs Regens en Medecine n'ayent esté presens aux actes & examen, & ne l'ayent approuué. Aussi en leur presence seront visitées deux fois l'an les boutiques des Apothiquaires: le tout sans preiudice des statuts & reiglemens particuliers, qui se trouueront estre faicts surce par les Roys nos predecesseurs, & Arrests de nos Courts.

LXXXVIII.

NOSTRE intention est, que les Vniuersitez iouyssent respectiuement de tous & chacuns les priuileges, dont elles ont par cy deuant bien & deuëment iouy: Nonobstât que les Lettres de leursdicts priuileges se trouuent perduës & adirees par le moyen des troubles, ou autrement.

De la Iustice.

LXXXIX.

POUR le desir & affection que nous auons de soulager nos subiets, & les releuer d'oppressions, Declarons nostre vouloir & intention estre és iours, où nos affaires le pourront permettre, donner audience ouuerte & publique à ceux de nosdicts subiects, qui se voudront presenter pour nous faire leurs plaintes & doleances à fin d'y pouruoir, & de leur faire administrer iustice.

XC.

PAR EILLEMENT nous voulons, que

H

nostre tres-cher & feal Garde des seaux baille audience ouuerte à l'yssue de son dîner à tous ceux qui auront affaire à luy. A laquelle audience assisteront les Maistres des Requestes ordinaires de nostre Hostel, qui seront en quartier, ou deux d'iceux au moins, pour prendre les Requestes des parties, & en faire rapport au premier conseil, si besoin est.

XCI.

ET au regard de nostre Conseil priué & d'Estat, ayant en cest endroit, comme en tous autres, benignement receu les remonstrances qui nous ont esté faictes par nos Estats: à fin aussi de le restablir en sa premiere dignité & splendeur, & que d'oren auant nostredict Conseil ne soit occupé es causes qui gisent en iurisdiction contentieuse: Voulans conseruer la iurisdiction qui appartient à nos Courts souueraines & Iustices ordinaires, auons renuoyé les instances pendantes, indecises & introduites en iceluy nostredict Conseil, tant par euocation que autrement, pardeuant les Iuges qui en doiuent naturellement cognoistre, sans que nostredict Conseil à l'aduenir prenne cognoissance de telles & semblables matieres,

matieres, lesquelles voulons estre traittees par deuant nos Iuges ordinaires, & par appel en nos Courts souueraines, suiuant nos Edicts & ordonnances.

XCII.

DECLARONS que les Arrests de nos Courts souueraines ne pourrôt estre cassez ne retractez, sinon par les voyes de droict, qui est requeste ciuile, & proposition d'erreur, & par la forme portee par nos ordonnances: ny l'execution d'iceux Arrests suspendue ou retardee sur simple requeste à nous presentee en nostre Conseil priué.

XCIII.

NOSTREDICT Garde des seaux scellera trois fois la sepmaine: ausquels iours assisteront deux ou trois desdicts Maistres des Requestes, qui seront en quartier, l'un desquels signera lesdictes Lettres: leur faisant inhibitions d'en signer aucunes contraires au droict, & à nos ordonnances, sur peine d'en respondre en leur propre & priué nom.

XCIIII.

LES Audienciers, Secretaires, ou autres quels quils soient, estans à la suite de nostre trescher & seel Garde des seaux, ne pren-

dront aucune chose des parties pour faire sceller leurs Lettres. Ce que leur defendons sur peine de punition exemplaire.

XCV.

DEFENDONS aussi sur peine de punition corporelle, à toutes personnes n'estans officiers de nostre Chancellerie, de se mesler ou entremettre des Lettres qui seront presentees au seau, ny les susstraire, faire esgarer, ou en supposer d'autres en leur place.

XCVI.

ET sur les plainctes qui nous ont esté faictes de l'excessiue taxe des expeditions des Lettres de nostre Chancellerie, auons ordonné, & ordonnons, que la reduction & moderation, qui fut faicte par le feu Roy nostre treshonoré Seigneur & frere, au mois de Ianuier, mil cinq cens soixâte trois, sur pareille requisition des Estats assemblez à Orlans, sera gardée & obseruee. Defendons à nos grands Audienciers, & Contro-rolleurs de l'audiëce, d'icelle excéder & outrepasser: sur peine d'en respondre en leur propre & priué nom:

XCVII.

NOUS auons déclaré & declarons, que nous n'entendons d'oresenauant bailler aucunes

cunes Lettres d'euocation, soient generales ou particulieres, de nostre propre mouuement: ains voulons que les Requestes de ceux qui poursuiuront lesdictes euocatiōs, soient rapportees en nostre Conseil priuē par les Maistres des Requestes ordinaires de nostre hostel qui serōt en quartier, pour y estre iugees suiuant les Ediēts de Chantelou & de la Bourdaiziere, & autres Ediēts depuis faicts par nos predecesseurs Roys, & par nous. Et où lesdictes Lettres d'euocation se trouueroient raisonnables, parties ouyes, & avec cognoissance de cause, elles seront octroyees, & non autrement. Et seront toutes euocations signees par vn de nos Secretaires d'Estat, ou de nos finances, qui aura receu les expeditions, auquel lesdictes euocations auront esté deliberees. Declarant les euocations, qui seront par cy apres obtenues contre les formes susdictes, nulles, & de nul effect & valeur. Et nonobstant icelles voulons estre passé outre à l'instruction & iugement du procez par les Iuges, dont ils auront esté euocquez.

XCVIII.

P O U R faire cesser les plainctes à nous faictes par nos subiects à l'occasion des Cō-

missions extraordinaires par cy deuant decernées. Auons reuoké, & reuokons toutes lesdictes Commissiōs extraordinaires: Voulans poursuite estre faicte de chacune matiere pardeuant les Iuges, ausquels la cognoissance en appartient.

XCIX.

LES Maistres des Requestes ne pourrōt instruire & iuger en leur auditoire autres matieres que celles dont la cognoissance leur appartient par nos Edicts & Ordonnances, ny iuger en dernier ressort, ny sommairement, aucuns procez, quelques Lettres attributives de iurisdiction & renuoy qui leur puisse estre faict desdictes causes: le tout sur peine de nullité.

C.

ADVENANT vacation des Offices de iudicature, Nous voulons & entendons, que lesdicts offices demeurent supprimez, iusques à ce qu'ils soient reduits à l'estat & au nombre ancien, selon qu'il sera cy apres declaré: & que à l'aduenir soit pourueu ausdicts estats de personnes de qualitez requises, sans pour ce payer aucune finance. Declarans que nostre intention est de faire cesser du tout la venalité desdits offices:

offices: laquelle à nostre tresgrand regret a esté soufferte pour l'extreme necessité des affaires de nostre Royaume. Voulans & ordonnans, que ceux qui se trouueront à l'aduenir auoir directement ou indirectement vendu offices de iudicature, perdent le pris, & soient dauantage condamnez au double. Semblablement ceux qui auront pris argent pour nous porter parole, & requérir de faire pourueoir aucune personne desdicts offices: & que ceux qui les auront achetez, ou fait acheter, donné ou promis argent pour paruenir ausdicts offices, en soient priuez, & de tous autres dont ils seront lors pourueus, & declarez indignes, & incapables de tenir iamais offices Royaux. Ne pourront semblablement ceux, de quelque qualité & condition qu'ils soient, qui tiennent par appēnage, engaigement, bien-faiēt ou autrement, terres de nostre domaine, vendre directement ou indirectement les offices de iudicature: & ne pourront prouuoir ou nōmer aux offices supprimez, tant par ceste ordonnance, que Edicts cy deuant faiēts.

C I.

ET outre seront les seigneurs Iusticiers,

tant Ecclesiastiques que seculiers, de quelque qualité qu'ils soient, qui vendront directement ou indirectement estats de Iudicature, priuez du droict de presentation & nomination qu'ils auront ausdicts offices. Semblablement toutes autres personnes, de quelque qualité qu'elles soient, qui auront droict de prouisions, ou nominations d'offices, ne pourront prendre argent, ou chose equipolante pour lesdictes prouisiōs & nominations. Et si aucuns pour obtenir lesdictes prouisions en auoient baillé, encourront les vns & les autres la mesme peine que dessus. Enioignons à tous nos officiers d'informer diligemmēt des contrauentions qui se feront à la presente ordonnance, pour y estre pourueu suyuant nos Edicts.

CII.

ET pour mieux effectuer nostre intention, Voulons qu'aduenant vacation des Offices de Conseillers en nos Courts de Parlement, & autres souueraines, apres ladicte reduction faicte à l'ancien nombre, lesdictes Courts ayent à nous nommer personnes de l'aage, qualité, & capacité requise, sans que nosdictes Courts puissent nōmer plus d'un, natif de la ville où elles sont establies.

blies. Pour laquelle election tous ceux qui y assisteront, presteront és mains de celuy qui presidera, le serment en tel cas requis & accoustumé : sans toutefois que par telle election & nomination les esleus ou nommez soient exempts ou excusez de l'examen ordinaire.

CIII.

ET quant aux estats de Presidets & Conseillers des Requestes, apres la reduction faicte, sera pourueu ausdicts estats des plus anciens Conseillers de nos Courts de Parlement, suiuant les ordonnances.

CIIII.

ET quant aux autres estats & offices de Iudicature, non subiects à suppression, qui vacqueront cy apres aux prouinces : à fin qu'il y soit pourueu de personages approuuez & certifiez par les prouinces : Voulons que nos principaux officiers par l'aduis des plus apparens & notables, tant du Clergé, Noblesse du pays, que tiers Estat, nous enuoyent de trois ans en trois ans vne liste des personnes qu'ils iugeront estre dignes, capables & suffisans pour estre pourueus desdicts estats.

CV.

ET à fin que la Iustice soit administree en la dignité qu'il appartient, nous n'entendons que par cy apres aucun puisse estre pourueu ne receu en estat & office de iudicature de nos Cours souueraines, qu'il ne soit aagé de vingt six ans complets, & n'ait hanté & frequenté les barreaux & plaidoiries par quatre ans.

CVI.

ET neantmoins, d'autant que les Offices de Presidents des Courts & compagnies souueraines de nostre Royatme, sont de ceux ausquels, pour la grandeur de la charge à laquelle ils sont appelez, il est tresnecessaire de pourueoir de personages de grand sçauoir & longue experience : à fin que par leur sçauoir, vertu & aage ils puissent estre respectez, & donner loy & exemple de bien faire à ceux, ausquels ils president : auons ordonné, & ordonnons, que nul ne sera doreſenauant pourueu ausdicts estats de Presidents, tant de Parlement, que des Enquestes, Grand cōseil, & Courts des Aydes, qu'il n'ait attainit l'aage de quarante ans pour le moins, & que au preallable il n'ait esté Conseiller en Court souueraine

rainel'espace de dix ans, ou tenu estat de Lieutenant general en nos Bailliages & Seneschauces par pareille espace de temps, ou frequenté les barreaux des Courts souveraines, & exercé l'office d'Aduocat si longuement, & avec telle reputation & renommee, qu'il soit estimé digne & capable desdicts estats.

CVII.

LES Lieutenans de nos Baillifs & Seneschaux ne seront pourueuz ny receus esdicts estats, qu'ils n'ayent trente ans complets. Et quant aux Conseillers des sieges Presidiaux, qu'ils n'ayent vingt cinq ans accomplis, & frequenté trois ans au parauant les barreaux & plaidoiries de nos Iurisdictiones.

CVIII.

VOULONS que les examens, qui se feront à l'aduenir en nos Parlements & Courts souveraines, des pourueuz d'offices subiects à examen, soient faicts les matinees, & non les apresdisnees: & que sur la loy qui leur sera baillee, ils soiēt trois iours apres, sans plus long delay ou remise, examinez, tant sur icelle loy & pratique, que sur la fortuite ouuerture de chacun liure, qui se fera en trois endroits pour le moins,

Et où pour les grâdes occupations de nosdictes Courts on ne pourroit vacquer ausdicts examens dedans ledict temps, leur sera la loy changee, pour en respondre au troisieme iour ensuiuant, sans que au cas qu'ils ne seroient trouuez suffisans par leursdicts examens, il leur puisse estre baillé delay d'estude, ou sac à rapporter. Et pour le regard de l'examen des Maistres des Requestes, & Conseillers de nos Courts de Parlemens, seront outre les Presidents & Conseillers qui voudront argumenter, commis & deputez pour cest effect deux Conseillers de chacune Chambre des Enquestes, pour avec les Presidents d'icelles examiner ceux qui se presenteront pour estre receuz ausdicts estats. Faisons expresse inhibitions & defenses à ceux qui toucheront de quelque degré de parenté, proche alliance, ou grande amitié, ou qui auront pouruiuy, parlé, ou vſé de recommandation pour ceux qui auront esté pourueuz desdicts estats, d'assister, ou opiner ausdicts examens. Et de ce seront tenez se purger par serment auant que pouuoir assister ausdicts examens.

CIX.

Av parauant la reception de ceux qui
seront

feront par nous pourueuz d'aucuns offices de iudicature, sera informé de leurs vies, mœurs & conuerſation. Et ſe feront les informations par les Iuges des lieux, eſquels leſdicts pourueuz auront reſidé par les cinq années précédentes. Et ne ſeront ouys en icelle que teſmoins de qualité, dignes de foy, & hors de tout ſoupçon de faueur & alliance, qui ſeront nommez & produits par nos Procureurs généraux, ou leurs Subſtituts. Auſquels defendons ſur peine de priuation de leurs eſtats, de receuoir les noms deſdicts teſmoins de la part de ceux qui auront eſté pourueuz. Et pour le regard de l'aage, ſera dorenauant veriſié par l'extrait des Regiſtres des baptêmes, & par l'affirmation des plus proches parens, qui ſeront mandez à ceſte fin, & ouys d'office.

CX.

CEUX qui ont eſté, ou ſeront deſormais, gratuitement par nous pourueuz d'offices, ne ſeront receuz à les reſigner: ſauf à les gratifier par nous ſelon que leur valeur & merites le requierent.

CXI.

NE ſeront cy apres oſtroyees par nous aucunes Lettres de prouiſions d'offices à

condition de suruiuance, reuocquant des à present celles qui ont esté accordees par nous, & nos predecesseurs Roys. Sauf toutefois des offices pour lesquels a esté payé finance, & le pris porté par nostre Edict faict sur icelles suruiuances: Et aussi les suruiuances des offices, esquels les pourueuz ont esté ia receuz, encores qu'ils n'eussent pour ce payé aucune finance.

CXII.

A V O N S suyuant les ordonnances des Roys nos predecesseurs, inhibé & defendu, inhibons & defendons, à tous Presidents, Maistres des requestes ordinaires de nostre hostel, Conseillers, nos Aduocats & Procureurs generaux, & autres officiers de nos Courts de Parlements, Grand conseil, Chambre des Comptes, Generaux de la Iustice des Aydes, & generalement à tous autres nos officiers, tant des Courts souueraines, que subalternes, de prendre charge directement, ou indirectement, en quelque forte & maniere que ce soit, des affaires des Seigneurs, Chapitres, Communautéz, & autres personnes quelsconques: Ny pareillement aucuns Vicariats d'Euesques ou Prelats, pour le faict du temporel, spirituel,

&

& collation de benefices de leurs Eueschez, Abbayes, & Prieurez, & de s'entremettre ou empescher aucunement des affaires d'autres personnes que de nous, de la Royne nostre treshonoree Dame & mere, & de nostre trescher & tresamee compaignie & espouse la Royne, & de nostre trescher & tres-amé frere le Duc d'Anjou, en prenant toutefois par ceux que nostredict frere voudra appeller en son Conseil, lettres de declaration & permission de nous : sur peine de priuation de leursdits estats. Et ce nonobstant toutes permissions & dispenses sur ce obtenues, ou qui se pourroient obtenir cy apres : Lesquelles nous auons reuocques & adnullées, reuocquons & adnullōs par celsdites presentes, comme contraires à nos Edicts & ordonnances.

CXIII.

SERONT nosdits Officiers, qui sont aussi officiers des autres Seigneurs, tenus dedans deux mois apres la publication de la presente ordonnance, opter lequel des deux estats ils voudront retenir. Et à faulte de ce faire, declarons desapresent, comme deslors, les estats qu'ils tiennent de nous, vacans & impetrables. Et y sera par nous

pourueu en leur lieu d'autres.

CXIII.

Nous defendons à tous nos Officiers, & autres aians charge & commission de nous, de quelque estat, qualité & condition qu'ils soient, de prendre ne receuoir de ceux qui auront affaire à eux, aucuns dons & presens, de quelque chose que ce soit : sur peine de concussion.

CXV.

Auons defendu & defendons à tous Iuges, de s'entremettre de postuler & consulter en leurs sieges pour les parties, en quelques causes que ce soit, encores que nous n'y ayons interest : nonobstant tout vsage ou dispense au contraire. Ce que pareillement auons defendu à nos Aduocats & Procureurs generaux de nos Courts souveraines, & leurs Substituts és sieges inferieurs. Et quant à nos Aduocats desdicts sieges, leur auons permis de postuler, consulter, ou escrire pour les parties és causes où nous n'aurons aucun interest : & ce par prouision seulement, iusques à ce que par nous leur soit autrement pourueu de gages suffisans : le surplus des autres defences susdictes tenans en leur regard. Le tout sur peine de

ne de cōcussion, dont nos Iuges & officiers seront tenus nous aduertir, sur peine de priuation de leurs estats.

CXVI.

ET pour obuier aux recusations de nos Courts souueraines & autres, & pouruoir aux plaintes qu'on faict ordinairement des grandes alliances qui sont entre les officiers de nostre iustice : Voulons que l'article contenu en l'Ordonnance d'Orleans, portant defenses de receuoir en vn mesme Parlement, Chambre des Comptes, & autres Courts souueraines, ny en vn mesme siege le pere, & le fils, les deux freres, l'oncle & le nepueu, soit à l'aduenir inuiolablement gardé. Et auons desapresent declarees nulles toutes les dispenses qui seront cy apres octroyees au contraire. Et neantmoins enjoignons à nos Aduocats & Procureurs generaux, & leurs Substituts, de nous enuoyer dedans deux mois apres la publication du present Edict, le nombre & nom de nos officiers qui sont esdictes Courts & sieges receus contre la prohibition de nosdictes ordonnances, pour puis apres y pouruoir ainsi que verrons estre à faire par raison,

CXVII.

ORDONNONS ce pendant , que les procez meus & à mouuoir de ceux qui sont du corps de nostre Parlement de Paris, qui auront audict Parlement iusques au nombre de huiët, & des autres parties n'estans dudiët corps, au nombre de dix, proches parens & alliez, comme pere, beau-pere, enfans, gendres, freres, beaux-freres, oncles, nepueux, cousins germains, ou remuez de germains, seront renuoyez au plus prochain Parlement, si l'autre partie le requiert. Le semblable voulons estre gardé en nos Courts de Parlements de Tholoze, Bordeaux, & Rouen, quād aucun du corps d'icelles aura cinq parens ou alliez au degré susdict, ou quand autres n'estans dudiët corps y en auront six : comme aussi pour les Parlemēs de Dijon, Aix, Grenoble, & Bretagne, esquels aucuns desdictes compaignies auroient trois parens ou alliez audict degré : ou bien autre n'estant d'icelles compaignies y en auroit iusques au nombre de quatre.

Tous Iuges, tant de nos Courts souueraines ou inferieures, qui sçaurōt causes de suspicion, ou recusation pertinente & ad-
misible

misible en leurs personnes, soit pour parentelles ou alliances, pour lesquelles ils pourroient estre vallablement refusez par les parties plaidantes, seront tenus les declarer pardeuant les Iuges, sans attendre que lon les leur propose. Et de leur declaration sera faict Registre, & communiqué aux parties auant que proceder au iugement du procez, sur peine de priuation de l'estat à celuy de nosdicts Iuges qui ne l'auroit déclaré, & d'estre incapable de tenir à iamais office de iudicature.

CXIX.

DEFENDONS à tous Iuges de cognoistre des causes, ou assister au iugement des procez des Prelats, Collateurs, & Patrons layz, desquels leurs enfans, freres, oncles, nepueux, auroient obtenu aucuns benefices, soit que lesdicts Collateurs ou Patrons soient parties principales, ou ioinctes.

CXX.

DEFENDONS à tous nos Iuges, tant de nos Courts souueraines, que autres, de s'entremettre de recômander ou solliciter les procez des parties plaidantes en icelles, sur peine d'estre priuez de l'entree de nosdictes courts & sieges, & de leurs gages pour vn an.

EN adioustant au cinquante-troisième Article de l'Ordonnance d'Orleans, Auōs ordonné & ordōnons, que les procez meuz & à mouuoir és Chambres de nos Courts de Parlements, esquels aucuns de nos Presidents, ou Conseillers d'icelles, leurs peres, enfans, gendres, freres, beau-freres, oncles, nepueux, ou cousins germains se trouueront parties, ne serōt iugez esdictes Chambres: ains renuoyez en vne autre, à la simple requisition de la partie aduerse. Ce que semblablement voulons estre gardé pour les procez pendans és Chambres esquelles les parties auront trois parens ou alliez, iusques au quatrième degré. Et pour le regard des Iuges Presidiaux, voulons l'Article cinquante-deuxième de ladicte Ordonnance faicte à Orleans, estre gardé & obserué selon sa forme & teneur.

Nos Presidents, Maistres des Requestes, Conseillers, Maistres des Comptes, & Officiers, tant de nos Courts souueraines, que sieges Presidiaux, s'abstiendront de l'entree de nosdictes Courts, Chambres, & sieges, pendant le iugement des procez, esquels
eux,

eux, ou ceux dont ils sont presumptifs & apparens heritiers, seront parties. Aufquels nous voulons estre vacqué, toutes choses intermises & delaissees.

CXXIII.

A V C V N incident appoincté en droit ne pourra estre rapporté, soit en nos Courts souveraines, ou sieges Presidiaux, sans que au preallable les productions ayent esté mises au Greffe, & distribuees sur le Registre: sur peine de nullité des Jugemens.

CXXIII.

N O V S voulons que l'Ordonnãce d'Orleans, article quarante deuxiême, pour faire appeller les causes des appellations verbales, & iuger les procez par escrit, à tour de roolle, soit exactement gardée, tant en nos Courts souveraines, que sieges Presidiaux: Et que les roolles qui se feront pour lesdicts procez par escrit, soiēt mis entre les mains de l'huissier des Châbres des Enquestes de nos Parlemens, & sieges Presidiaux.

CXXV.

V O U L O N S aussi les causes plaidees és audiences estre promptement vuydees & expediees, si faire se peult. Et où par nos Courts sera ordonné qu'on en deliberera au

Conseil, pour les vuyder sur le Registre! Auons ordonné & ordonnons, que le lendemain, auant toute expedition il en sera deliberé par les Presidents & Conseillers: qui auront assisté à la plaidoirie, & les Arrests qui interuiendront, prononcez à la prochaine audience. Seront les Aduocats & Procureurs, par la faulte desquels la cause n'aura peu estre vuydee sur le champ, condamnés en telles amendes qu'il sera aduisé par nosdites Courts. Leur enioignons tres estroictement de proceder à rigoureuse punition desdicts Aduocats, qu'ils trouueront en plaidant auoir allegué sciemment aucuns faulx faicts. Enioignons aussi à nos Aduocats & Procureurs generaux, de procurer que la presente Ordonnance, & celles faictes par nos predecesseurs Roys pour ce regard, soient entierement gardees & obseruees, sur peine d'en respondre en leur propre & priué nom.

CXXVI.

QVAND aucun procez se trouuera party en nos Parlemens, soit en la grand Châbre, ou Chambre des Enquestes, Nous voulons que incōtinent, & sans delay, soit procedé au departement dudiect procez. Et à ceste

ceste fin enioignons aux Presidents des Chambres, chacun en leur regard, de donner promptement audience aux Rapporteur & Compartiteur dudiect procecz, sans aucune remise: à fin que le mesme iour qu'ils se seront presentez, le procez soit mis sur le bureau, pour estre departy & iugé incontinent.

CXXVII.

Les Espices seront taxees par ceux qui presideront, sur les extraicts des Rapporteurs, qu'ils auront faiçts eux mesmes. Enioignons à nosdiects Presidents d'vser de telle moderation en la taxe desdictes Espices, que par ce moyen ils pouruoient à la plainte que lon faiçt à l'augmentation d'icelles: dont nous chargeons leurs cōsciences & honneur.

CXXVIII.

Et pour le regard des Iuges inferieurs, où il apparoiſtra par les sentences qui seront donnees, la taxe desdictes Espices estre excessiue, Enioignons à nos Courts de Parlement d'y pourueoir, & ordonner de la repetition d'icelles, tant contre le Rapporteur que celuy qui les aura taxees: & y vser de plus grande seuerité,

& animaduersion ſil y eſchet.

CXXIX.

DEFENDONS tresexpreſſément à nos Preſidents, & tous autres Iuges, de taxer aucunes Eſpices, où il n'y aura que nos Procureurs generaux, & leurs Subſtituts, parties: Excepté neantmoins pour le regard des gros procez domaniaux, pour leſquels leur ſera pourueu particulierement.

CXXX.

LES procez criminels faiçts & inſtruits en nos Parlemens en premiere inſtance, ne feront rapportez par celuy qui aura fait les recollemens, confrontations, & inſtruiçt leſdiçts procez.

CXXXI.

NULLES Eſpices ſerõt taxees ne payees pour Arreſts, Sentences ou Iugemens, qui ſeront cy apres donnez ſur Requeſtes preſentees par l'vne des parties ſeulement, ſoit en matiere ciuile ou criminelle: meſmes pour l'eſlargiſſement des priſonniers: excepté touteſois au cas qu'il y ait vacation du rapporteur, pour auoir veu les informations & procedures, & que rapport en ait eſté fait, dont leur honneur & conſcience ſeront chargez.

N V L S

CXXXII.

Nvls Officiers de Judicature, Aduocats, Procureurs, Solliciteurs, Greffiers, & leurs commis, tant des sieges Royaux que subalternes, & Sergens, ne pourront estre fermiers des amendes, droicts, & emolumens de Court en leursdicts sieges, ny estre adiudicataires des fruiets saisis par Iustice, ou cautions pour les fermiers & adiudicataires d'icelles, directement, ou indirectement : à peine d'estre priuez tant des emolumens desdictes fermes & adiudications, & neantmoins contraints payer le pris d'icelles, que de leurs estats & offices.

CXXXIII.

Et pour le regard des procez qui se iugēt par Commissaires, Voulons l'Ordonnance faicte à Moulins, Articles soixante-huict & soixante-neufiēme, tant pour la qualité desdicts procez, iour & heure pour vacquer à iceux, que pour le nombre des Iuges, estre inuiolablement gardec : Sauf toutefois à nosdictes Courts, où lon a accoustumé de iuger à dix, de pouuoir s'assembler iusques au nombre de douze, y compris les Presidents, si les parties le demandent, & selon que l'importance & longue visitation des

procez le requerra : dont nous chargeons l'honneur & conscience de nosdits Presidents & Conseillers.

CXXXIII.

ET neantmoins, pour ce que on ne peut auoir aisémēt expedition à la grand Chambre de nostre Parlement de Paris pour les audiences, & autres grands empeschemens où elle est occupee à nostre seruice : seront les procez instruits & pendans en icelle, qui ne pourrōt estre expediez en ladicte grand Chambre, renuoyez és Chambres des Enquestes, selon qu'il sera aduisé par nos Presidents & Cōseillers d'icelle grād Chambre, dont nous chargeons leur honneur & conscience.

CXXXV.

S V Y V A N T l'Edict fait à Paris au mois de Ianuier, mil cinq cens soixante & trois, Auons defendu aux Iuges Presidiaux de proceder à la uisitation & iugemēt d'aucun procez par Commissaires: sur peine de nullité des Sentences & Iugemens qui seront par eux donnez : & des despens, dommages & interests des parties, pour lesquels ils pourront estre pris à partie en leur propre & priué nom.

S E R O N T

CXXXVI.

SERONT tenus tous nos Presidents, Cōseillers, Aduocats, Procureurs generaux, & Greffiers de nos Courts de Parlement, se trouuer à l'ouuerture qui s'en fait le lendemain de la S. Martin. Sera leu le tableau, & fait Registre des absents, & leur nom baillé le mesme iour aux Receueurs & payeurs des gaiges & droicts de nosdictes Courts. Ausquels defendōs de payer les gaiges desdicts absents pour tout le mois de Nouembre, encores qu'ils se trouuassent incontinēt apres ledict iour en nosdictes Courts: sur peine de les repeter sur lesdicts payeurs, quelque excuse que les absents puissent alleguer: si ce n'est de maladie, ou empeschement pour nostre seruice, dont ils serōt tenus faire apparoir. Et seront lesdicts gaiges employez & aumosnez aux pauvres prisonniers des Conciergeries.

CXXXVII.

SVVANT les Ordonnances des Roys nos predecesseurs, auōs defendu, & defendons, à nos Presidēts, Conseillers, & autres officiers, tāt de nos Courts souueraines que autres, de s'absenter pēdant la seance & seruice qu'ils nous doiuent, sans expres congé

de nous , ou de nosdictes Courts & sieges, ny exceder le temps à eux accordé : le tout sur les peines portees par icelles ordonnances.

C X X X V I I I.

N O S Presidens & Conseillers seront tenuz d'entrer en nosdites Courts pour faire le seruice qu'ils nous doiuent , aux iours & heures , tant de matinees qu'apresdisnees, portees par nos Ordonnances : sur les peines indictes par icelles.

C X X X I X.

N O S D I C T S Conseillers, tant de la grād Chambre que des Enquestes de nos Parlemens, qui seront destineez pour le seruice de la Tournelle , vacqueront diligemment à l'expedition des prisonniers , & iugement des procez criminels , sans se distraire à autres affaires , suyuant nos anciennes Ordonnances , & reiglements de nosdicts Parlemens.

C X L.

L E S Conseillers des Enquestes , apres auoir faict leur seruice à la Tournelle , seront tenuz remettre au Greffe , trois iours apres pour le plus tard , tous procez criminels , qui leur auront esté distribuez , sur
peine

peine de priuation de leurs gaiges , pour les iours qu'ils auront esté en demeure de ce faire . Et quant aux Conseillers de la grand Chambre , les Presidents leur pourront laisser tels desdicts procez qu'ils aduiferont, s'ils voyent que pour l'expedition & bien de iustice il se doive faire. Dont il sera fait Registre au Greffe de la Court.

CXL I.

TOUTES declarations de despens seront par les Procureurs mises au Greffe , & paraphées par les Greffiers , ou leurs commis , sans que pour ledict paraphe ledict Greffier en puisse pretendre aucun salaire, pour estre lesdictes declarations par nos Presidents distribuees à chacun des Conseillers selon leur ordre . Et pour le regard des declarations de despens des procez par escrit, seront sans autre distribution baillees par les Greffiers , ou leurs commis , à ceux qui auront rapporté lesdicts procez.

CXL II.

ET pour ce qu'il se iuge en nos Courts de Parlemens grand nombre de defaulx & congez, qui le plus souuent sont obtenuz par la faulte & malice des Procureurs : Enioignons à nosdictes Courts , en proce-

dant au iugement desdicts defaulx & congez ainsi obtenuz, de mander, & ouyr les Procureurs des parties, pour adiuger les despens contre celuy desdicts Procureurs en son propre & priué nom, de la part duquel se trouuera faulte, surprise, & demeure.

CXLIII.

DEFENDONS à nosdicts Conseillers de se charger d'aucunes informations, si elles ne leur sont distribuees par les Presidents: Et aussi d'interroger les appellans, soit d'un decret de prise de corps, ou d'un adiournement personnel, si par nostredicte Court n'est ordonné: sur peine de nullité, & de repetition des despens, dommages & interests des parties en leur propre & priué nom.

CXLIIII.

VOULONS les Mercuriales estre tenues de six mois en six mois, tant en nos Courts de Parlement, Grand Conseil, Chambre des Comptes, Generaux de la Iustice, & autres Courts souueraines, que es sieges Presidiaux: à sçauoir en nosdicts Parlemens, les premiers Mercredis apres la lecture des Ordonnances, qui se

se faiēt apres les festes de sainct Martin, & Pasques. Et quant au Parlement de Bre-
 taigne, Grand Conseil, & Chambre des
 Cōptes, le premier Mercredy d'apres l'en-
 tree en leurs seances: & aux sieges Presi-
 diaux, les Mercredis que on y lira les Or-
 donnances. Ausquelles Mercuriales vou-
 lons les faultes & contrauentions faiētes à
 nosdictes Ordonnances par les Officiers de
 nosdictes Courts & Iurisdicōs, estre plei-
 nement & entierement deduites: & les Ar-
 ticles proposez estre incontinent apres iu-
 gez sans intermission ou discontinuation,
 tant es iours d'audience, que autres: pour
 lesdictes Mercuriales estre enuoyees, à sça-
 uoir celles de nosdites Courts souueraines,
 à nous & à nostre trescher & feal Chancel-
 lier, ou Garde des seaux: & celles de nos Iu-
 ges inferieurs à nosdictes Courts souuerai-
 nes de leur ressort. Faisans tresexpresses in-
 hibitiōs & defenses, tant à nosdictes Courts
 & sieges Presidiaux, chacun en son regard,
 vacquer à l'expedition d'autres affaires, que
 lesdictes Mercuriales n'ayent esté iugees:
 declarant les iugemens qui auront esté au-
 parauant donnez, nuls, & de nul effect &
 valeur. Enioignons aussi à nos Aduocats

& Procureurs generaux, & à leurs Substituts, sur peine de priuation de leurs charges, de les promouuoir & en poursuiure le iugement, & de nous aduertir promptemēt de la retardatiō ou empeschemēt d'icelles.

CXLV.

P O U R releuer nos subiects des frais qui se font à la taxe des despens, & liquidation de dommages & interests, és matieres legeres, & de peu d'importance, Ordonnons que les despens des congez, defaulx, desertions, folles intimations, ou assignations, appellations interiettees de sentences donnees par defaulx & contumaces, ou és matieres de fins de non proceder, & toutes autres de petite consequence: & pareillement les dommages & interests des emprisonnemens tortionnaires, faïssies, executions reelles & actuelles indeuēment faïctes, seront deormais taxez & liquidez par le mesme iugement, par lequel ils auront esté adiugez, si faire se peult: dont nous chargeons les consciences des Iuges.

CXLVI.

C E L V Y qui aura obtenu Requeste ciuile contre vn Arrest, & en aura esté debouté, ne sera plus receu à proposer erreur contre
le prin-

le principal Arrest, ne contre l'Arrest donné contre la requeste ciuile. Celuy aussi qui aura proposé erreur, & en aura esté debouté, ne sera plus receu à proposer erreur ne requeste ciuile.

CXLVII.

DEFENDONS à tous Iuges, pardeuant lesquels les parties tendrôt à fin de nō proceder, de se declarer competās, & denier le renuoy des causes, dont la cognoissance ne leur appartient par nos Edicts & ordonnances: sur peine d'estre pris à partie, au cas qu'ils ayent ainsi iugé par dol, fraude, ou concussion, ou que nos Courts trouuent qu'il y ait faulte manifeste du Iuge, par laquelle il doime estre cōdamné en son nom.

CXLVIII.

PAREILLEMENT ne pourront nosdicts Iuges resortissans en nos Courts, en vuydant les appellations des Iuges inférieurs, retenir la cause du procez principal: ains leur enioignons les renvoyer par deuant les Iuges ordinaires Royaux, & des Seigneurs particuliers, autres que ceux qui l'auront iugé.

CXLIX.

ET pour le regard de nos Courts souue-

raines, leur defendons, en procedant au iugement des causes d'appel, d'euocquer le principal de la matiere, si ce n'est pour le vuyder & iuger sur le champ.

CL.

D'ORENAVANT y aura publication d'Enquestes en nos Parlemens, Courts souveraines, & Requestes du Palais, ainsi que pardevant les Iuges ordinaires.

CLI.

LES Commissiōs de nos Courts souveraines, tant pour l'instruction des procez, que pour l'execution des Arrests qu'il conviendra faire aux provinces du ressort de nosdictes Courts, s'adresseront aux Iuges des lieux : sinon que l'une des parties l'eust requis au contraire : laquelle audiēt cas ne pourra repeter plus grands frais, que si lesdictes Commissiōs estoient executees à la barre, ou par lesdicts Iuges des provinces.

CLII.

LES gardes gardiēnes, qui auroient esté anciennement obtenues sous ombre que les provinces, Bailliages & villes où estoient les ressorts ordinaires, estoient tenus par autres que nous, en appennage, douaire, en-gaigement, ou par bienfaict, dont l'occasion

sion cesse à present, n'auront lieu à l'aduenir, pour oster la cognoissance aux Iuges qui sont à present Royaux. Et au surplus, quant ausdictes gardes gardiennes, entendons lesdictes Ordonnances d'Orleans & de Moulins estre obseruees.

CLIII.

Tous Iuges, tant Royaux que autres, seront tenus d'expedier sommairement, & sur le champ, les causes personnelles, & qui n'excederont la somme de trois escus & vn tiers, ou la valeur pour vne fois, apres auoir ouy les parties, qui serôt tenues comparoir à ceste fin en personne à la premiere assignation, s'ils n'ont legitime excuse d'absence, ou maladie, pour estre ouys par le Iuge sans assistance d'Aduocat ou Procureur, & se purger par serment, si elles en sont requises. Et ou lesdictes parties seroient contraires en faicts, seront appoinctees à amener quelque nombre de tesmoins, qui seront ouys sur le champ. Et si ledict different ne se peult vuyder à l'instant, sera tenu le Iuge de le vuyder sur le Registre, sans pour ce prendre espices. Et sera le iugement donné par nos Iuges en ce cas executoire par prouisió, sans preiudice de l'appel, & sans pour

ce vouloir reſtraindre le pouuoir donné
aux Iuges par autres ordonnances.

CLIIII.

LES fins de non proceder ſeront iugees
ſommairement par nos Iuges, ſans appoin-
cter les parties à mettre par deuers eux.
Auſſi ſera faiet preallablement droit ſur les
fins de non receuoir propoſees & alleguees
par les defendeurs, au parauant que reigler
& appoincter les parties en contrarieté, &
preuue de leurs faiets, ſans en faire aucune
reſeruation. Et en cas de contrauention,
pourront leſdiets Iuges eſtre intimez, &
pris à partie en leur propre & priué nom.

CLV.

ET pour le regard des delaiz, qui ſont le
plus ſouuent cauſe de la longueur des pro-
cez, Voulons & ordonnons, que ſuiuant
l'Edict faiet à Paris au mois de Ianuier, mil
cinq cens ſoixante trois, tous Iuges ſoient
tenuz par l'appoinctement de conteſtation
en cauſe, reigler tous les delaiz requis &
neceſſaires ſelon la qualité de la matiere, &
diſtance des lieux, cōme d'informer, eſcrire,
produire, bailler reproches, cōtredits & ſal-
uatiōs, & autres ſemblables, ſelon que cha-
cune cauſe y ſera diſpoſee. Tous leſquels
delaiz

delaiſ ſeront perēptaires, ſans qu'il ſoit beſoin d'obtenir autres forcluſions. Et ſil y a appel de forcluſions, ou refus d'autre delay, ne ſera differé, mais paſſé outre par le Iuge, qui aura donné l'appoinctement, iuſques à ſentence diffinitive incluſiuelement. De laquelle ſil y a appel, ſera conclud comme en procez par eſcrit : ioinct l'appel de forcluſion, & refus de delay pour y faire droit. Pourra neantmoins l'appellant, qui aura eſté forclos de faire enqueſte, requerrir en cauſe d'appel eſtre receu à ce faire. Ce qui luy ſera permis par vn ſeul delay : à la charge que ſa partie pourra aſſiſter & faire preuue au contraire, ſi faiete ne l'a, ſauf à ordonner à quels deſpens.

CLVI.

EN IOIGNONS tres-expreſſēmēt à tous nos Iuges, tant de nos Parlemens, Courts ſouueraines, que ſieges Preſidiaux, ou autres, garder & obſeruer ledict reiglement pour les delaiſ & forcluſions, ſans auoir aucun eſgard aux lettres obtenues au contraire. Et defendons à nos amez & feaux Conſeillers, maiſtres des Requeſtes, & Gardes des ſeaux, de les octroyer ou accorder, & à nos Secretaires de les ſigner, à peine d'en

respondre en leur nom. Reseruons neantmoins à l'arbitrage des Iuges, pour le regard des vesues, tuteurs, personnes miserables, gens absents pour nostre seruice hors de nostre Royaume, prisonniers de guerre, ou autres prisonniers detenuz & malades de longue infirmité, qui ne peuuent entendre à leurs affaires, de pouuoir bailler ou renouueller plus d'un delay de faire enqueste, par cognoissance de cause, du merite du procez, & qualité des parties. Et en ces cas, pour obuier à la subornation des tesmoins, leur ordonnons surseoir la publication des enquestes des parties.

CLVII.

ENIOIGNONS à nos Aduocats & Procureurs generaux de prendre le moindre nôbre de Substituts qu'il leur sera possible, & de voir eux mesmes les Requestes ordonnées leur estre communiquees: comme aussi les informations à decreter, & interrogatoire des accusez. Defendons ausdicts Substituts de prendre ou exiger aucune chose des parties pour le rapport desdictes Requestes, informations & interrogatoires, qui seront mis entre leurs mains, à peine d'estre punis cōme de crime de concussion.

ET

CLVIII.

ET pour le regard de nos Procureurs és sieges ordinaires, voulons en cas de maladie, absence, ou legitime empeschement d'eux, que nos Aduocats facent & exercent leurs charges, sans que nosdicts Procureurs puissent commettre Substituts en leur place, quand nosdicts Aduocats serôt presens.

CLIX.

Tous Iuges, Enquesteurs, Greffiers, Adioincts, Notaires, Sergēs, & autres officiers de iustice, leurs clerks & commis, seront tenuz d'escire & parapher de leurs mains tout ce qu'ils auront receu des parties, soit pour espices, vacations, salaires, & autres causes: le tout sur peine de concussion, & de priuation de leurs offices.

CLX.

ENIOIGNONS tant à nos Iurisdictiones souueraines, que toutes autres subalternes, de reigler les salaires des Greffiers, Sergens, & autres ministres de iustice, le plus iustement que faire se pourra: Et que du reiglement qui sera fait cōtenant ledit salaire, soit mis vn tableau és Greffes desdictes Courts & Iurisdictiones inferieures, avec defense à tous lesdicts Greffiers, Sergens, & autres,

sur peine de la vie, prendre plus grand salaire que leursdictes taxes, encores qu'il leur fust volontairement offert.

CLXI.

LES Aduocats & Procureurs seront tenuz signer les deliberations, inuentaires, & autres Escritures qu'ils feront pour les parties: & au deffoubs de leur seing escrire & parapher de leur main ce qu'ils auront receu pour leur salaire: & ce sur peine de concussion.

CLXII.

DORENAVANT en toutes matieres, où il sera question d'informer & faire preuve par tesmoins de la valeur de quelque chose, seront tenuz les parties d'une part & d'autre cōuenir de gens experts & à ce cognoissans: Et à faulte d'en conuenir, en seront nommez d'office par les Iuges, pour estimer & aualuer lesdictes choses, & en rendre raison, sans autrement les appoincter à informer & faire enqueste: sauf quant aux autres faiets, qui seront deduits au proces, de les recevoir à faire telle preuve par tesmoins qu'ils verront bon estre.

CLXIII.

LES Iuges & Greffiers ne prendront aucune

cune taxe ne salaire pour tenir & receuoir les encheres, ny pareillement lesdicts Greffiers, ou autres, pour la distribution des deniers, sinon ce qui leur sera taxé par les Iuges pour ladicte distributiō selon le labour: nonobstant toute vsance au cōtraire. Abolissant desapresent le stile d'aucunes Courts, par lequel les Iuges & autres officiers d'icelles pretendent leur estre permis, en taxant despens, ou frais, ou deliurant deniers d'ENCHERES, ou confiscation, se faire payer à raison d'un sol, ou autre somme pour liure ou escu: Leur enioignant tresestroitement se contenter de salaire moderé & raisonnable, selon leur labour & vacation: le tout sur peine de concussion, tant contre lesdicts Iuges, que Greffiers & autres officiers.

CLXIIII.

APRES le decez d'aucun, soit qu'il y ait enfans, ou non, les heritiers du defunct ne seront contraincts admettre aucune garnison, ne appeller nos Iuges, ou Procureurs, ny pareillement le Greffier de la Iustice, pour faire inuentaire: mais pourront prendre Notaires & Tabellions à leur choisis & commodité, sinon en cas de pretendue cō-

fiscation, aubeine, ou contention entre les parties: ou que par aucun y aiant interest il soit requis, à ses despens, perils & fortunes sauf neantmoins de proceder par voye de feel, si faire se doit, pour la conseruation des biens des mineurs, ou absents. Ce que nous entendons aussi auoir lieu és Iustices subalternes, non Royales: esquelles quand le Sieur Iusticier, ou ses officiers auront faiszy & mis la main, nous n'entendons que nos officiers sy entremettent, sinon pour la conseruation de nos droiëts.

CLXV.

Tous Notaires ou Tabellions, tant Royaux que autres, soit en pais coustumier, ou de droiët escript, seront tenus faire signer aux parties, & aux tesmoins instrumentaires, fils sçauent signer, tous Contracëts & actes, soient Testamens ou autres qu'ils receuront: dont ils feront mention tant en la minute que grosse, qu'ils en deliureront, à peine de nullité desdiciëts Contracëts, Testamens, ou actes, & d'amende arbitraire. Et au cas que les parties, ou tesmoins, ne sçauront signer, lesdiciëts Notaires & Tabellions feront mention de la requisition par eux faiëte ausdites parties & tesmoins de signer,
& de

& de leur responce . Le tout nonobstant toutes lettres de declaration , que lesdicts Notaires pourroient auoir obtenu au contraire : lesquelles nous auons cassees & reuoquees , encores qu'elles ayent esté verifiees en nos Courts de Parlement .

CLXVI.

ET à fin d'obuier aux faulsetez & suppositions , qui se peuuent commettre pour ce regard , Nous voulons que és lieux , où iusques à present a esté permis que vn seul Notaire en presence de deux tescmoins , puisse receuoir , & passer Contrac̃ts , Testamens , & autres actes , ledict Notaire , fil est és villes , ou gros bourgs , esquels vraysemblablement on puisse receuoir tescmoins qui sçachent signer , & que la partie qui s'oblige , ne puisse signer , soit tenu appeller pour le moins vn tescmoin , qui sache signer , & lequel actuellement signera avec luy la minute.

CLXVII.

SERONT aussi tenus tous Notaires mettre & declarer par lesdicts Contrac̃ts , Testamens , & actes , la qualité , demeurances , & paroisses des parties & des tescmoins y denommez , & la maison où les Contrac̃ts se-

ront passez: & pareillement le temps de deuant, ou apres midy, qu'ils aurõt esté faicts.

CLXVIII.

S'IL est besoin d'examiner aucuns tefmoins hors les lieux de la demeureance des Iuges, lesdicts Iuges serõt tenus, s'ils en sont requis, oëtroyer commission adressante aux officiers des lieux, sans qu'ils la puissent refuser.

CLXIX.

Tous Iuges executans les commissions qui leur seront adressees, prendront pour escrire soubz eux le Greffier de leur siege, ou son commis, & non leurs clerks, sur peine de nullité. Et se contenteront lesdicts Iuges de leur salaire moderé, sans qu'ils prennent aucune part à celuy dudiët Greffier: excepté toutefois pour le regard des Presidëts, Conseillers, Maistres des Requestes, qui ont leurs clerks, desquels ils se pourront seruir pour lesdictes Escritures.

CLXX.

Les Originaux des Registres & expéditions Iudiciaires, demeureront és mains des Greffiers, & non és mains des Seigneurs Iusticiers, à peine de perdition de leur Iustice. Et quant aux Greffiers, qui sont fermiers,

miers, soit de nos Greffes, ou autres, seront tenus au bout de leur ferme, laisser leurs Registres, sacs & autres pieces, és mains de leurs successeurs : sur peine d'amende arbitraire, & autre punition, s'il y eschet.

CLXXI.

EN toutes Iurisdiccions, mesmes des Courts Ecclesiastiques, les actes, & toutes autres expéditions, seront deliurees aux parties par iournees, & selon qu'elles le requerront, sans pouuoir contraindre lesdictes parties à leuer toute la procedure, & sans inserer les Escritures premieres, secondes, ou autres : ny pareillement les reproches, contredicts, ou saluations : mais serot baillees copies desdictes Escritures, selon le seing des Aduocats & Procureurs : nonobstant tout vsage ou coustume au contraire. Et enioignons tresexpressément à nos Procureurs generaux, & à leurs substituts, d'y tenir la main, & ne permettre ledict abus continuer à l'aduenir.

CLXXII.

NOUS voulons, que suiuant les Ordonnances de nos predecesseurs, nos Huissiers ou Sergens puissent executer tous mandemens, commissions, sentences, iugemens,

sans estre astraincts de demander permission, Placet, Visa, ne Parcatis : pourueu toutefois qu'il n'y ait distractiõ hors du ressort du Parlement, de la partie, contre laquelle tel exploict se fera : sinon qu'il fust question de recours de garentie, ou de iugement & arrest contradictoirement donné hors ledit Parlemēt contre ladite partie.

CLXXIII.

Tous exploicts de Sergens contenant execution, faisie, ou Arrest, porteront les iours & le temps de deuant ou apres midy, qu'ils auront esté faicts. Et mettront lesdicts Sergens au bas de leur exploict ce qu'ils auront pris pour leur salaire : ensemble les nom & domicile de leurs records, tant avec copies qu'ils bailleront à la partie executee, que en l'original de leur exploict, sur peine d'amende, & suspension de leurs offices.

CLXXIII.

Les Sergens qui establiront Commissaires au regime & gouvernement d'heritages, feront signer leurs exploicts par lesdicts Commissaires, ou bien par vn Notaire à leur requeste, en presence de tesmoins, ou bien par deux tesmoins, lesquels aussi seront tenus signer. Et par faulte de Notaires, ou
Tabellion,

Tabellion, lesdicts exploicts pourront estre signez par le Greffier de la Iustice des lieux. Autrement foy ne sera adioustee au rapport desdicts Sergens.

CLXXV.

SERONT tenus les Sergens, à peine de nullité de leurs exploicts, despens, dommages & interests des parties, declarer & inferer en leurs exploicts, & procez verbaux, le domicile que les parties, à la requeste desquels ils exploicteront, auront esleu au lieu où lesdictes executions seront faictes.)

CLXXVI.

NUL laboureur ne pourra estre estably Commissaire és biens du Seigneur duquel il est subiect.

CLXXVII.

VOULONS aussi que l'Ordonnance faicte à Moulins par le feu Roy nostre trescher Seigneur & frere, pour les priuileges des Gardes gardiennes & Committimus soit exactement gardee: sans que autres que ceux qui sont nommez en ladicte Ordonnance, puissent iouyr desdicts priuileges. Et ce seulement pour droicts que lesdicts priuilegiez auront de leur chef, ou à cause de leurs femmes seulement, & non en ver-

tu de cession, ou transport.

CLXXVIII.

ET à fin qu'on ne puisse commettre aucun abus pour le regard de nos Aduocats & Procureurs de nos Cours de Parlemēs, qui doiuent iouyr dudit priuilege, sera le nom d'iceux mis & apposé en vn tableau, qui sera mis en nos Chancelleries.

CLXXIX.

DEFENDONS à nos Courts souueraines, sur les acquiescemens ou appellations mises au neant, retenir la cognoissance de la cause principale, ny pareillement l'exécution de leurs Arrests & iugemens, sinon pour ce qui concerne l'interpretation d'iceux. Mais leur enioignons renuoyer la cognoissance de la cause aux Iuges, d'où prouient l'appel, si l'a esté dict bien iugé: Et si la sentence a esté infirmee, à celuy qui tiēt le siege immediatement apres luy, fors es cas esquels par les Ordonnances il leur est permis d'vser de retention de cause. Et le semblable voulons estre gardé par les Iuges Presidiaux, & autres Iuges d'appel en leur regard: le tout à peine de nullité des procédures & iugemens, & de tous despens, dommages & interests.

DEFEN-

CLXXX.

DEFENDONS trefestroitement à tous Notaires, de quelque iurisdiction qu'ils soient, de recevoir aucuns Contrac̃ts d'heritages, soit vendition, donation, eschange, ou autres, sans que par iceux soit déclaré par expres, en quel fief ou censive sont les choses cedees, & de quelles charges & devoirs elles sont subiettes & redeuables envers les Seigneurs feodaux & censuels, qui seront aussi particulierement & specialement declarez.

CLXXXI.

POUR euter les preuues par tesmoins, que lon est souuent contrainct faire en iustice touchant les naissances, mariages, morts, enterrement des personnes, Enioignons à nos Greffiers en chef de poursuyure par chacun an tous Curez, ou leurs Vicaires, du ressort de leurs sieges, d'apporter dedans deux mois apres la fin de chacune annee, les Registres des Baptesmes, mariages, & sepultures de leurs paroisses, faicts en icelle annee. Lesquels Registres lesdicts Curez en personne, ou par procureur specialement fondé, affermeront iudiciairement contenir verité. Autrement,

& à faulte de ce faire par lesdicts Curez, ou leurs Vicaires, ils seront condamnez és despens de la poursuite faicte contre eux: & neantmoins contraincts par faisie de leur temporel, d'y satisfaire & obeir. Et seront tenus lesdicts Greffiers de garder soigneusement lesdicts Registres pour y auoir recours, & en deliurer extraict aux parties qui les requerront.

CLXXXII.

ET d'autant que plusieurs femmes vesues, mesmes ayans enfans d'autres mariages, se remarient follement à personnes indignes de leur qualité, &, qui pis est, les aucunes à leurs valets: Nous auons déclaré & declarons tous dons & auantages, que par lesdictes vesues ayans enfans de leurs premiers mariages seront faicts à telles personnes sous couleur de donation, vendition, association à leur communauté, ou autre quelconque, nuls, & de nul effect & valeur. Et icelles femmes, lors de la conuention de tels mariages, auons mis & mettons en l'interdiction de leurs biens, leur defendant les vendre, ou autrement aliener, en quelque sorte que ce soit: & à toutes personnes d'en acheter, ou faire avec elles autres

tres Contrac̃ts, par lesquels leurs biens puissent estre diminuez. Declaroñs leſdicts Contrac̃ts nuls, & de nul effect & valeur.

CLXXXIII.

NOVS faisons trefestroĩctes inhibitiōs & deſenſes à toutes perſonnes, de quelque eſtat, authorité, qualité, ou condition qu'elles ſoient, ſans nul excepter, de dorenaũt entrer en aucune aſſociation, intelligenc̃e, participation, ou ligue offenſiue ou deſenſiue, avec Princes, Potentats, Republicques, Communaut̃ez, dedans ou dehors le Roy-aume, directement ou indirectement, par eux ou par perſonnes interpoſees, verbale-ment ou par eſcrit, faire aucune leuee ou enroollement de gens de guerre, ſans noſtre expreſſe permiſſion, congé & licence. Et declarō̃s tous ceux, qui ſ'oublieront tant que d'y contreũenir, criminels de leze Maieſté, & proditeurs de leur patrie, incapables & indignes, eux & leur poſterité, de tous eſtats, offices, tiltres, honneurs, dignitez, graces, priuileges, & de tous autres droic̃ts. Et en outre, leurs vies & biens conſiſquez, ſans que leſdites peines leur puiſſent eſtre iamais remiſes à l'aduenir par Lettres, ou autrement, en quelq̃ maniere que ce ſoit.

ENIOIGNONS à tous nos Iuges, & des haults Iusticiers, informer en personne & diligemment, sans diuertir à autres actes, des crimes & delicts qui seront venus à leur cognoissance : vacquer & proceder, toutes choses delaissees, à la confection des procez criminels, selon le contenu au soixante quatrième Article del'Ordonnance faicte aux Estats tenus à Orleans : ensemble faire procez verbal des plaintes & denonciations, qui leur auront esté faictes des crimes & delicts commis en leur ressort. Et à fin de cognoistre quel deuoir & diligēce ils y auront faict, Enioignons à nos Preuosts, Chastellains, & tous autres Iuges inferieurs, d'enuoyer aux Baillifs & Seneschaux, ou leurs Lieutenans, le roolle des procez criminels qu'ils auront iugez : & lesdicts Baillifs & Seneschaux enuoyer semblable roolle à nos Courts de Parlemens, & Procureurs generaux en icelles. Lesquels, & leurs Substituts en chacun siege, & semblablement les Procureurs fiscaux des Seigneurs, seront tenus de faire diligente poursuite & recherche desdicts crimes, sans attendre qu'il y ait instigateur, denonciateur, ou partie ciuile : le
tout

tout sur peine de priuation de leurs estats en cas de conuiuence ou negligence, & de tous despens, dommages, & interests des parties interessees.

CLXXXV.

LES Preuosts tant de nos amez & feaux les Mareschaux de Frâce, que prouinciaux, & semblablement les Vibailifs & Lieutenans criminels de robbe courte, seront tenus, suyuant nos Ordonnances, monter à cheual, si tost qu'ils seront aduertis de quelque volerie, meurtre, ou autre delict commis es lieux où ils sont establis: à fin d'en informer, prendre & apprehender les delinquans, & aussi d'executer promptement & sans remise, excuse, ou dissimulation, les decrets & mandemens de Iustice qui leur seront deliurez par nos Iuges & Substituts de nos Procureurs generaux, encores qu'il n'y ait plainte de partie ciuile: le tout à peine de priuation de leurs estats, & de plus grande, selon l'exigence des cas.

CLXXXVI.

EN adioustant au quarante-quatrième Article des Ordonances faictes à Moulins, Voulons & ordonnons, que lesdicts Preuosts des Mareschaux, Vibailifs, Viseneschaux,

ou leurs Lieutenans, seront tenus, en faisant l'inventaire des biens de ceux qu'ils arrêteront prisonniers, appeller vn notable bourgeois, ou habitant du lieu auquel les captures seront faictes, & deposer les biens saisis, & inuentoriez, es mains d'un voisin resseant & soluable, qui s'en chargera.

CLXXXVII.

SVR les mesmes peines leur enioignons de faire leurs cheuauchees par les champs, y vacquer continuellement, sans seiourner aux villes, sinon pour occupations necessaires & legitimes : faire procez verbaux de leurdictes cheuauchees, & iceux communiquer à nos Iuges & Procureurs. Defendons aux Receueurs & payeurs de leurs gages, leur deliurer aucuns deniers, s'ils ne rapportent acte signé de nos Iuges & Procureurs, contenant qu'ils ont bien & deuëment faict lesdictes cheuauchees.

CLXXXVIII.

DEFENDONS sur peine de la vie ausdicts Preuosts des Mareschaux, Vibailifs & Viseneschaux, de vendre les estats de leurs Archers : Et ne pourront en prendre aucuns, qui ne soient domiciliers, & non leurs domestiques. Et neantmoins seront
tenuz

tenuz auant que les receuoir, de les presenter à nos Baillifs & Seneschaux, ou leurs Lieutenans, pour estre informé d'office à la requeste des Substituts de nos Procureurs generaux, de la qualité, vie, & mœurs de ceux qu'ils voudront commettre ausdictes places d'archers, & fil y aura aucuns deniers desboursez pour y paruenir: dont lesdicts Archers serōt tenuz se purger par serment auant que d'estre receuz à l'exercice desdictes charges.

CLXXXIX.

V O U L O N S au surplus les Ordonnances faictes par les Roys nos predecesseurs touchant la iurisdiction & reiglement des Preuosts des Mareschaux: mesmes les Articles contenuz és Edicts faicts par feu nostre trescher Seigneur & frere, tant aux Estats tenuz à Orleans, que ceux faicts à Moulins & Amboyse, estre inuiolablemēt gardez & obseruez.

CXC.

D E F E N D O N S sur peine de la vie, à tous nos subiets, de quelque qualité qu'ils soient, excéder & outrager aucuns de nos Magistrats, Officiers, Huissiers ou Sergens, faisans, exerceans, & executans actes de Iu-

stice. Voulons que les coupables de tels crimes soient rigoureusement chastiez, sans espoir de misericorde, comme ayans directement attenté contre nostre auctorité & puissance. Faisons trefestroiçtes inhibitiōs & defenses à tous Princes, Seigneurs, & autres qui ont cest honneur d'approcher de nostre personne, faire aucune Requête, pour obtenir grace, pardon, ou remission pour lesdicts coupables. Et si par importunité aucune chose estoit accordée par nous ne voulons nos Iuges y auoir esgard, quelque iussion ou derogation que nous ferions cy apres à la presente Ordonnance.

CXC I.

V O U L O N S que les Ordonnances qui ont esté faictes, tant par les Roys nos predecesseurs, que par le feu Roy nostre trescher Seigneur & frere: mesmes par les Edicts faicts tant à Moulins que Amboise; cōtre ceux qui font *resistance* aux Iuges & Cōmissaires executeurs des Arrests & Iugemens souuerains, & tiendront fort dedās leurs maisons & chasteaux contre la Iustice, & decrets d'icelle, n'obeïssans aux commandemens qui leur seront faicts: soiēt entièrement & rigoureusement obserues & entretenues,

entretenues, sans que par nos Courts de Parlemens, ou autres Iuges, les peines contenues en iceux Edicts puissent estre moderées.

CXCII.

CE que semblablement voulons estre obserué contre les haults-iusticiers, qui souffrirôt ports d'armes, forces & violences estre faictes en leurs terres, seigneuries & Iustices, & n'en feront poursuites. Lesquels desapresent comme deslors nous déclarons priuez de leursdictes Iustices, qui seront vnies & incorporees à nostre domaine: & les Officiers, en cas de conniuece & dissimulation, priuez de leurs estats, sans esperance d'y pouuoir iamais estre remis.

CXCIII.

ET d'autant que plusieurs de nos subiects donnēt confort, aydēt & recelent les coupables, contre lesquels il y a decret pour crime & delict: mesmes que aucuns desdicts coupables se retirent à la suite d'aucuns seigneurs, qui sont pres de nostre personne, ou parmy nos Gardes, où les Sergens n'osent les apprehender, & executer les decrets de Iustice: Defendons à tous nos subiects, de quelque estat & qualité qu'ils soient, de re-

ceuoit ny receler aucuns accusez & pour-
fuiuis en Iustice pour crime & delict : ains
leur enioignōs de les mettre es mains de la-
dictē Iustice, sur peine d'estre punis de la
mesme peine que seroient les coupables.
Mandōs & enioignōs en outre aux capitai-
nes de nos gardes, Preuost de nostre hostel,
ou leurs Lieutenans, si tost qu'ils en seront
requis, interpellēz, ou aduertis, d'apprehē-
der tant lesdicts coupables, qui se retirerōt
à nostre suite, ou parmy nos Gardes, que
ceux qui les auront recelez & fauorisez,
pour estre punis selon la rigueur de nos Or-
donnances : sur peine de respondre en leur
propre & priuē nom des reparations, dom-
mages, & interests adiugez aux parties in-
teressees.

CXCIIII.

Nous voulons que les Edicts & ordon-
nances, faictes par les Roys nos predeces-
seurs pour les meurdres de guet à pend,
soient entierement gardees & obseruees,
tant contre les principaux auteurs, que
ceux qui les accompagneront, pour quel-
que occasion ou pretexte que lesdits meur-
dres puissent estre commis, soit pour ven-
ger querelle, ou autrement : & dont nous
n'entē-

n'entendons estre expedié Lettres de grace ou remission. Et où aucunes par importunité seroient octroyees, defendons à nos Iuges d'y auoir esgard, encores qu'elles fussent signees de nostre main, & cōtresignees par vn de nos Secretaires d'Estat.

CXC.V.

ET pour le regard des assassins, & ceux qui pour pris d'argent, ou autrement, se louent pour tuer, outrager, excéder aucuns, ou recourre prisonniers pour crime des mains de Iustice, ensemble ceux qui les auront louez ou induicts pour ce faire: Nous voulons la seule machination & attentat estre puny de peine de mort, encores que l'effect ne s'en soit ensuiuy: dont aussi n'entendons donner aucune grace ne remission. Et où aucune par importunité seroit octroyee, defendons à nos Iuges y auoir esgard, encores qu'elles fussent signees de nostre main, & contresignees par nos Secretaires d'Estat.

CXC.VI.

ET à fin d'empescher la frequence des meurdres & voleries qui se commettēt par les champs avec toute impunité: Nous enjoignons à tous haults-iusticiers, & leurs

officiers des lieux, où tels excez se commettront, ensemble aux habitans des plus prochains villages, de poursuiure en toute diligence, incontinent qu'ils auront cognoissance des malfaiçteurs, pour les apprehender & cōstituer prisonniers, si faire se peult. Sinon, faire diligēte perquisition & remarque de la façon de leurs habits, armes, cheuaux, & du lieu de leur retraite, dont sera fait procez verbal. Le tout sur peine ausdicts haults-iusticiers, de perdre les droicts de leur Iustice, & à leurs officiers de priuation de leurs estats, & aux habitans desdicts villages, de grosses amendes, applicables moitié à nous, & moitié aux excedez, ou leurs heritiers.

CXC VII.

ENIOIGNONS à tous habitans de villes, bourgs, & villages, faire tout deuoir de separer ceux qu'ils verrōt s'entrebatre avec espees, dagues, ou autres bastons offensifs, & d'apprehender & arrester les delinquans, pour les liurer és mains de Iustice.

CXC VIII.

ET par ce que nous auons esté aduertis, que plusieurs voleries, meurdres & assassinsats se commettent par les champs par personnes

sonnes masquez : Nous voulons qu'il leur soit couru sus par auctorité de Iustice, & avec les officiers d'icelle, en toute voye d'hostilité, & à son de toxin : & qu'estans apprehendez ils soient punis par les Iuges des lieux sans dissimulation.

CXCIX.

LES adresses de graces, pardons, & remissiōs obtenues par les personnes n'estans de noble condition, seront faiçtes aux Iuges ordinaires, ressortissans nuëment & immédiatement en nos Courts de Parlemens. Et quant aux Gentilshommes & officiers, voulons l'Edict d'Amboise estre inviolablement gardé.

CC.

NE sera par nous accordé aucun rappel de ban ou de galeres à ceux qui auront esté condamnez par Arrest de nos Courts souveraines. Et où par importunité, ou autrement, en seroient par nous accordez, avec clause d'adresse à autres Iuges, leur defendons d'y auoir aucun esgard, ne d'en entreprendre cognoissance, quelque attribution de Iurisdiction qui leur en puisse estre faiçte. Neâtmoins faisons defenses tres-estroitement à tous Capitaines de galeres, leurs

Lieutenans, & tous autres, de retenir ceux qui y seront conduicts, outre le temps porté par les Arrests ou Sentēces de condamnation, sur peine de priuatiō de leurs estats.

CCI.

LES Iuges Presidiaux cognoistront par cōcurrence & preuention des cas attribuez aux Preuosts des Mareschaux, Vibailifs, & Viseneschaux, & pourront instruire les procez, & les iuger en dernier ressort au nombre de sept, selon la forme portee par les Ordonnances: mesmes par celles faictes à Moulins, en l'an mil cinq cens soixante six.

CCII.

FAISONS inhibitions & defenses à toutes personnes, de quelque estat, sexe & condition qu'elles soient, d'exercer aucunes vsures, ou prester deniers à profit & interests, ou bailler marchandises à perte de finance, par eux ou par autres, encores que ce fust sous pretexte de commerce public: Et ce sur peine pour la premiere fois, d'amende honorable, bannissement, & condamnation de grosses amendes, dont le quart sera adiugé aux denōciateurs: & pour la seconde, de confiscation de corps & de biens. Ce que semblablement nous voulons

lons estre obserué contre les proxenetes, modiateurs, & entremetteurs de tels trafics & contractz illicites & reprouuez: sinon au cas qu'ils vinssent volontairement à reuelation. Auquel cas ils seront exempts de la dicté peine.

CCIII.

ENIOIGNONS à tous Iuges, Enquêteurs, Commissaires, Huissiers & Sergens, d'examiner les tesmoins, qui seront ouys és informations sur la pleine verité du fait tant de ce qui concerne la charge que descharge des accusez: ensemble enquerir desdicts tesmoins, s'ils sont parents alliez des parties, & en quel degré, ou domestiques & seruiteurs d'icelles, & en faire mention au commencement de leurs depositions: sur peine de nullité, & des despens, dommages & interests des parties, qu'elles pourront repeter sur ceux qui feront telles omissions.

CCIIII.

ORDONNONS que tous nos subiects, de quelque estat, qualité & condition qu'ils soient, qui se trouueront auoir impetré de nous dons de confiscations ou d'amendes au parauant le iugement de condamnation & adiudication, ou aucuns offices au para-

uant la vacation, & restats des comptes au parauant la closture d'iceux, soient priuez non seulement des choses donnees, mais aussi condamnez en vne amende de pareille valeur: & outre declarez indignes & incapables d'obtenir aucune chose de nous à l'aduenir: defendant à tous nos Iuges d'auoir aucun esgard ausdicts dons, & proceder contre les impetrans d'iceux suyuant la rigueur de nos Ordonnances, sans que les peines contenues en icelles puissent estre moderees.

CCV.

V O U L O N S que les Ordonnances, faites contre les Banqueroutiers, & ceux qui d'oleusement & frauduleusement font faillite ou cession de biens, soient gardees, & que telles tromperies publiques soient extraordinairement & exemplairement punies.

CCVI.

L E S grands iours se tiendront tous les ans aux prouinces plus lointaines de nos Parlemens, suyuant le departement qui en sera par nous fait, par le temps & espace de trois mois, & plus s'il y eschet. Ausquels grands iours seront tenez les Gouverneurs, nos Lieutenans generaux des prouinces,
auec

avec les Baillifs & Seneschaux d'icelles, assister en personne, pour tenir main forte à la Iustice & execution des Arrests.

CCVII.

ET sur la Requête qui nous a esté faicte par nos Estats, de faire reuoir les Ordonnances faictes par les Roys nos predecesseurs, aucunes desquelles ont esté reuocquées & abrogées, les autres ne s'obseruent: à la publication d'aucunes nos Courts souveraines ont adiousté certaines modifications cōtenues en leur Registre, incognues à nos subiects: Nous auons aduisé de compiler certains personnages pour recueillir & arrester lesdictes Ordonnances, & reduire par ordre en vn volume celles qui se trouueront vtils & necessaires: & pareillemēt rediger, reformer & esclarcir au mieux qu'il sera possible les Constitutions particulieres & locales de chacune prouince.

CCVIII.

CEPENDANT voulons, que les Ordonnances faictes tant par nous, que par les Roys nos predecesseurs, qui ont esté publiées en nos Courts de Parlemens, mesme-ment celles concernās le faict de la Iustice, & qui depuis n'ont esté reuocquées ny mo-

Q

derees , & ne le font par ces presentes :
signamment celles faictes par le feu Roy
nostre treshonoré Seigneur & frere à Or-
leans, Rouffillon, Moulins, & Amboise, in-
uiolablement estre gardees & obserues:
Enioignant à tous nos Iuges, Magistrats,
Officiers, & autres Iuges, tât des Seigneurs
Ecclesiastiques, que seculiers, de les garder
& faire garder exactemēt, tant és iugemens
des procez, que autrement, sans y contre-
uenir, ny s'en dispenser, ny moderer les pei-
nes contenues en icelles, pour quelque oc-
casion, & sous quelque pretexte que ce
soit, d'equité, ou autrement: Declarant les
Iugemens, Sentences, & Arrests qui seront
donnez contre la forme & teneur d'icelles,
nuls, & de nul effect & valeur. Et seront te-
nus nosdicts Iuges, Procureurs & officiers
des sieges inferieurs, à peine de priuation
de leurs Estats, de faire par chacun an re-
cueil de nos ordonnances mal obseruees en
leurs sieges, & les enuoyer en nos Cours de
Parlement de leur ressort & Procureurs ge-
neraux en icelles, avec memoires des occa-
sions dont telles faultes procederont, à fin
d'y estre par nosdictes Courts pourueu.

CCIX.

LES Maistres des Requestes ordinaires de nostre hostel feront leurs cheuauchees par toutes les prouinces de nostre Royau-
me, selon le departement qui à ces fins sera
faict par chacun an par nostre Garde des
seaux: auquel ils rapporteront leurs procé-
z verbaux des contrauentions, qu'ils trouue-
ront auoir esté faictes à nos Ordonnances,
& autres cas, qui meriteront punition &
correction.

Suppressions.

CCX.

NOUS desapresent reuocqué
& supprimé, reuocquons &
supprimons tous estats, tant
ordinaires que extraordinai-
res, de quelque qualité & con-
dition qu'ils soient, de Iudicature, ou autres
creez & erigez de nouveau, dont les Let-
tres d'erection & creation ne se trouueront
auoir esté verifiees en nos Courts de Parle-
ment, Chambres des Comptes, & Court
des Aydes.

Qij

CCXI.

ET quant à ceux qui ont esté erigez depuis le regne du Roy Henry nostre treshonoré Seigneur & pere, par Edicts verifiez en nosdictes Courts & Chambres des Comptes, les auons, vacation aduenant par mort, supprimez & supprimons : & neantmoins permettons aux prouinces, villes, & communautéz, qui se sentiront chargees & foullees desdicts estats, de les pouuoir faire supprimer desapresent, en les remboursant des deniers par eux actuellement payez, & qui sont entrez en nos finances sans fraude.

CCXII.

ET pour reduire le nombre effrené de nos Officiers, auons ordonné que les offices de Presidents, Maistres des Requestes, Conseillers, & autres nos Officiers de toutes nos Courts souueraines, seront supprimez, comme desapresent nous les supprimons, quand vacation en aduiendra cy apres, soit par mort, forfaiçture, & incompatibilité, iusques à ce qu'ils soient reduicts au nombre qui sensuit.

CCXIII.

ASÇAVOIR pour nostre Court de Parlement de Paris, au nombre de quatre Presidents,

fidents, seize maistres des Requestes, quarante Cōseillers clercs, y comprins les Presidents des Enquestes, & soixante Conseillers laics, y cōprins les Presidents, Conseillers & Commissaires des Requestes du Palais, nos deux Aduocats, & Procureur general, les Greffiers, Ciuil, Criminel, & des Presentations, les quatre Notaires & Secretaires de nostredicte Court, douze Huissiers, & vn payeur de leurs gaiges.

CCXIII.

P O V R nostre Court de Parlement de Thoulouze, au nombre de quatre Presidēs, dix Conseillers clercs, vingt quatre Conseillers laics, vn Aduocat & vn Procureur general, vn Greffier ciuil & Criminel, & huiet Huissiers.

CCXV.

P O V R nostre Court de Parlement de Bordeaux, au nombre de trois Presidents, six Conseillers clercs, & dixhuiet Conseillers laics, vn Aduocat & Procureur general pour nous, vn Greffier Ciuil & Criminel, & six Huissiers.

CCXVI.

P O V R nostre Court de Parlement de Bourgongne, au nombre de deux Presi-

dents, six Conseillers clerks, seize Conseillers laics, vn Aduocat, vn Procureur general, vn Greffier, & six Huissiers.

CCXVII.

Pour nostre Court de Parlement de Bretagne, au nombre de quatre Presidēts, qui est deux pour chacune seance, vn Aduocat, & vn Procureur general, qui seront François, huit Conseillers clerks, & vingt-quatre Conseillers laics, qui seront moitié François, moitié Bretons, vn Greffier, & dix Huissiers pour seruir aux deux seāces.

CCXVIII.

Pour nostre Court de Parlement de Rouen, trois Presidents, six Conseillers clerks, dixhui Conseillers laics, vn Aduocat, vn Procureur general, vn Greffier & six Huissiers.

CCXIX.

Pour nostre Court de Parlement de Dauphiné, deux Presidents, quatre Conseillers clerks, douze Conseillers laics, vn Aduocat, vn Procureur general, vn Greffier, & quatre Huissiers.

CCXX.

Pour nostre Court de Parlement de Prouence, trois Presidents, six Conseillers
clerks

clercs, dixhui& Conseillers laics, vn Aduocat, & nostre Procureur general, vn Greffier, & six Huissiers.

C C X X I.

P O U R le regard de nostre Grand Conseil, au nombre de deux Presidëts, & vingt-quatre Conseillers, qui est douze pour chacune seance, vn Aduocat, & vn Procureur general, vn Greffier, & hui& Huissiers. Lesquels Presidëts seront du nombre des Maistres des Requestes ordinaires de nostre hostel: & ne pourront demeurer Presidëts, quand ils se demettront desdicts offices de Maistres des Requestes,

C C X X I I.

P O U R nostre Court des Aydes à Paris, deux Presidents, douze Cōseillers, vn Aduocat, vn Procureur general, vn Greffier, & six Huissiers.

C C X X I I I.

E T pour celle de Montpellier, deux Presidents, six Generaux, vn Procureur pour nous, vn Greffier, & quatre Huissiers.

C C X X I I I I.

P A R E I L L E M E N T auons supprimé & supprimons, vacation aduenant par mort, forfaiture, ou incompatibilité, les Presi-

dents, Maistres, Correcteurs, & Auditeurs, & Huissiers de nos Chambres des Comptes, iusques à ce qu'ils soient reduicts au nombre qui s'ensuit.

CCXXV.

ASÇAVOIR pour celle de Paris, à quatre Presidëts, vingt Maistres des Comptes, quatre Correcteurs, & seize Auditeurs, nostre Procureur, vn Greffier, vn Garde de liures, & huiët Huissiers.

CCXXVI.

POVR Bretagne, à deux Presidents, huiët Maistres des Comptes, six Auditeurs, vn Procureur pour nous, vn Greffier, & quatre Huissiers.

CCXXVII.

POVR Dijon, à deux Presidents, huiët Maistres des Comptes, six Auditeurs, vn Procureur, vn Greffier, & quatre Huissiers.

CCXXVIII.

POVR Montpellier, à deux Presidents, six Maistres, six Auditeurs, vn Procureur, vn Greffier, & six Huissiers.

CCXXIX.

POVR la Chambre des Comptes de Dauphiné, à vn President, quatre Maistres rationaux, deux Auditeurs, vn Procureur
pour

pour nous, vn Greffier, & deux Huiffiers.

C C X X X.

P O U R nostre Chambre des Comptes & Court des Aydes & finances en Prouence, à deux Presidents, six maistres rationaux, quatre Auditeurs, vn Procureur pour nous, vn Greffier, & six Huiffiers.

C C X X X I.

E T quant à nostre Chambre des Comptes de Bloys, ensemble la Court des aydes establee à Montferrand, nous auons reserué à y pouruoir cy apres.

C C X X X I I.

E T pour le regard de nostre Court des Monnoyes, & Chambre du Thresor, nous en auons supprimé & supprimons les Officiers, iusques à ce qu'ils soient reduicts au nombre de deux Presidents seulemēt, huit Cōseillers Generaux desdictes monnoyes, vn Procureur pour nous, vn Greffier, & quatre Huiffiers, vacation aduenant comme dessus.

C C X X X I I I.

E T pour la Chambre du Thresor à six Conseillers, vn Procureur pour nous, vn Greffier, & quatre Huiffiers.

R

CCXXXIII.

AVQUEL nombre susdict nous entendons que lesdictes compaignies soiēt dorénavant reiglees & reduictes, sans que nous ny nos successeurs Roys les puissent en aucune sorte augmenter. Et si aucunes Lettres estoient cy apres par nous accordees en forme d'Edict, ou autrement, nous les auons declarees, & declaron nulles: defendōs à nostre amé & fcal Garde des seaux les seeller, & à nos Courts les verifier.

CCXXXV.

ET pour le regard des sieges Presidiaux, Nous auons aussi supprimé & supprimons par ces presentes, vacation aduenant par mort, forfaiture, ou autrement, les Conseillers, Huissiers, Audienciers, & autres nouvellement erigez esdicts sieges depuis l'erection qui en fut faicte par le feu Roy Henry nostredict Seigneur & pere, iusques à ce qu'ils soient reduicts au nombre de leur premiere erection & establissement: Que nous ne voulons estre aucunement accru ny augmenté: fors neantmoins, & excepté les offices de Conseillers clerks, qui ont esté creez esdicts sieges du temps du feu Roy Charles nostredict Seigneur & frere

frere, à la requeste du Clergé de nostre Royaume. Esquels sera pourueu de personnes de suffisance & qualité requise, suyuant l'Edict sur ce fait. Semblablement auons supprimé, aduenant vacation comme dessus, les sieges presidiaux cy deuant establis en aucuns sieges particuliers de nos Bailiffs & Seneschaux: & ordonné qu'il n'y aura qu'un siege presidial au principal siege, & ville capitale de chacun Bailliage & Seneschauce.

C C X X X V I.

P A R E I L L E M E N T auons supprimé & supprimons, comme dessus, les estats de Presidents presidiaux. Voulons neantmoins, qu'aduenant vacation auparauint ladiete suppression des estats de Lieutenans generaux en aucuns desdicts sieges, les Presidents presidiaux qui seront lors en iceux, seront pourueus desdicts estats de Lieutenans generaux, demeurant en ce cas l'estat de President supprimé.

C C X X X V I I.

E T pour ce qu'en plusieurs Bailliages & Seneschauces de nostre Royaume, il y a vn Lieutenant general, Lieutenant particulier, & Lieutenant Criminel de robbe

longue, Nous voulons qu'aduenant vacation de celuy de Lieutenant Criminel, il demeure supprimé, pour estre vny à l'estat de Lieutenant general, à fin qu'il ne demeure qu'un Lieutenant general, & vn particulier en chacun Bailliage & Seneschaucee: excepté toutefois les villes où il y a Parlement, & celles de Lyon, Poictiers, Orleans, Tours, Troyes, Ryon, Angers, Sens, & le Mans: esquelles les Lieutenans criminels demeureront, pour y estre exercez lesdicts estats, ainsi que par cy deuant.

CCXXXVIII.

AVONS aussi supprimé & supprimons, vacation aduenant comme dessus, tous les Conseillers creéz & establis és sieges subalternes des Bailliages, Seneschaucees, Vicomtez, Preuostez, & generallyment tous autres estats y establis, iusques à ce qu'ils soient reduicts au nombre qu'ils estoient à l'aduenement à la Couronne de nostredict seigneur & pere.

CCXXXIX.

ET quant à la suppression requise par les deputez du tiers Estat des sieges & iurisdicions des Iuges & Cōsuls par nous establis en plusieurs villes de nostre Royaume, ordonnons

dōnons que lesdicts sieges demeurerōt seulement és villes principales & capitales des prouinces de ce royaume, esquelles y a grād train & trafic de marchandise. Et à ceste fin enioignons à nos Procureurs generaux de nos Courts de Parlemens, de nous enuoyer les noms & nombre des villes, qui peuuent commodément porter lesdicts sieges & iurisdiction, pour y estre par apres plus particulièrement par nous pourueu. Et pour le regard de la suppression desdicts sieges aux autres villes, auons differé y pouruoir cy apres.

C C X L.

ET neantmoins nous auons desapresent supprimé & reuocqué l'establissement desdicts sieges, faict és villes inferieures, esquelles n'y a affluence de marchands : & auons renuoyé, & renuoyons les causes pēdantes & indecises esdicts sieges, pardeuant nos Iuges ordinaires des lieux. Ausquels nous enioignons de vuyder sommairement les procez de marchand à marchand, & pour faict de marchandise, sans tenir les parties en longueur de procez, ny les charger de plus grands frais, qu'elles eussent supporté pardeuant lesdicts Iuges & Consuls,

CCXLI.

PAREILLEMENT auons reuocqué & reuocquons les Edicts par cy deuant faicts, par lesquels les charges de Procureurs ont esté erigees en tiltres d'Offices formez, tant en nos Courts souueraines, que autres. Voulons à l'aduenir, quand il y aura lieu d'en receuoir, qu'il y soit pourueu de personnes capables, & de suffisance requise, comme au precedēt lesdicts Edicts. Entendons neantmoins que les Ordonnāces des Roys nos predecesseurs touchant la suppression desdictes charges & estats, & les reiglemens par cy deuant faicts pour la reduction du nombre desdicts Procureurs, soient entierement gardez & obseruez.

CCXLII.

ET quant aux Offices de nos finances, pour ce qu'il est bien requis d'aduiser à la reduction d'iceux, & autres, dont le nombre se trouue auiourd'huy si grand, que la meilleure partie de nostre reuenu, qui deuroit seruir à l'entretienement de nostre Estat, & subuention de nos affaires, se consomme au payemēt des gaiges d'Officiers: Nous meuz d'vn singulier desir de remettre les choses
de no-

de nostre Royaume au plus pres qu'il sera possible, de leur bon & pristin estat: Auons, quand vacation aduiendra par mort, forfai-
cture, ou incompatibilité, supprimé, & sup-
primós, les Offices de Thresoriers de Fran-
ce, Generaux de nos finances, iusques à ce
qu'ils soient reduicts à vn seul, qui fera l'e-
stat de Thresorier de Frâce, & General des
finances en chacun des dixneuf bureaux &
Generalitez de present establis. Lesquelles
nous voulons neantmoins, vacation adue-
nant de nos officiers, estre reduicts en dix-
sept, selon qu'elles estoient au temps du feu
Roy François premier nostre ayeul: qui
sont Paris, Chaalon, Amiës, Rouen, Caen,
Lyon, Ryon, Tours, Bourges, Poictiers,
Nantes, Tholoze, Montpellier, Bordeaux,
Bourgongne, Dauphiné, & Prouence.

CCXLIII.

ET quant aux Offices de Receueurs &
Contreroolleurs generaux de nosdictes fi-
nances, tant anciës que alternatifs, & Con-
treroollleurs generaux des rêtes de nos ho-
stels de ville de Paris & de Rouen, aduenât
aussi vacation d'iceux, comme dessus, de-
meureront supprimez, comme desapresent
nous les supprimons, iusques à ce qu'ils

soient reduicts à vn Receueur general, & vn Cōtreroolleur general en chacun bureau & hostel de ville.

CCXLIII.

Nous supprimons en semblable les Receueurs & Cōtreroolleurs generaux du taillon, vacation aduenant, comme dessus est dict, pour estre les deniers dudiect taillon receus par nos Receueurs generaux, & mis en vn coffre à part: duquel les Contreroolleurs generaux de nos finances, chacun en sa charge, aura vne clef, & en feront Registre separément, pour en estre apres les deniers mis és mains des Thresoriers ordinaires des guerres.

CCXLV.

Nous entendons aussi demeurer supprimer, vacation aduenant comme dessus, les Receueurs & Contreroolleurs de nos Aydes, tailles, & taillon, les Grenetier & Contreroolleurs generaux & particuliers des greniers à sel, & tous les Esleuz en chacune Election: ensemble tous autres Officiers, qui y peuuent auoir esté de nouueau erigez, iusques à ce qu'ils soient reduicts au nombre de leur premiere erection & establissement.

Nous

CCXLVI.

Nous auons en semblable, ladicte vacation aduenant comme dessus, supprimé les Elections, qui ont esté nouuellement créées, tant par le feu Roy Charles nostre trescher Seigneur & frere, que par nous: pour demeurer les villes, lieux & villages, desquels elles ont esté composees, aux mesmes Tableiers & elections, qu'elles faisoient au parauant. Semblablement les Chambres à sel, & Officiers d'icelles.

CCXLVII.

Nous entendons aussi estre compris en la presente suppression les Grands-Maistres des eauës & forests, par nous nouuellement erigez, pour estre lesdicts estats reduicts à vn seul office, vacation aduenant, comme dessus est dict. Semblablement les Receueurs des bois, selon qu'ils estoient du tēps de nostredit feu Seigneur & frere.

CCXLVIII.

Et quant aux offices de nostre gendarmerie, Nous auons semblablement supprimé, & supprimons, vacation aduenant cōme dessus est dict, les offices de Commissaires ordinaires des guerres, iusques à ce qu'ils soient reduicts à trente: les offices de

Contreroolleurs generaux des guerres, iusques à ce qu'ils soient reduicts à vn seul : les offices de Contreroolleurs prouinciaux, & Contreroolleurs ordinaires desdictes guerres, & les payeurs de compagnies de nostre gendarmerie, iusques à ce qu'ils soient reduits au nombre de trente Cōtreroollleurs, & trente payeurs: defendant tres-expressément à tous marchands faisans trafic de marchandises, de se faire pourueoir desdicts offices de payeurs de compagnies, sur peine de perdition d'iceux, & ausdicts payeurs de faire aucun trafic de marchandise.

CCXLIX.

Pour le regard des offices comptables de nostre maison, & autres qui sont à nostre suite, Nous auons aussi ordonné, que vacation aduenant, comme dessus est dict, de l'un des offices de Thresoriers des parties casuelles, de Thresoriers de nostre maison, Maistres de la Chambre aux deniers, de nos Argentiers, des Receueurs de nostre Escuirie, & des Contreroolleurs desdictes charges: Semblablement de l'un des offices de Thresoriers de nostre Venerie, & Faulconnerie,

des

des Thresoriers des menus affaires de nostre chambre, & des Thresoriers des offrandes, ils demeurent supprimez, comme nous les supprimons, iusques à ce qu'ils soient reduicts à vn seul pour chacune charge: ainsi qu'ils estoient lors du decez du feu Roy François nostre ayeul: Le semblable sera pour les offices de Thresoriers des deux cens Gentilshommes de nostre maison, des Payeurs de chacune compaignie de nos Gardes, & de la Preuosté de nostre hostel: lesquels demeureront aussi supprimez, comme nous les supprimons des à present, vacation aduenant, comme dessus est dict, iusques à ce qu'ils soient reduicts à vn seul pour chacune charge.

C C L.

N O V S entendons aussi, vacation aduenant des offices de Thresoriers de l'extraordinaire des guerres, & des Reparations, qu'ils demeurent supprimez, iusques à ce qu'ils soient reduicts selon qu'ils estoient à l'aduenement à la Couronne du feu Roy nostredict Seigneur & pere.

C C L I.

E T pour le regard des offices de nostre

Chancellerie, les Audienciers & Contre-
 roolleurs de la Chancellerie de France, se-
 ront aussi supprimez, comme nous les sup-
 primons des à present, vacation aduenant,
 ainsi que dessus est dict, iusques à ce qu'ils
 soient reduicts à vn seul officier de cha-
 cun estat.

CC LII.

NOUS entendons estre obserué le sem-
 blable és Chancelleries de Paris, Rouen,
 Thoulouze, Bordeaux, Bourgongne, Pro-
 uence, Daulphiné & Bretagne: Et en ceste
 presente suppression nous comprenons les
 Secretaires de nos finances & Greffiers de
 nostre Conseil, iusques à ce qu'ils soient
 reduicts selon qu'ils estoient lors du decez
 du feu Roy Henry nostre tref-honoré Sei-
 gneur & pere: les quarante Secretaires, qui
 ont esté nouuellement creez par nostredict
 Seigneur & frere le Roy Charles, vacation
 aduenant d'iceux, comme dessus est dict:
 ensemble les treize, qui se trouuent super-
 numeraires, & outre le nōbre de six vingts
 de l'ancien establissement du College de
 nos amez & feaux Notaires & Secretaires
 de la maison & Couronne de France, adue-
 nant aussi vacation d'iceux offices, comme
 dessus

dessus est dict: sans que par cy apres, lors de ladiete vacation, il puisse estre par nous pourueu, iusques à ce que ladiete reduction soit faicte.

CCLIII.

ET generalement voulons estre comprins en ceste presente suppression, tous offices de Iudicature, de Finance, Greffiers, Sergens, Collecteurs des tailles, Notaires, & Gardes-notes, & semblablement les Gardes des petits feaux, & autres qui se trouueront erigez de nouueau depuis le regne de nostrediect feu Seigneur & frere, iusques à ce qu'ils soient reduicts scõ qu'ils estoient lors du trespas du feu Roy François nostre ayeul: reseruez toutefois ceux, qui sont cy dessus particulierement declarez. Et où il aduiendroit, que par importunité, ou autrement, aucuns Edicts fussent cy apres expediez, cõtenans reſtabliſſemẽt desdicts offices, les auons desapresent declarez nuls. Et neantmoins aduenãt vacatiõ desdicts offices de Gardes des petits feaux, les droicts & emolumens anciens desdicts feaux, qu'on auoit accoustumẽ de prendre auparauãt l'erection desdicts estats, demeureront vnis & annexez à nostre domaine.

N'ENTENDANT toutefois empêcher pour cela la prouisiō des offices de nouvelle creation, dont les Ediēts ont esté ia publiez en aucunes de nos Courts, ausquels n'a esté encores pourueu. Ce que voulons estre fait de personnes suffisantes & capables, & procedé à leur reception: nō obstant & sans preiudice de nostre present Ediēt, pour apres, vacation aduenant, demeurer supprimez comme les autres.

A V O N S pareillement supprimé, & supprimons, comme dessus est diēt, vacation aduenant par mort, ou forfaiture, les offices d'Enquesteurs de tous les sieges de nostre Royaume, tant de l'ancienne que nouvelle creation.

De la Noblesse.

CCLVI.



ET pour ce que la principale force de nostre Couronne gist & consiste en nostre Noblesse, en la diminution de laquelle est l'affoiblissement de l'Estat: Nous voulons & entendons qu'elle soit conseruee & maintenue en ces anciens honneurs, droicts, franchises, & immunittez accoustumees.

CCLVII.

ET à ceste fin voulons estre gardeee l'Ordonnance faicte sur la remonstrance des Estats tenus à Orleans, cōtre ceux qui vsurperont faulxement, & contre verité, le nom & tiltre de Noblesse, prendront le nom d'Escuyer, ou porteront armoiries timbres. Lesquels nous entendons estre mulctez d'amēdes arbitraires par nos Iuges, à la diligence & poursuite de nos Procureurs chacun en son siege.

CCLVIII.

Les Roturiers, & non Nobles, achetans

fiefs nobles, ne seront pour ce annoblis, ny mis au rang & degré des Nobles, de quelque reuenu & valeur que soient les fiefs par eux acquis.

CCLIX.

N'ENTENDONS que par cy apres aucun soit reccu aux estats de Gentilshommes de nostre Chåbre, ou és compagnies des cent Gentilshommes, ny aux places de nos Maistres-d'hostel, Gentilshommes ser-uans, Escuyers d'Escuyrie, qu'ils ne soient Nobles de race. Et si aucuns s'en trouuent qui ne soient de ladiçte qualité, y sera par nous pourueu d'autres en leur place.

CCLX.

SEMBLABLEMENT auons defendu aux Capitaines de nos Gardes, de receuoir aux estats d'Archers de leurs compagnies, aucuns qui ne soient Gentilshommes, Capitaines, ou soldats signalez : & sans que lesdicts estats puissent estre vendus directement, ou indirectement.

CCLXI.

NVL ne pourra estre reccu aux estats de nostre Maison, fil n'a esté trois ans entiers de nos Ordonnances, ou Capitaine en chef de gens de pied.

ET

CCLXII.

ET à fin d'exciter & stimuler nostre Noblesse, & s'appliquer à l'estude des sciences requises & necessaires par esperance de paruenir aux honneurs & dignitez de nostre Royaume, pour le maniemment de nos affaires, & administration de la Iustice, dont nous les voulons & entendons gratifier cy apres, quand ils se trouueront suffisans & capables: Voulôs à la nomination qui nous sera faicte par nos Courts de Parlemens pour les estats d'icelles, entre les autres soit nommé vn de la Noblesse, fil s'en trouue de la qualité & suffisance requise par nos Ordonnances.

CCLXIII.

ET d'autant que les Offices de Baillifs & Seneschaux de nos prouinces, sont de ceux ausquels pour la grandeur de la charge où ils sont appelez, est tresnecessaire de pouruoir de personnage de respect: Ordōnons, que nul ne sera par cy apres pourueu ausdicts estats, qu'il ne soit de robbe courte, Gentilhomme de nom & d'armes, aagé de trente ans pour le moins, & qui au parauant n'ait commandé en l'estat de Capitaine, Lieutenant, Enseigne, ou Guidon de gen-

darmes de nos Ordonnances : lesquels offices ne pourront estre vendus directement ou indirectement , sur les peines des Ordonnances.

CCLXIII.

ET à fin qu'aux vacations qui aduiendront, nous puissions faire election de personages dignes & capables, Nous enioignons aux Gouverneurs, ou Lieutenans generaux de nos prouinces, de nous enuoyer vne liste des plus notables Seigneurs & Gentilshommes, ayans les susdictes qualitez, ensemble le nom, aage, & qualité de ceux, qui de present sont pourueuz desdicts estats.

CCLXV.

ET pour ce que plusieurs, qui ne sont de la qualité requise par nos Ordonnances, ont esté receus aux estats de Baillifs & Seneschaux de nos prouinces, Nous leur enioignons dedans vn an, pour toutes prefixions & delais, nous nommer personnes capables pour en estre pourueuz. Et à faulte de ce faire dedans ledict temps, & iceluy passé, Auôs déclaré & declarons desapresent leurs offices vacans.

NOSDICTS

CCLXVI.

NOS DICTS Baillifs & Seneschaux pourront, si bon leur semble, assister à tous Iugemens qui se donneront en leurs sieges, sans neantmoins y auoir voix ne opinion deliberatiue, ny pour ce pretendre aucun emolument. Tous lesquels Baillifs & Seneschaux seront tenus faire continuelle residence en leurs prouinces, suiuant nos Edicts: & en faisant leurs cheuauchees auoir l'œil, & tenir la main forte à la Iustice.

CCLXVII.

ET à fin que nous ayons moyen de recompenser nostre Noblesse, & que plusieurs se puissent ressentir de nos liberalitez & bienfaits, Nous auons déclaré, & déclarôs, que nous n'entendons par cy apres, que aucun, de quelque qualité ou condition que ce soit, puisse estre pourueu de deux estats, charges, & offices: mesmemēt aux estats de Grand-Maistre, Marechal, ou Admiral de France, Grand Chambellan, Grād-Maistre del'artillerie, General des galeres, Grād Escuyer, Colonel de gens de pied, Gouverneurs de prouinces: Lesquels nous auons déclaré & declarons incompatibles, ny pouoir estre tenus à l'aduenir conioinctement

par vne mesme personne, quelque dispense qui en puisse estre obtenue de nous.

CCLXVIII.

PAREILLEMENT ne pourront les Colonels, ou Maistres de Camp de gens de pied, General, ou Capitaines des galeres, auoir compaignie de gens-d'armes.

CCLXIX.

QUICONQUE sera pourueu d'office, ou couché en estat de nostre Maison, ne pourra estre en estat ou office d'aucun autre Prince, ou Seigneur, quel qu'il soit: Autrement sera l'estat & office, qu'il tient de nous, réputé vacant. Et desapresent entendons, que ceux qui en tiennent, soient contraincts opter l'un desdits estats dedans trois mois apres la publication de la presente Ordonnance.

CCLXX.

VACATION aduenant des estats de Mareschaux de France, Nous n'entendons y pourueoir, iusques à ce qu'ils soient reduicts au nombre de quatre, comme au parauant; la moitié desquels seront ordinairement pres nostre personne, & les autres feront les cheuauchees accoustumees. Et outre le serment qu'ils presteront en nos
mains,

maines, en les pouruoyant desdictes charges, feront autre serment en nostre Court de Parlement à Paris, ainsi qu'ils souloient faire par cy deuant.

CCLXXI.

LES Gouverneurs des prouinces de nostre Royaume seront reduicts à la forme ancienne au nombre de douze : & en chacun desdicts Gouvernemens n'y aura que vn Gouverneur & vn Lieutenant, excepté neantmoins nostre prouince de Normandie. Et auons reuocqué & reuocquons par ces presentes tous Gouverneurs, qui auront esté par cy deuant instituez ou commis aux villes particulieres de nostre Royaume, pour la necessité de la guerre pendans les troubles, quelque cōmission qu'ils en ayent de nous.

CCLXXII.

N'ENTENDONS dor en auant admettre plus aucunes resignations desdicts estats de Gouverneurs.

CCLXXIII.

SERONT tenus lesdicts Gouverneurs de resider en leurs Gouvernemens, & exercer en personne leurs estats, six mois de l'an pour le moins. Et quant aux Lieutenans,

feront continuelle residence, sans pouuoir partir desdictes prouinces, mesmes en l'absence du Gouverneur, sinon par nostre congé, & permission expresse.

CCLXXIIII.

V O U L O N S que les Ordōnances faictes par les Roys nos predecesseurs pour le reiglement du pouuoir & cognoissance des Gouverneurs de nos prouinces: mesmes l'Edict faict à Moulins par feu nostre trescher & tres-honoré seigneur & frere le Roy Charles, soit entieremēt gardé & obserué. Et en ce faisant auons declaré que lesdicts gouuerneurs ne peuuent, & leur defendons, donner aucunes lettres de grace, remission & pardon, foires, marchez, & legitimations, & autres semblables: d'euoquer les causes pendantes par deuāt les Iuges ordinaires, & leur interdire la cognoissance d'icelles, & s'entremettre aucunement du faict de la iustice: leur enioignans toutefois, où besoin seroit, de prester ayde & secours de force militaire à la iustice pour l'execution des sentences & iugemens de nosdicts Preuost de Paris, Baillifs & Seneschaux, & arrests de nos Parlemens: & tenir les pays à eulx commis en seureté, les garder

der de pilleries, visiter les places fortes, & nous aduertir des entreprises qu'on pourroit faire en nos Royaume, pays, & terres de nostre obeïssance qui sont de leurs gouuernemens.

CCLXXV.

S V I V A N T lesdictes Ordonnances defendons à tous nos Gouverneurs, Baillifs, Seneschaux, Thresoriers de France, & Generaux de nos finances, Esleuz, & autres quelsconques nos officiers, de leuer, ou faire leuer aucuns deniers en nos pays, terres, & seigneuries, sur les subiects d'icelles, quelque authorité qu'ils ayent, ou pour quelque cause que ce soit: Ne permettre que autres en leuent, soit en nom de particulier, ou de Communauté, sinon qu'ils ayent nos Lettres patentes precises & expresses pour cest effect, qui soient enregistrees aux Greffes des sieges principaux des lieux, où la leuee se fera: le tout à peine de confiscation de corps & de biens. Enioignant à nos Procureurs generaux, & leurs Substituts, d'auoir l'œil à ce que aucune leuee ne soit faicte: & de nous aduertir de ce qui sera faict au contraire, sur peine de priuation de leurs estats.

CCLXXVI.

NVL ne sera par nous pourueu des Capitaineries és places fortes de nostre Royaume, qu'il ne soit naturel François, cognu par longs seruices faiëts à nous, & à nos predecesseurs Roys. Et ne pourrôt lesdicts Capitaines desemparer lesdictes places, pour quelque cause que ce soit, sans nostre expres commandement. Defendant tres-expresslément de conuenir à pris d'argent, ny autre chose equipollent, pour se faire pouruoir desdictes Capitaineries, sur peine de priuation d'icelles par les pourueuz, & confiscation des deniers, ou autres choses equipollent, qui en auroient esté baillez.

CCLXXVII.

ADVENANT necessité de guerres, tous Gentils-hommes faisans profession des armes, seront tenuz de prendre les armes, & se rendre la part, où il leur sera par nous mandé, pour nous seruir, suiuant l'obligation de leurs fiefs, ainsi qu'il est porté par nos Ordonnances, à peine de priuation du tiltre de Noblesse, & de leurs fiefs.

CCLXXVIII.

DEFENDONS à tous Gentilshommes, & autres, de faire assemblee de gens, sous pretexte

pretexte de querelles particulieres, ou autres que ce soit, sur peine d'estre punis comme criminels de leze Maiesté, & perturbateurs du repos public de nostre Royaume. Enioignons à nos Gouverneurs, Lieutenans, Baillifs, & Seneschaux, de composer les querelles qui s'exciteront en leurs provinces, & de nous aduertir du deuoir qu'ils y auront fait, à fin d'y pouruoir.

CCLXXIX.

Nous voulons & entendons, que l'Ordonnance faicte au mois de Iuillet, mil cinq cens soixante six, pour l'erection des Duchez, Marquisats, & Comtez, & vnion à nostre Domaine, soit inuiolablement gardée, nonobstant toutes Lettres de iussion & derogation au contraire. Et seront tenus ceux, qui voudront obtenir de nous telles erections, aux charges & conditiōs de l'Ordonnāce, se purger preallablement par serment, si lesdictes terres sont subiettes à Fideicommiss ou Substitution, à peine de decheoir de nostre concession, & de priuation des autres fiefs qu'ils tiendront de nous: Ne voulans que nos Courts de Parlemens ayent aucun esgard aux Lettres de dispense qui pourroient estre par nous ac-

cordces au contraire du present Article.

CCLXXX.

DEFENDONS à tous Seigneurs, & autres, de quelque estat & qualité qu'ils soient d'exiger, prendre, ou permettre estre pris ou exigé sur leurs terres, & sur leurs hommes, ou autres, aucunes exactions indeuës par forme de tailles, aydes, creuës, ou autrement, & sous quelque couleur que ce soit, ou puisse estre, sinon es cas, desquels lesdicts subiects & autres seront tenus & redevables de droit, & où ils peuuent estre contraincts par Iustice: & ce sur peine d'estre punis selon la rigueur de nos Edicts & ordonnances, sans que les peines portees par icelles puissent estre moderees par nos Iuges.

CCLXXXI.

DEFENDONS aussi à tous Gentilshommes & Seigneurs, de contraindre leurs subiects, & autres, bailler leurs filles, niepces, ou pupilles, en mariage à leurs seruiteurs, ou autres, contre leur volonté, & la liberté qui doit estre en tels contracts: sur peine d'estre priuez du droit de Noblesse, & punis comme coupables de rapt. Ce que semblablement nous voulös aux mesmes peines estre obserué

obserué contre ceux qui abusent de nostre faueur par importunité, ou plustost subrepticement ont obtenui, ou obtiennent de nous Lettres de cachet, closes, ou patentes, en vertu desquelles ils font enleuer & sequestrer filles, icelles espousent, ou font espouser, contre le gré & vouloir de pere, mere, parents, tuteurs & curateurs.

CCLXXXII.

ABOLISSONS & interdisons tous peages & trauers nouvellement introduicts, & qui ne sont fondez en tiltre ou possession legitime. Et seront ceux, à qui lesdicts droicts de peages appartiennent, tenus entretenir en bonne & deuë reparation les ponts, chemins, & passages, & garder les Ordonnances, qui ont esté faictes par les Roys nos predecesseurs, tant pour la forme du payement desdicts droicts en deniers, que pour l'affiche & entretenement d'un tableau ou pancharte: le tout sur les peines portees par lesdictes Ordonnances, & de plus grieues, sil y eschet.

CCLXXXIII.

ET pour les continuelles plaintes, que nous auons de plusieurs Sieurs Gentilshommes, & autres de nostre Royaume, qui ont

trauailé & trauaillent leurs subiects, & habitans du plat pays où ils font residence, par contributions de deniers ou grains, coruees, ou autres semblables exactiōs indeuës: mesmes soubs la crainte des logis des gens de guerre, & mauuais traictement qu'ils leur font & font faire par leurs gēs & seruiteurs: enioignons à nos Baillifs & Seneschaux tenir la main à ce que aucuns de nosdicts subiects ne soient trauaillez, ne opprimez par la puissance & violence des Seigneurs Gentilshommes, ou autres. Ausquels defendons les intimider, menasser, ou excéder, par eux, ne autres, ny retirer & fauoriser ceux qui les auroient excédez: ains se comporter enuers eux modestement, poursuyure leurs droicts par les voyes ordinaires de la Iustice: sur peine d'estre declarez ignobles, roturiers, & priuez à iamais des droicts, qu'ils pourroient pretendre sur leurdicts subiects.

CCLXXXIIII.

PAREILLEMENT enioignons à nosdicts Procureurs faire informer diligemment & secrettement contre ceux qui de leur propre auctorité ont osté & soustrait les lettres, tiltres, & autres enseignemens, de leurs subiects, pour s'accommoder des
Com-

Cómunés dont ils iouyssoient au parauant, ou sous pretexte d'accord les ont forcez de se soumettre à l'aduis de telles personnes que bon leur a semblé, & en faire poursuite diligente. Declarant desapresent telles submissions, compromis, transactions, ou sentences arbitrales ainsi faictes, de nul effect.

CCLXXXV.

DEFENDONS pareillement aux Gentilshommes, & à tous autres, de chasser, soit à pied ou à cheual, avec chiens & oiseaux, sur les terres ensemées, depuis que le bled est en tuyau, & aux vignes depuis le premier iour de Mars iusques apres la despouille: à peine de tous dommages & interests des laboureurs & propriétaires, que les condamnerez feront cōtraincts payer, apres sommaire liquidation d'iceux faicte par nos Iuges: nonobstant oppositions ou appellations quelsconques, & sans preiudice d'icelles.

CCLXXXVI.

NOSTRE vouloir & intention est, de reduire le nombre des Compaignies des hommes d'armes de nos Ordonnances, & gens de pied, selon que nous aduiferons estre expedient pour le bien de nostre serui-
ce, & soulagement de nostre peuple: & ne

donner cy apres aucunes Compaignies de nos gens d'armes, sinon à Gentilshommes signalez, aagez de vingtcinq ans pour le moins, & qui au parauant auront esté Capitaines de Cheuaux-legers, ou Guidons, Enseignes de gens d'armes; ou qui auront esté gens d'armes, Cheuaux-legers, ou Capitaines de gens de pied, par le temps & espace de six ans continuels.

CCLXXXVII.

POVRONT neantmoins lesdictes Compaignies estre donnees aux Princes, qui auront attainct l'aage de dixhuiet ans, & non au parauant.

CCLXXXVIII.

ET quant aux Membres des Compaignies de nostre gendarmerie, ne pourront estre donnez que à Gentilshommes, qui nous auront faict seruice à nos ordonnances pour le moins trois ans continuels, ou esté Capitaines de Cheuaux-legers.

CCLXXXIX.

NE pourra aucun estre Gendarme, qu'il n'ait esté Archer, ou Cheual-leger vn an continuel: ny estre Archer, qu'il ne soit extraict de noble race.

CCXC.

CEUX qui auront abandonné leur Enseigne au combat, seront degradez des armes, & declarez ignobles, & comme roturiers, assis & imposez à la taille.

CCXCI.

NOUS voulons & entendons, que nostre Gendarmerie soit payee selon l'ordonnance faicte par le feu Roy Charles nostre trescher seigneur & frere, en l'an mil cinq cens soixante quatorze.

CCXCII.

TOUTES garnisons & rafraischissement de gendarmeries se feront és villes closes, & non au plat pays.

CCXCIII.

LA quatriéme partie de nostre gendarmerie tiendra garnison trois mois l'annee; Et y seront les Compaignies entieres & cōplettes, avec leurs Chefs & tous les membres, sans que aucun en puisse estre dispensé, sinon le Capitaine en chef, lors que par nostre commandement & permission expresse il sera pres de nostre personne, ou employé ailleurs à nostre service. Et quand ladicte quatriéme partie entrera en garnison, & aussi quand elle en sortira, elle fera monstre en armes: & pour les autres quar-

tiers en robbe seulement.

CCXCIII.

LES gens d'armes estans és garnisons, seront tenuz, tant pour exercer leurs personnes au faict des armes, que pour dresser leurs cheuaux au combat, courir la bague deux fois la sepmaine, & combattre à l'espee, armez des armes portees par les Ordonnances.

CCXCV.

NOS gens de guerre payeront raisonnablement de gré à gré ce qu'ils prendront, & se deffrayeront avec leurs valets & cheuaux de tout ce qui leur sera necessaire, tant en marchant par pays, que seiournans & residans en leurs garnisons, sans aucune exaction, foulle, ou oppression de nostre peuple.

CCXCVI.

ET à fin que nosdicts gens de guerre soient accōmodez de logis, viures & fourrages necessaires, nous voulons que nos hommes d'armes de nos Ordonnances marchans par pays en corps, où nos gens de pied, ayans à passer par pays, ou y seiourner, soient tenuz marcher, & se loger en troupe, le plus qu'il leur sera possible.

ET

CCXCVII.

ET seront tenuz les Capitaines d'aduer-
tir ceux qui seront deputez en chacune pro-
vince pour dresser estappes, & marquer
logis selon le nombre de la gendarmerie ou
infanterie, qui deura arriuer, à fin que les
viures leur soiēt fournis & baillez à pris rai-
sonnable & moderé.

CCXCVIII.

LES villages, esquels lesdictes Compai-
gnies de gens d'armes, ou gens de pied, au-
ront logé; seront recompensez ou soulagez
de ce qui sera aduisé à la contribution
des frais des estappes, & selon qu'il se trou-
uera estre raisonnable. Desquels frais sera
rendu compte de trois mois en trois mois
pardeuant les Iuges royaux, ou autres or-
dinares des lieux, appelez à ce les Maires,
Escheuins des villes, & vn député de cha-
cun bourg ou village, qui y auront contri-
bué. Lequel compte se rendra gratuite-
ment, & sans frais & salaires, tant pour l'au-
dition, que assistance.

CCXCIX.

ET à fin que nostre gendarmerie & in-
fanterie allant & seiournant par pays, n'ayēt
occasion de mal faire, nous enioignons

tresexpressément à tous nos Capitaines, tant d'hommes d'armes que de gēs de pied, de se tenir en leurs Compaignies, & ne s'en departir, esloigner, ny absenter, sans nostre expresse permission & licence. Auquel cas encores ils serōt tenuz de laisser leurs Lieutenans, pour empescher que aucun tort & outrage ne soit faict par leur Compaignie: & représenteront en iustice ceux de leurs gendarmes ou soldats, dont on leur fera plainte. Autrement, & à faulte de ce faire, seront en leurs propres & priuez noms responsables ciuilement des torts, excez & outrages faicts par ceux de leur Cōpaignie, qui ne comparoistrōt. Pour raison de quoy ils pourront estre appelez par deuant les Iuges des lieux, où lesdictes faultes auront esté commises.

ccc.

Tous Capitaines & gens de guerre, tant de pied que de cheual, n'entreront en aucuns Gouuernemens, Bailliages & Seneschaucees, sans preallablement en aduertir les Gouuerneurs, Baillifs, ou Seneschaulx des lieux, où ils voudront aller. Aufquels ils seront tenuz monstrier & exhiber leurs Commissions, à fin de leur faire
bailler

bailler vn Commissaire pour les conduire sans aucun seiour, à cinq ou six lieues par iour, par le plus droict chemin tirant où ils auront commandement d'aller, sans faire autre fouldie, rançonnement, ou extorsion au peuple : dont lesdicts Capitaines & Commissaires en respondront ciuilement. Et seront lesdicts Capitaines tenuz bailler par escrit leurs noms à leurs hostes, en tous les logis qu'ils feront : voulans que s'ils changent, ou desguisent leurs noms, ils soient punis de mort.

CCCCI.

NE seiourneront lesdicts gens de guerre, que vne nuit aux villages qui leur seront baillez pour loger, sans qu'il soit permis ausdicts gens de guerre vaguer & s'escarter de village en village, pour mal faire, & piller le pauvre peuple : sur peine d'estre pendus & estranglez.

CCCCII.

FERA ledict Commissaire, auant que partir du lieu où logeront lesdicts gens de guerre, venir deuant luy par chacun iour tous les habitans du lieu où ils auront logé, pour receuoir toutes les plaintes. Et s'il se trouue que les soldats ayent fait quelque

exaction & violence, ou indeuë despense, lediēt Commissaire en fera faire la raison sur le champ par le Capitaine, à ceux qui auront esté endommagez ou offensez. Et où lediēt Capitaine ne le voudroit faire, lediēt Cōmissaire enuoyra toutes les plaintes, & les noms des soldats qui auront fait le mal, au premier Baillif, Seneschal, Preuost des Mareschaux, ou autres Iuges, qui se trouueront és villes & lieux plus proches où ils passeront. Et enioindra au Capitaine de mettre entre leurs mains lesdiēts soldats qui auront mal fait.

CCCCII.

LES Compaignies de gens de pied tiendront rang en marchant par pays, & marcheront le tabourin sonnant, & enseigne desployee: Defendant sur peine de la vie, ausdiēts soldats de s'absenter, esloigner & destourner desdiētes compaignies, sans expresse permission & congé signé de leurs Capitaines, ou de leurs Lieutenans.

CCCCIII.

ET à fin que les Compaignies de nostre Gendarmerie, pour aller à leur monstre, ne soient contrainctes de trauerfer d'un pays à autre, qui vient à la grand' foule de nostre peuple,

peuple, Nous voulons que les monstres desdictes Compaignies soient faictes és lieux les plus propres, commodés, & proches de la demeure des Capitaines, & du plus grand nombre de gendarmes. Et à ceste fin enioignons ausdicts Capitaines de faire & composer leursdictes Compaignies de Gentilshommes de leurs prouinces, & des circonuoisins, au plus grand nombre que faire se pourra.

CCC V.

Tous Chefs & membres de Compaignies, tant de gens à cheual que à pied, qui se trouueront auoir prins, exigé, & extorqué deniers, pour ne loger és maisons & villages, seront punis de mort, sans esperance de grace, pardon & remission. Et si par importunité, ou autrement, leur en estoient par nous accordees Lettres, defendons tres-expressément à nostre trescher & feal Garde de nos seaux de les sceller, & à nos Iuges d'y auoir esgard.

CCC VI.

Nous voulons que de toutes les contrauentions faictes à nos Ordonnances par Capitaines, Lieutenans, Guidons, Enseignes, Maréchaux des logis, gendarmes, sol-

dats, Fourriers, Trompettes, soit de gens de cheval, ou de pied, nos Iuges ordinaires des lieux, ou autres, puissent concurremment, ou par preuention, avec les Preuoists des Mareschaux, cognoistre sans estre tenus d'en faire renuoy. Et pourront tels crimes estre iugez par nos Iuges Presidiaux en souueraineté, & sans appel, selon les formes prescrites par l'ordonnance faicte à Moulins.

CCCVII.

ET à fin que nos Compaignies de gens de pied soient fournies & mieux completes, qu'elles n'ont esté par le passé, Nous ordonnons que le payement desdictes Compaignies sera faict particulieremēt à la Banque à chacun soldat, & sans que les deniers puissent estre mis és mains de leurs Chefs & Capitaines.

CCCVIII.

ET pour mieux obuier aux fraudes, qui se font ordinairement aux Monstres des gens de guerre, Nous voulons que les monstres des gens de pied d'une mesme garnison, ou estans en vne armee, ou vn siege, se facēt dores-en-auant en vn mesme iour & mesme heure, & que les Maires, ou Escheuins

uins des lieux, où lesdictes monstres se feront, y assistent pour veoir & contrerooller ceux qu'on pourroit supposer: & que les passeuolans, & ceux qui se trouueront auoir presté ou desguisé leur nom, soient punis de mort, & les armes confisquées. Et demeureront les Roolles de ceux qui se seront trouuez ausdictes monstres, au Greffe du lieu, pour y auoir recours quand besoin sera.

CCCIX.

DEFENDONS trefexpressément aux Capitaines & soldats des Compaignies de gens de pied, de prendre aucuns cheuaux, iuments, bœufs, mulets, ou asnes, pour faire porter leurs bagages. Et sil se trouuoit aucunes charrettes auoir esté prinſes & emmenees par force, permettons à tous de les faisir & arrester, pour les faire rendre & deliurer à ceux ausquels elles appartiendront. Et enioignons à nosdicts Officiers, à la premiere denonciation qui leur en sera faicte, d'y faire tout le deuoir qui sera requis. Pour lequel effect leur pourront faire courir sus, & les pourſuiure à son de toxin, si autrement ils ne les peuuent apprehender.

CCCX.

DEFENDONS à toutes personnes, sur

peine de la vie, d'aller à la suite des Compaignies de gens de guerre, soit pour y viure à leur adueu, ou acheter d'eux butin, & autre chose.

CCCXI.

ENIOIGNONS non seulement aux Preuosts des Mareschaux, & leurs Lieutenans, mais aussi à nos Iuges ordinaires, de chasser les filles de ioye, s'il s'en trouue à la suite desdictes Compaignies, & les chastier de peine de fouët: & pareillement les Goujats, au cas qu'il s'en trouue plus d'un pour trois soldats. Et à ceste fin sera tenu le Fourrier de la Compaignie auoir les noms par escrit desdicts Goujats, pour les faire chasser à peine du fouët pour la premiere fois: & s'ils y retournent, estre pendus & estranglez, sans autre forme ne figure de procez.

CCCXII.

ET à fin que nous puissions faire estat certain du nombre des soldats, qui seront à nostre seruice, nous voulons que les Compaignies de gens de pied ne puissent estre moindres, ne plus grandes, que de trois cens hommes.

CCCXIII.

L'OCCASION s'offrât cy apres de nouuelle

uelle leuee, ou creuës de gens de pied, les Commissiõs seront par nous baillees à Capitaines cognus, versez & experimentez au faiët de la guerre: & lesquels serõt tenus faire la leuee en personne, sans bailler à qui que ce soit, copie de leursdictes Commissiõs: ce que nous leur defendons sur peine de la vie. Et ne pourront, sur la mesme peine, faire battre & sonner le tabourin pour leurs Compaignies, qu'ils n'ayent premierement presenté leurs Commissiõs aux Gouverneurs, ou nos Lieutenans generaux, Baillifs ou Seneschaux des pays, pour icelles faire enregistrer: Et ce faiët, leur bailler vn Commissaire pour assister, tant à la leuee, que conduicte hors le Bailliage ou Seneschaucee, à fin de les faire diligenter, pour se rendre promptement la part où il leur aura esté par nous commadé, & empescher le seiour desdicts Capitaines, qui ne pourra estre pour l'effect de ladicte leuee, que de quinze iours en chacune prouince. Et apres la leuee qu'ils auront faiëte, seront les Capitaines tenus bailler les noms, surnoms & demeurances des gens par eux leuez, pour estre enregistrerz és Greffes des sieges ordinaires.

ET où aucuns Capitaines, sans nostre commission ou charge, ains de leur auctorité priuee, & sans auoir gardé la forme susdicté, fongeront de leuer Compaignies, ou faire des creuës en nostre Royaume, & tiendroient sous ce faux pretexte la campagne: commandons à nos Gouverneurs & Lieutenans, Baillifs & Seneschaux, Preuosts des Mareschaulx, de leur courir sus, les tailler en pieces, & faire pendre & estrangler, sans forme ne figure de procez, tous ceux qu'ils pourront prendre & apprehender en tels actes.

AV surplus voulons les Ordonnances faictes par nostre tref-honoré Seigneur & pere le Roy Henry, en l'an cinq cens quarante neuf, & par feu aussi nostre tref-cher seigneur & frere le Roy Charles, en l'an cinq cens soixante quatorze, pour la discipline militaire, & reiglement des gens de guerre, estre inuiolablement gardees, & obserues de poinct en poinct, selon leur forme & teneur.

NOUS voulons les Ordonnances des
Rois

Roy nos predecesseurs, faictes pour le Ban & Arriereban de nostre Royaume, estre gardees selon leur forme & teneur.

CCCXVII.

AVONS supprimé & supprimons, l'estat de Capitaine general de l'Arriereban, sans que par cy apres aucun en puisse estre pourueu. Et sera aux occasions qui se presenteront pour la conduite generale dudit Ban & Arriereban par nous choisy personnage capable & digne de telle charge, tant que la necessité durera seulement : & sans que par apres il puisse prendre qualité de Capitaine general dudit Arriereban, & estre tiré en consequence.

CCCXVIII.

EN la place des Gentilshommes, qui pour legitime empeschement ne pourront servir en personne à nostre Ban & Arriereban, ou qui par faulte d'equipage ou suffisance en auroient esté cassez, seront mis & subrogez autres Gentilshommes de la mesme province.

CCCXIX.

SI le Baillif ou Seneschal pour quelque legitime empeschement ne peult conduire ledict Ban & Arriereban, les Nobles du

ressort esliront en sa place vn Chef aux
mesmes honneurs & gaiges, que ledict Bail-
lif ou Seneschal.

CCCCX.

Nous voulons, que dores-en-auant les
comptes des deniers leuez pour le Ban &
Arriereban, soient rendus par deuant nos
Baillifs, Seneschaux, ou leurs Lieutenans,
& quatre Gentilshommes du ressort, en la
presence de nostre Procureur : sans que
ceux, qui auront manié lesdicts deniers,
puissent estre contraincts les rendre ailleurs.
Et où il se trouuera par la closture & yssue
desdicts comptes quelque reste, en sera
faict restitution à la Noblesse du ressort,
sans que nous en puissions faire don, ny les
commuer en autres vsages.

CCCCXI.

Et sur la plainte qui nous a esté faicte par
lesdicts Estats, du desordre qui est à la suite
de nostre Court, pour le grand nombre de
gens qui s'y retirent: Nous voulons & or-
donnons, que suiuant l'Ordonnance faicte
par le feu Roy Charles nostre trescher
Sieur & frere, à Villiers Costerets, le vingt-
neuſieme iour de Decembre, Mil cinq cens
soixante-dix, Que le premier de nos Mai-
stres

stres d'hostel, qui sera en quartier, fera bail-
ler par escrit les noms & surnoms de tous
nos domestiques, commensaux, & autres,
qui sont sous sa charge, à nostre Grand
Preuost general de France, & de nostre ho-
stel, ou son Lieutenant.

CCCCXII.

LE semblable feront les Maistres d'ho-
stels de nostre treshonoree Dame & mere
la Royne, de nostre treschere & tresamee
compaigne la Royne, de nos treschers &
tresamez frere & sœur, de tous les Princes,
Seigneurs, & autres estans à nostre suite, de
tous leurs seruiteurs domestiques & com-
mensaux, qui sont necessaires pour leur ser-
uice, & non autres : dont ils feront vn rool-
le, où seront escrits les noms, surnoms &
qualitez de leursdicts seruiteurs, qu'ils met-
tront au Greffe de ladiete Preuosté dedans
vingt-quatre heures apres la publication de
ces presentes. Outre lequel nombre ils ne
pourront auoir ne retirer à leur train & sui-
te aucun autre, de quelque qualité qu'il soit,
sur peine d'en respondre.

CCCCXIII.

CEUX qui seront mandez venir parde-
uers nous, ou qui auront à poursuiure au-

cunes expeditions, tant enuers nous, nostre Conseil priué, Chancellerie, aucuns Princes, Seigneurs, & autres de nostre suite, deux iours apres qu'ils seront arriuez, ils iront se faire inscrire au Registre du Greffe de ladite Preuosté de nostre hostel: & poursuivront leurs expeditions le plus diligemment qu'ils pourront. Et le mesme iour, ou le lendemain qu'ils seront expediez, se retireront, sans faire aucun seiour en nostredite suite.

CCCCXIII.

Tous sollicitours, clerks, & autres gens suiuanz nostredite Court & Chancellerie, qui sont sans adueu, & n'ont maistres, les seruans domestiquement: Aussi tous autres vagabonds, dedans ledict temps de vingt-quatre heures apres la publication de celledictes presentes, deslogeront & vuyderont de nostredite Court & suite, à peine du fouët.

CCCCXV.

Aucuns Gentilshommes, & autres estans à nostre suite, & desdicts Princes & Seigneurs, ne pourront aduouër autres que leurs gens & seruiteurs, à peine de faulx, & d'amende arbitraire.

DEFEN-

CCCCXXVI.

DEFENDONS à tous sommeliers & pouruoyeurs, tant nostres que autres, d'enleuer aucuns bleds, vins, & autres viures sur nos subiects, sans payer comptant ce qu'ils enleueront.

CCCCXXVII.

NOUS voulons & ordonnons, que és lieux où nous seiournerons, les bultins qui seront baillez par nos Mareſchaux des logis pour loger aux villages circonuoifins, ſoiēt ſignez deſdicts Mareſchaux, contenant le nombre des perſonnes & cheuaux qu'ils enuoyeront en chacun endroit.

CCCCXXVIII.

SVIVANT leſquels bultins, ſi ceux qu'ils logeront, ſe departent ſans ſatisfaire leurs hoſtes, leſdicts Mareſchaux des logis ſeront tenus les representer pardeuant le Grand Preuoſt de noſtre hoſtel, pour les condamner & contraindre payer promptement, & par corps, ce qu'ils deurent, & n'aurōt payé. Et à faute de les representer par leſdicts Mareſchaux des logis, ils en ſeront eux meſmes reſponſables en leurs propres & priuez noms.

Domaine.

CCCXXIX.



V OULONS que les Edicts faits par les Roys nos predecesseurs pour la conseruation du Domaine de nostre Couronne: Mesmes celuy faict par le feu Roy Charles nostre trescher Seigneur & frere, l'an mil cinq cens soixante-six, contenant les reigles & maximes anciennes de nostredict Domaine, estre exactement & inuiolablement gardez & obseruez. Enioignons à nos Procureurs generaux, & à leurs substituts, d'empescher les contrauentions, si aucunes se faisoient, à peine de priuation de leurs estats.

CCCCXX.

LE douaire des Roynes douairieres de France ne pourra à l'aduenir estre constitué en terres, sinon iusques à la valeur de trois mil trois cens trente-trois escus sol de reuenue annuel, portant tiltre de Duché ou Cōté: & le surplus desdicts douaires, & de leurs autres conuentions matrimoniales, sera assigné

signé

signé sur les Aydes, tailles, & equiualeus, & autres deniers extraordinaires, à les prendre par les mains des Receueurs d'iceux.

CCCCXXI.

· E s alienations, & delaissemens des terres de nostre Domaine, à quelque tiltre que ce soit, ne pourra par cy apres estre fait par nous ny par nos successeurs Roys, aucune cession des droicts de nomination des offices extraordinaires desdictes terres, ny semblablement des autres droicts Royaux dependans de nostre Couronne, comme y estans inseparablement vnis & annexez. Defendons à nos Courts de Parlemens & Chambres des Comptes, d'auoir aucun esgard aux lettres, qui en pourrôt par cy apres estre expedies.

CCCCXXII.

ET à fin de remettre & reünir nostre Domaine en son ancien estat, suyuant la requisition qui nous en a esté faite par nosdicts Estats, Auons reuocqué & reuocquons les ventes, cessions, transports, & engaigemens imaginaires & simulez, & dont les deniers ne sont tournez à nostre profit, ny de nos predecesseurs Roys: Semblablement les dons faits par nous & nos-

dicts predecesseurs des membres du Domaine de nostre Couronne, soit que lesdicts dons ayent esté faicts pour recôpense, remuneration de seruices, assignation de pensions, ou gaiges, faueur, grace, biens-faicts ou autrement, en quelque maniere, pour quelque temps, & à quelque personne que ce soit. Et icelles parts & portions auons reünies & incorporees au principal corps de nostre Domaine: nonobstât toutes verifications faictes en nos Courts de Parlemens, & Chambres des comptes. N'entendons neantmoins comprendre en la presente reuocation les concessions & delaissemens faicts, tant à tiltre d'appennage, que de douaire, & assignatiõ de deniers dotaux à la Roynne nostre treshonoree Dame & mere, nostre trescher & trefamé frere le Duc d'Anjou, nos trescheres & trefamees belles-sœurs les Roynes douairieres de France, nostre treschere & trefamee sœur la Roynne de Nauarre, nostre treschere & amee tante la feuë Duchesse de Ferrare, & nostre treschere & bien amee sœur la Duchesse de Montmorency. Voulans que pour l'aduenir l'Ordonnance faicte par le feu Roy Charles nostre trescher seigneur

gneur & frere sur le faict du Domaine, soit gardee & obseruee: Et mesmemēt que les douairieres de nostre royaume ne iouissent de leur douaire en terres & domaine: mais que demeurant la possession du Domaine à nos successeurs, elles perçoient ce qu'elles deurent auoir de leurdict douaire par les mains des Fermiers. En quoy faisant leur sera neātmoins laissé vn Chasteau ou Maison pour leur demeure, selon qu'il se trouuera plus commode. Et pour la seurreté du payement des deniers, qui seront à prendre des mains d'iceux Fermiers, ils s'obligeront par corps enuers lesdictes douairieres, & bailleront bonne & suffisante caution de les payer de terme en terme.

CCCCXXIII.

ET quant aux terres du Domaine de nostre Couronne, qui ont esté alienees pour la necessité des guerres, à deniers cōptans, en vertu des Lettres verifiees en nos Courts de Parlemens, seront à la diligence de nos Thresoriers generaux, & Procureurs sur les lieux, baillez à ferme iudiciairement, aux plus offrans & derniers encherisseurs: les solennitez en tel cas requises, obseruees, & selon les instructions qui en seront plus

amment dressées & enuoyées à nosdits officiers. Sur le pris desquelles fermes serōt lesdits acquereurs preallablemēt payez de l'interest & rente des deniers, qu'ils verifirōt, & serōt deuēmēt apparoir auoir fournis, & estre entrez actuellement en nos finances, sans fraude ou desguisement: à sçauoir, à raison du denier dix pour ce qui est situé en nostre pays & Duché de Normandie, & du denier douze pour les autres prouinces de nostre Royaume. Et ce par les mains des Fermiers adiudicataires, qui en demeureront specialement obligez envers lesdits acquereurs: lesquels neantmoins ne pourront par cy apres faire exercer la Iustice en leurs noms, ny pretendre aucun droit de prouision de benefices ou offices dependans desdictes terres. Et le surplus des deniers reuenans bons desdictes Fermes, sera employé au rachapt de nostredict Domaine, & remboursement des acquereurs d'iceluy.

C C C X X X I I I I.

E T quant aux terres de nostre Domaine, qui ont esté engages ou alienees pour seurété des deniers pretenduz nous auoir esté prestez & fournis, ou à nos predecesseurs
R o y s,

Roy, seront faiscs, & mises en nos mains, & baillées à ferme en la forme susdicté : sauf à pourueoir aux detenteurs de leur remboursement, ou rente au denier douze, de ce qu'ils verifient, & feront apparoir leur estre bien & loyaument deu, par pieces, contracts, & obligations, qu'ils seront tenus à ceste fin mettre pardeuers nos Procureurs generaux. Et en cas que les detenteurs dudiect Domaine monstrent promptement les contracts des prests, ou alienations à eux faictes pour deniers par eux desboursez, Nous voulons que pendant la cognoissance & discussiõ de la debte, si elle est tournée à nostre profit, ou non, lesdicts detenteurs soient payez du profit desdicts deniers en la maniere que dessus.

C C C X X X V.

A V O N S reuocqué, & reuocquons toutes pensions, qui sont de present assignees sur nos Receptes generales: & les auons remises & transferees sur nostre Espargne, pour estre payees & acquittees à la fin de l'annee, selon la nature d'icelles.

C C C X X X V I.

E T à fin que suiuant les Remonstrances à nous faictes par nosdicts Estats, soit pour-

ueu à la diminution , degradation , & ruine de nos Forests, prouenans principalement des chauffages , dont plusieurs de nos subiects iouyssent en vertu des dons à eux faicts , tant par nous que nos predecesseurs Roys: Auons reuocqué & reuocquons tous & chacuns lesdicts chauffages , qui ont esté concedes & accordez gratuitement depuis le regne du feu Roy François nostre tres-honoré Seigneur & ayeul , à quelques personnes , & pour quelque temps que ce soit. Defendans aux Grands-maistres , Enquesteurs , & Generaux Reformateurs de nos eaux & forests, leurs Lieutenans, & Maistres particuliers, de faire aucune deliurance desdicts chauffages à l'aduenir, encores que les Lettres de don ayent esté verifiees en nos Courts de Parlemens & Chambre des comptes : sur peine d'en respondre en leurs propres & priuez noms. Et si aucunes Lettres de don par cy apres en estoient par nous accordees, n'entendons que nos officiers y ayent aucun esgard.

CCCCXXVII.

NE voulons aussi à l'aduenir estre faicts aucuns dons des bois de nos Forests , ou deniers procedans de la vente d'iceux , à quelque

quelque personne que ce soit: ny semblablement estre faict vente & coupe par pied de nosdicts bois. Defendans à nos officiers, tant de nos Courts souueraines, que autres, d'auoir esgard aux Lettres, qui au contraire en pourroient estre cy apres expediees.

C C C X X X V I I I.

D E F E N D O N S aussi ausdicts Grands-Maistres, leurs Lieutenans, & Maistres particuliers, d'executer aucunes Commissions pour la vente des bois de haulte fustaye, tant de ceux qui sont de present de nostre Domaine, que celles qui sont és terres baillees en appennage, douaires, vsufroidts & engagemens, ou celles qui appartiennent aux Ecclesiastiques, sans que lesdictes Commissions ayent esté verifiees en nosdicts Parlemens & Chambre des comptes, sur peine de priuation de leurs estats. Voulons au surplus, qu'il soit informé, à la diligence de nos Procureurs generaux, ou de leurs Substituts, contre nos Officiers qui auront procedé à la vente d'aucuns desdicts bois cõtre les formes cy dessus prescrites, pour en auoir repetition contre eux des deniers qui en seront prouenus, en leurs propres & priuez noms, sur tous & chacũs leurs biens,

& de l'interest & dommage où sera faicte ladiete vente & coupe: laquelle nous auons aussi declaree acquise à nous au peril & perte des acquereurs & adjudicataires.

CCCCXXIX.

SERONT lesdicts Grands-maistres, leurs Lieutenans, & Maistres particuliers, tenuz enuoyer par chacun an à nostre trescher & feal Garde des sceaux, ensemble aux officiers des sieges de la Table de marbre, vn estat de toutes les ventes de bois de haulte fustaye, tant ordinaires que extraordinaires, qui auront esté faictes en leurs departemens, par qui, & en vertu de quel pouuoir elles auront esté faictes: sur peine de radiation du dernier quartier de leurs gaiges.

CCCCXL.

NOUS voulons, que ceux qui se pretēdront auoir esté greuez par les Iugemens des Commissaires, deputez tant par le feu Roy Henry nostre treshonoré Seigneur & pere, que par nos treschers freres, les Roys François second, & Charles, & par nous depuis nostre aduenement à la Couronne, pour le faict des terres vaines & vagues, landes, marais, pastis, & communes, se puissent pouruoir par la voye ordinaire d'appel

d'appel contre lesdicts Iugemens: sans preiudice des fins de non receuoir, sur lesquelles sera preallablement fait droit.

CCCXLI.

EN attendant que nous puissions pouruoir à la diminution & reduction de nos tailles, creuës, aydes, & subsides, & les remettre en quelque meilleur ordre & estat: nous enioignons à tous nos officiers, & autres, qui ont, & auront la charge de faire l'assiette & departement de nos tailles sur nos subiects, proceder avec toute egalité au soulagement des pauvres, sans y apporter aucune faueur, ne permettre que autres que ceux qui doiuent assister à ladicte assiette, y soiēt presens, & employer à la fin des Roolles les exempts pretendus en leurs paroisses, & la cause de leur exemption: sur peine de s'en prendre ausdicts assicteurs en leur propre nom.

CCCXLII.

LES officiers de nostre maison, & ceux de la Royne nostre treshonoree Dame & mere, de nostre treschere & tresamee compaignela Royne, de nos treschers & tresamez freres & sœur, le Duc d'Anjou, Roy & Royne de Nauarre, de nos trescheres &

tresamees belles-sœurs, les Roynes d'Escoffe, & Ysabel, douairieres de France, ne seront exempts de la contribution de nos tailles, fils ne sont couchez és estats des domestiques & ordinaires aux gaiges pour le moins de vingt escus, & seruans actuellement : dont les Thresoriers bailleront certification signee d'eux, & sans fraude, à peine de s'en prendre à eux.

CCCXLIII.

ET au regard des officiers de defunctes nos tres-honorees & tres-amees tantes les Duchesses de Ferrare, & Sauoye, ne iouyront de ladiète exemption : sinon ceux qui estoient couchez en leurs estats, aux gaiges que dessus, & les seruoient actuellement lors de leur decez.

CCCXLIII.

EN semblable ne pourront les Officiers de nos Monnoyes pretendre auoir exemption de nos tailles & subsides, sinon ceux qui seront residents & demeurans és lieux, où sont establies nos Monnoyes ouuertes, & qui y seruent actuellement, & continuellement : Comme aussi les officiers de nostre Artillerie, couchez & employez és estats d'icelle. Desquels officiers le nombre sera
reduit

reduict & limité, & certifié par chacun an, de ceux qui auront seruy, & enuoyé pardeuers nostre Procureur en nostre Court des Aydes, qui en enuoyra vne copie en chacune des Elections.

CCCXLV.

SERONT les deniers de nos taillés, aydes, & autres impositions, attendant la moderation susdite, leuez au plus grand soulagement de nos subiects que faire se pourra: Defendânt aux Sergens de nosdictes tailles, & autres, d'vser d'aucunes exactions, faisans les recherches & contrainctes du payement desdicts deniers, sur peine de la vie;

CCCXLVI.

ORDONNONS que tous viâres, & deniers procedans de la reuente d'iceux, restans & reuenans bons des leuées, qui serôt dorés en auant faictes sur nos subiects, leur seront rendus & restituez, & employez à leur descharge, au payement de nos tailles: de la restitution desquels deniers nous voulons & entendons en estre faicte mention par les Eleus au commencement des assiettes desdictes tailles. Ce que nous leur enjoignons tresexpressément faire, sans qu'ils puissent estre donnez, ny ailleurs diuertis &

emploiez pour quelque occasiõ que ce soit.

CCCXLVII.

ET à ceste fin voulons & entēdons, que tous Receueurs, ou commis à receuoir munitions, grains, vins, chairs, & autres especes de viures, leuez sur nosdicts subiects, ayent à dresser incontinent l'Estat au vray de leur administration sur le departement de la leuee d'iceux, & la distribution qu'ils en auront faicte, sur les Recepissez deuement expediez, de ceux ausquels ils auront esté deliurez. Lequel Estat ils seront tenus presenter aux principaux Iuges des villes & lieux, où les leuees & distributions desdicts viures auront esté faictes, pour estre veu & examiné en public, & à huis ouuert, en la presence des Escheuins, & notables Bourgeois desdictes villes & lieux, proclamatiõs preallablement faictes pour ladiete assemblee, & que au payement des deniers, qui se trouueront en leurs mains de ladiete administration, lesdicts Commis soient contraincts par emprisonnement de leurs personnes, iceux mettre és mains des Receueurs de nos tailles en chacune Election: Comme aussi sera faict le semblable des deniers, qui pourront prouenir de la reuen-
te que

te que voulons estre faicte des viures qui se trouueront en nature, restans desdictes leuees. De tous lesquels deniers, qui seront ainsi receuz par nosdicts Recueurs des tailles, leur enioignons en bailler Estat aux Esleus sur le faict de nosdictes tailles, pour à la prochaine assiette estre deduiet & precōpté à la diminution de ce que nosdicts subiects doiuent porter pour le payement de leurs tailles : Et ce à peine contre lesdicts Recueurs, du double : & contre lesdicts Esleus, à faulte de faire ladicte deduction, de priuation de leursdicts offices : Et lesdicts Estats ainsi verifiez & arrestez par lesdicts Iuges en ladicte assemblee, estre portez, ou enuoyez en nostre Chambre des comptes par ledict Commis, pour seruir de verification & correction des comptes, qui en seront reueuz pour raison de la leuee, tant generale que particuliere, desdicts viures.

CCCXLVIII.

V O U L O N S & ordonnons, que les cheuaux d'artillerie, qui aurōt esté pris & leuez sur nostre peuple, en vertu de nos Commissions, soient apres le seruice faict rendus à ceux ausquels ils appartiennent, à peine du quadruple contre ceux qui les retien-

dront . Lesquels seront appelez pardeuant les Baillifs & Seneschaux des lieux, où ils auront esté leuez, sans que les adiournez puissent decliner iurisdiction. Et sera sur ce donné iugement prompt & sommaire, à peine contre les iuges d'en respondre en leur propre & priué nom.

CCCXLIX.

ET pour le regard de la recepte & distribution d'iceux viures, qui sera faicte en nos Camps & armées par ordonnances de nos Commissaires generaux: Nous leur enioignons, que incontinent apres la rupture & licenciement desdictes armées, ils ayent à faire dresser l'Estat au vray de la leuee & distribution desdicts viures, par celuy ou ceux à ce commis: & iceluy, tous affaires cessans, deuëment verifier, arrester, & signer: à fin que si par la closture dudiect Estat il reste quelques viures en nature, ou deniers, es mains desdicts Commis, ils les facent promptement rendre & restituer à nosdicts subiects, le plus iustement & egallement que faire se pourra: dont ils feront departemēt, qui sera transcrit à la fin dudiect Estat, & par eux signez: sans que lesdicts viures ou deniers ainsi restans, & reuenans
bons,

bons, puissent estre pour quelque occasion que ce soit, donnez & employez ailleurs: sur peine de nous en prendre ausdicts Commissaires, & d'en respondre en leurs propres & priuez noms. Enioignons aussi aux Gens de nos comptes, tenir la main bien estroitement à l'obseruation de nos vouloir & intention sur le reiglement desdicts viures, & restitution d'iceux à nosdicts subiects: n'ayant aucun esgard aux dons que nous pourrions faire desdicts viures ou deniers, quelque commandement qu'ils en puissent receuoir de nous en cest endroiçt.

C C C L.

V O U L O N S semblablement, que tous les deniers reuenans bons des leuces des Pionniers & Cheuaux d'artilleries, soient restituez & rendus à nos subiects des Elections, esquelles lesdictes leuces auront esté faiçtes, & mis és mains des Receueurs des tailles qui seront en charge, en l'acquit & payement de leurs tailles: faisant defenses ausdicts Receueurs ou Commis à la leuee desdicts deniers, de les employer ailleurs, ne souffrir qu'ils soient diuertis, sur peine du quadruple, encores que nous en eussions faiçt don. Lesquels ne voulôs estre verifiez,

ny passez par lesdits Gens de nos comptes, quelque commandement qu'ils en ayent sur ce de nous.

CCCLI.

LES deniers d'octroy, & imposition^{es} accordez par les Roys nos predecesseurs & nous aux villes de ce Royaume, pour les reparations, garde, & entretenement d'icelles, seront employez à l'effect, à quoy ils sont destinez par les Ordonnances des Escheuins, & non ailleurs: sur peine de repeter sur eux ce qui aura esté ordonné au contraire. Entendans toutefois estre compris en la despense de ladiète fortification, celle qui concerne l'entreenemēt des Orloges, garde des portes, guets. Et pour le regard de l'entreenement des Fontaines, Predicateurs, & Maistres d'Escholes, nous entendons estre fait le semblable, pourueu que ladiète despense n'excede la somme de cent liures, & qu'il n'y ait deniers patrimoniaux pour y satisfaire.

CCCLII.

ET d'autant que cy deuāt, pour les troubles & empeschemens susdits, nous aurions outre lesdits octroys, permis & accordé à aucunes desdictes villes, de faire leuer sur
les

les paroisses, & Elections prochaines d'icelles, plusieurs deniers pour leur fortifier: ce qu'à present se continue, encores que ce soit à la grande charge & foulle de nostre peuple, assez d'ailleurs affligé: Nous voulons & entendons, à fin de le descharger, que lesdictes leuees ne soient continuees, sinon que lesdictes fortifications fussent continuees par nostre permission en cas de necessité.

CCCLIII.

ET quant à la recherche requise par lesdicts Estats, des faultes & abus par eux pretenduz auoir esté commis en l'alienation de nostre Domaine, baulx à ferme d'iceluy, aydes, gabelles, & autres fermes, de quelque qualité qu'elles soient, verification & acquittement de mauuaises debtes, partis mal-faiets, constitutions de rentes imaginaires, & faietes soubs faulses causes: en quoy nous pourrions estre grandement léséz & interesséz: nous pour y pouruoir, auons faiet expedier nos Lettres de Commission expresse, pour proceder exactement ausdictes recherches. Suiuant lesquelles nous voulons, que nos subiets, soiēt gēs d'Eglise, Nobles & autres, puissent bailer

memoires à nos officiers, ausquels les Cõ-
missions sont adreſſees, pour en faire les
informations, verifications, & pourſuites à
ce neceſſairẽs. Voulons auſſi qu'il ſoit in-
formé contre ceux qui ont pris & prennẽt
profit, directement ou indirectement, des
partis que nous faiſons faire, ou qui ont in-
telligence avec ceux avec leſquels ils ſont
faicts, ſoient nos officiers, ou autres per-
ſonnes, de quelque qualitẽ qu'ils ſoient.

CCCLIII.

Voulons en outre, Que ſuiuant les
Ordonnances de nos predeceſſeurs, & les
noſtres, tous dons excedans mil eſcus ſoient
verifiez par leſdicts Gens de nos comptes:
Leſquels toutefois nous n'entendons eſtre
acquittez qu'en fin d'annees, les deſpenſes
ordinaires de noſtre Maiſon, & autres pre-
allablement payees & acquittees. Leſquels
donataires neantmoins ſerõt tenus en leurs
Lettres de don, declarer les autres dons
qu'ils auront euz de nous durant les trois
annees precedentes: ſur peine de dechoir
deſdicts dons.

CCCLV.

Et pour les plaintes qui nous ont eſté cy
deuant faiçtes, du mauuais eſtat auquel ſont
de pre-

de present les ponts, chemins & chaussees de cestuy nostre Royaume, encores qu'il y ait deniers affectez à l'entretienement d'icelles chaussees, ponts & chemins, leuez par les Seigneurs pour droict de peage, barrages, & trauers, sans qu'ils y soient neantmoins employez : dont nos subiects reçoient grandes incommoditez. Pour à quoy pouruoir & remedier, enioignons bien expressément à nos Procureurs és Bailliages, Seneschaucees, Preuostez, & Elections de cestuy nostre Royaume, de faire proceder par saisie sur lesdicts trauers & peages, pour les deniers en prouenant estre conuertis & employez en ladicte reparation, & non ailleurs. A quoy nos Officiers esdictes Seneschaucees, Bailliages, & Preuostez, & leurs Lieutenans tiendront la main, à ce que le tout soit réparé, & nostre intention effectuée & gardée : sans souffrir qu'il soit fait aucune main-leuée desdicts deniers, sinon lesdictes reparations deuëment faictes, sur peine de nous en prendre à eux, & d'en respondre en leur propre & priué nom.

CCCLVI.

Tous grands chemins seront reduits à leur ancienne largeur, nonobstant toutes

vsurpatioꝝ par quelque laps de temps qu'elles puissent auoir esté faictes. Et à ce que cy apres n'y soit fait aucune entreprise, seront plantez & bordeꝝ d'arbres, comme Ormes, Noyers, ou autres, selon la nature & commodité du pays, au profit de celuy auquel la terre prochaine appartiendra. Defendons à toutes personnes de couper ne endommager les arbres plantez sur lesdicts chemins, ou ailleurs: sur peine d'amende arbitraire, & de punition exemplaire.

CCCLVII.

DEFENDONS à tous estrangers, de leuer banque en nostre Royaume, sans que au preallable ils ayent baillé caution resceante & soluable dans iceluy, de la somme de quinze mil escus sol: laquelle, si besoin est, ils seront tenus renouueller de trois ans en trois ans. Et voulons que toutes compagnies ia faictes, ou qui se feront cy apres, entre lesdicts Estrangers estans en nostre Royaume, soient inscriptes & enregistrees aux Registres des Bailliages, Seneschauces, & hostels communs des villes, où ils seront tenus nommer & declarer tous leurs participans & associez, sur peine de faulx: Ordonnant que ceux qui auront les banques & so-

cietez,

cietez, ne puissent auoir aucune action l'un contre l'autre, s'ils n'ont fait faire leur enregistrement contenu cy dessus.

CCCLVIII.

Tous estrangers trafiquans, ou qui trafiqueront cy apres en nostre Royaume, & pays de nostre obeissance, seront tenus presenter aux Greffes des Iurisdiccions ordinaires des lieux, leurs Procurations, Commissions, & pouuoirs, pour y estre enregistrez, à ce que chacun en puisse auoir copie. Et outre seront tenus exprimer en tous leurs contrats, cedulaes, promesses, & acquits, le nom de celuy ou ceux pour qui ils feront lesdicts acquits, achapts, ventes, & promesses: à fin que si par-apres ils font banqueroutes, ou fallité, ceux qui y auroient interests puissent en tout euenement auoir recours contre ceux qui les auroient commis.

CCCLIX.

Aucuns Iurez de mestiers ne seront cy apres establis autrement que par election: & ceux qui auront esté pourueuz en tiltre d'office, demeureront supprimez, vacation aduenant par mort, ou forfaiture: & sauf aux villes & mestiers de les rembourser desapresent, si bon leur semble.

CCCLX.

DEFENDONS à tous Tauerniers & Cabaretiers de receuoir & heberger en leurs maisons gens sans adueu, plus d'une nuit, sur peine des galeres. Et leur enioignons sur pareilles peines, de le venir reueler en Iustice.

CCCLXI.

DEFENDONS aussi ausdicts Tauerniers & Cabaretiers de faire aucunes acquisitions pour debtes & tailles de despenses de bouche, faictes en leurs tauernes & cabarets, pour pain, vin, & autres denrees par eux fournies, sur peine de nullité des cōtracts: Et à tous Notaires de passer tels contracts, sur peine d'amende arbitraire.

CCCLXII.

ENIOIGNONS à tous Iuges, de garder & faire garder tref-estroitement l'Ordonnance faicte sur la reuente des marchandises qu'on appelle perte de finances: & non seulement d'enier action à tels vendeurs & supposeurs de prests: mais aussi proceder rigoureusement contre eux, & contre leurs courretiers & rachepteurs, qui se crouueront estre sciemment participans de tels trafics & marchandises illicites, par
multes,

multes, confiscations de biens, amendes honorables, & autres peines corporelles, selon les circonstances, & sans aucune dissimulation ou conniuece.

CCCLXIII.

Nous voulons, que toutes elections de Preuosts des Marchans, Maires, Escheuins, Capitous, Iurats, Consuls, Conseillers, & Gouverneurs de villes se facent librement: Et que ceux qui par autres voyes entreront en telles charges, en soient ostez, & leurs noms rayez des Registres.

Si donnons en mandement à nos amez & feaux les gens tenans nos Courts de Parlement, Chambres de nos comptes, Generaux de la Iustice de nos Aydes, & à tous autres nos Officiers, & chacun d'eux, si cōme à luy appartiendra, Que nos presentes Ordōnances faictes sur les plaintes, doleances, & remonstrances des deputez desdicts trois Estats de nostre Royaume, tenus en nostre ville de Bloys, ils gardent, obseruent & entretiennent, facent garder, obseruer, & entretenir inuiolablement de poinct en poinct selon leur forme & teneur, sans les enfreindre, ne souffrir aucune chose estre

faicte au contraire : & à fin de perpetuelle
memoire, & qu'elles soient notoires à tous
nos subiects, les facent lire, publir, & enre-
gistrer incontinent & sans delay après la
presentation d'icelles. Car tel est nostre
plaisir. Et à fin que ce soit chose ferme &
stable à tousiours, nous y auons faict met-
tre nostre seel.

DONNE à Paris au mois de May, l'an
de grace, mil cinq cens soixante dixneuf :
Et de nostre regne le cinquième.

Signé,

HENRY.



Et plus bas, Par le Roy estant en son
Conseil, BRVLART.

Et à costé, VISA.

Et seellées sur las de foye rouge & verd, en
cire verde, du grand seau.

Leuës, publiees & registrees, oy le Procureur general du
Roy, apres plusieurs deliberations, & remonstrances tres-
humbles faictes audict Seigneur, à Paris en Parlement, le
vingt-cinquième iour de lanuier, l'an mil cinq cens qua-
tre-vingts. Signé, DV-TILLET.

Registrees semblablement, oy sur ce le Procureur general du
Roy en la Chambre des Comptes, le quatrième iour de Mars,
mil cinq cens quatre-vingts, Signé, DE LA FON AINE.







